


The Ohio State University



3 2435 01662 7978

BP184.9W5M351908

001

VESAYA VE FERA'IZ MECMU'ASI

THE OHIO STATE UNIVERSITY BOOK DEPOSITORY



D	AISLE	SECT	SHLF	SIDE	POS	ITEM	C
8	02	33	12	8	02	014	6








وصايا وفرائض مجموعہ سی



اثر  
مناسبتی الحاج  
ابن معاذ مہدی



استانبول — مطبعۂ عامرہ

۱۳۲۶



BP 184.9

W5 M35

1908



## مقدمه

وصايا لفظی وصیتك جمعیدر . وصیت ( ایضا ) معناسنه  
اسم مصدر در وصیت ایدیلان شیئه دخی اطلاق اولنور .  
ایضا وتوصیه لفظلری ایکی معناده استعمال اولنور .  
معنای اول — كرك مال وكرك منفعت قبیلهندن اولان  
برشیئی مابعد الموت مضاف قیلهرق بروجہ تبرع بر کیمسهیه  
تملیك ایتکدر .

وصیت ایدن کیمسهیه ( موصی ) ، وصیت اولنان کیمسهیه  
( موصی له ) و ذکر اولنان ماله ویا منفعت ( موصی به ) دینلور .  
شرح — مالک دینه شمولی ظاهر در ائمدی دین قبیلهندن  
اولان شیرل دخی وصیت اولونه بیلیر .

لکن مالک منافع شمولی اولمدیغندن ( منفعت ) قیدی  
تسریح اولمشدر چونکه منفعت قبیلهندن اولان شیرلده وصیت  
اولنور مثلا کوله یی استخدام وعقارده سکینی کی .

فقط مال موقوف عین قبیلهندن اولمق شرط اولدیغی جهته  
دین ومنفعت قبیلهندن اولان شیرلک وقف ایدلمسی صحیح اولماز  
وقف ایله وصیت بونده افتراق ایتش اولورلر .

نهییه ۱ — تعریفده ( تبرع ) قیدنی ذکر امر واجب  
اولمیوب محضا بیان واقع مقصدیه ایراد اولمشدر چونکه  
بوقید ایله دخولندن احتراز اولنه حق برشی یوقدر زیرا اجنبیه




دین اقراری انشا و تمليك قییلندن اولیوب اخبار محضدر حتی  
بوجهتله مقربه اولان دین مجموع ترکه دن اخراج اولنور  
بناءً علیه (تمليك) تعبیرنده داخل اوله ماز .

بیع و اجاره کی عقود معاوضه منجز اولمیرینه مبنی  
مابعد الموته اضافت قیدیه خارج اولدقلری کی عوض مقابله سنده  
اولان هبه دخی قید مذکور ایله خارج اولور .

۲ — تبرع قیدینی ذکر ایتک تعریفی اخلاص ایتمز چونکه  
وصیت اولنمی واجب اولان حقوق الهیه عدم وصیت تقدیرنده  
موت ایله ساقط اوله جغندن بونوع وصیتلرده تبرع عد اولونه بیایر  
صاحبلری طرفندن مطالبه اولنه جق دیون عبادت هقیس اوله مازلر .  
بوجوابمز تبرع « ترکی قابل اولان برشیئی بالاخیار  
ایشله مک » معناسنه محمول اولدیغنه کوره در اما « برفعلی مجانا  
بلاعوض ایشله مک » معناسنه حمل اولندقدنه سؤال مذکورک  
اصلا وارد اولیه جفی آشکاردر . اه

معنای ثانی — بر کی مسه پی وصی ایلکدرکه او کی مسه نک  
حائز اولدیغی صفته ( وصایت ) تعبیر اولنور و کندیسنه (وصی)  
اطلاق اولندیغی کی ( موصی الیه ) دخی دینلور .

موصی طرفندن بعد الوفات ثلث اموالنده و یا مصالح اولادنده  
تصرف ایتک اوزره تعیین اولنان وصییه وصی مختار ) و حاکم  
طرفندن هر هانکی بر خصوص ایچون نصب اولنان وصییه  
( وصی منصوب ) دینورکه ( وصی غرما ) بونده داخلدر .





## باب اول

وصيته تعلق ایدن احكام بيانده در

### فصل اول

وصيتك سببي و حكملى بيانده در

مسئله ۱ — وصيتك سببي تبرعات سائرده اولديغى كى دنياه ذكر جميل و آخرتده اجر جزيل احرازينى قصد ايتمكدر .

شرح — معلوم اوله كه زوال ملك حالتنه اضافته تملكيدن عبارت اولسنه نظراً وصيتك قياساً عدم جوازى لازم كليرسهده شارع اقدس تعالى و تقدس حضرتلى انسانك بويله بر عتده احتياجى نظر مرحمه آله رق تجويز بيورمش يعنى مادام الحيوه املنه آلدانه رق ايفاي حقوق بابنده تقصير و تكاسلدن خالى اولميان انسانى آخر عمرنده تقصيرات واقعهنى ماليله قارشولا يهرق تلافى مافات صلاحيتنه مالك قيلمشدر .

متوقانك احتياجى نسبتنده بقاى ملكى ايسه اساساً ثابت و مشروعدر تجهيز و تكفين و ديون مقدارنده اولديغى كى . ايشته بومصاحته مبنى قرآن كريمده ( من بعد وصية يوصى بها اودين ) نظم جليلى ايله دين كى وصيت دخى اموال موروثه دن اخراج بيورلمشدر . احاديث شريفه دخى بومشروعيتى ناطقدر .



مسئله ۲ — وصیتك حكمى موصيتك وقت وفاتندن اعتباراً  
موصى لھك وصیت اولنان شیئہ ملك جدید ایلہ مالك اولمسیدر.  
شرح — ( حكم ) لفظى اصطلاح فقہادہ ایكى معنایہ  
كلور :

( ۱ ) اثر مترتب على الشئ یعنی بر شیئہ ترتب ایدن اثر  
دیملکدر بومسئلهده بومعنا مقصوددر .  
( ۲ ) افعال مکلفین حقننده شارع تعالانك بیان وتعیین  
ایتمش اولدیغی احکام خمسہ [ وجوب ، ندب ، اباحه ، حرمت ،  
کراحت ] در بومعناجہ حکمہ ( صفت شرعیہ ) دینورکه  
مسئله آتیہده تفصیل اولنه جق

مسئله ۳ — وديعه لرك ردینه و دیون مجهوله نك تسویه سنه  
وحج و زکوة وفدیہ و کفارات کبی فرائض و واجباتك اداسنه  
دائر وصیت ایتك واجب واقربادن بولنسان یاخود اهل علم  
وصلاح و کثیر العیال اولان کیمسه لره وصیت مستحب ، بویله  
اولمیان شخص غنی یه مباح و معصیتہ صرف ایده جکی مظنون  
اولان کیمسه لره مکروهدر .

مسئله ۴ — موصيتك ثلث مالى مساعد اولدیغی قدر  
دیلدیكى کیمسه یه — ولو غنی اولسون — وصیت ایتسی  
وارثلرك اجازتنه توقف ایتیهرك صحیحدر .  
اما ثلث ماله زائد اولان مقدار حقننده عاقل اولان ورثه کبارك  
بعدالوفات اجازتلى منضم اولمدقچه معتبر اولماز. وارث مريضك  
اجازتى ابتداءً وصیت حکمندهدر .



## فصل ثانی

وصیتك صحت ویا لزومنه دائر شرائط بیاننده در

مسئله ۵ — موصینك تملكه اهل و وصیت واقعه سنده

مختار اولسی و تركه سنك مستغرق بالدين بولنامسی شرطدر .  
بناءً علیه صبی و مجنون کی تملك و تبرعه اهل اولمیان ویا  
اکراه و وقوعه بناءً وصیت ایدن کیمسه نك وصیتی صحیح اولماز .  
یا لکنر صغیر ممیزك تجهیز و تکفین و دفن خصوصنه دائر  
وصیتی استحساناً معتبردر .

اجازت غرماً لاحق اولدقجه تركه سی مستغرق بالدين اولان  
کیمسه نك ده وصیتی مغنبر اولماز .

صبی ادراك بلوغدن صکره اقرار وصیت ایتسه ده زمان صبا-  
وتنده کی وصیتی صحیح دکلدر . كذلك زمان بلوغنه اضافتله  
وصیت ایتش اولسه ینه صحیح اولماز . چونکه قصور ولایتنه  
مبنی طلاقده اولدیغی کی وصیتده دخی صبی نه تجیزه نه ده تعایقه  
مالك دکلدر اما شخص رقیق عتقی زمانه اضافتله وصیت ایتسه  
صحیح اولور چونکه احراز حریت ایتدیکی زمان مانع صحت  
اولان حق مولی زائل اولور .

مسئله ۶ — موصی لھك حین وصیتده حقیقه ویا تقدیراً

بر حیات بولنسی و تملكه اهل و شخصاً و یا نوعاً معین اولسی  
و موصینك وارثی و قاتلی اولمامسی شرطدر .

شرح — حیات تقدیریه حین وصیتده رحم مادرده موجود

اولوب هنوز روحی نفخ ایدلمه مش بولنان حمل حقننده در .



ایمدی بویله بر حمله ده وصیت صحیح اولور آنجق  
زمان وصیتده موجودیتی معلوم اولمق لازمدر . بو ایسه  
حاملک زوجی بر حیات اولدیغی تقدیرده وقت وصیتدن اعتباراً  
آلتی آی تمام اولمزدن اول واکر زوجی وفات ویا ابانه —  
باینآ تطلیق — ایتمش اولمسنه بناء وقت منبرورده معتده ایسه  
زمان وفات ویا طلاقدن اعتبارا ایکی سنه دن اقل مدت ایچنده  
تولد وقوعیله ثابت اولور .

مسئله ۷ — ( شوقدر آرپه ویا صمان فلان کیمسه نك  
دابه لرینه ویرلسون ) دیه وصیت ایتمسه صحیح اولماز . بلکه  
فلان کیمسه نك دابه لرینه انفاق ویا تعلیف اولنسون دیه  
وصیت ایتمک اقتضا ایدر .

زیرا موصی لیهک تملکه اهل اولسی شرطی آنجق صورت  
ثانیه ده تحقق ایدر چونکه بوصورتده موصی له دابه لرك صاحبی  
اولور یالکیز وصیتک تنفیذی مذکور دابه لرك آنک ملککنده  
قالمسنه توقف ایدر زیرا موصی له آنلرك صاحبی ایسه ده وصیت  
بقای مذکورده معلق اعتبار اولنور .

کذلک ( شوقدر مبلغ فلان مسجده وصیت اولسون )  
دیسسه صحیح اولماز یعنی بو تعبیر ایله وصیت منعقد دکدر .  
چونکه بوصیغه تملیک افاده ایدر . بلکه

( فلان مسجده صرف وانفاق ایدلسون ) دیمک لازمدرکه  
بو حالده وجوه بردن معدود اولور .

ثلث مالم الله تعالانک اولسون ویا فی سبیل الله وصیت ایدرم  
دیمش اولسه بر رأیه کوره صحیح اولوب وجوه بره صرف اولنور .



مسئله ۸ — بر کیمسه قن محض اولان کندى کوله ويا

جاریه سنه ثلث مالنى وصیت ایدیهیلور .

یعنى شو وصیت اويله بر شخصه نفسنى تملیک معناسنه حمل

اولنهرق تصحیح ایدیلور . بو حالد موصى له اولان شخصك

قیمتى ثلث مالدن خارج اولورسه مجاناً آزاد اولور وفضله برشى

قالیرسه کندیسنه ویریلور اما ثلث مالدن خارج اولمازسه

ثالث مساعد اولدیغى مقدار مجاناً احرار عتق ایدوب بقیه قیمت

ایچون سعى ایتى اقتضا ایدر .

اما بویله بر کوله ويا جاریه سنه معین بر مالی ويا اچهنی

وصیت ایتى اولسه صحیح اولماز چونکه شوصورتله وقوع

بولان وصیت قابل تصحیح دکدر .

تنبیه — مدبر ایله امولده وصیت على الاطلاق صحیحدر

زیرا بونلر افندیك وفاتندن صکره انفاذ وصیت ایدیه جکی

اثنا ده حر بولورلر بناء علیه تملکه اهل اولورلر .

مسئله ۹ — موصى ( ثلث اموالى على الاطلاق بر کیمسه یه

ويا خود زید ایله عمرک بریسنه ویریکز ) دیمش اولسه وصیت صحیح

اولماز چونکه موصى له تعیین اولنماش اولور حالبوکه شرائط

صحتك بری ده موصى لهك شخصاً ويا نوعاً معین اولمسیدر .

مسئله ۱۰ — موصى ( ثلث اموالمدن بر جاریه آلنوب

آزاد اولسون و مزبوره یه شو قدر غروش خانه اچهنی ویرلسون )

دییه وصیت ایتسه شرا و اعتاقه دائر وصیتی صحیح اولور فقط

مزبوره یه مبلغ معینك ویرلمسنه دائر وصیتی صحیح اولماز چونکه

بو صورتده موصى لها بر شخص اولدیغدن تسمیه ويا اشارت



ایله تعیین ایدلمسی لازم ایدی اما اولکیسی وجوه بر قیلمدن اولمغله تعیین لازم دکدر .

یالکنز وصییه تفویض ایله (اگر دیلرسهك کندیسنه شو قدر غروش ویر) دیرسه اول وقت صحیح اولور بناءً علیه اعتاق اولان جاریهیه وصی مبلغ مذکوری ویره جاك اولورسه وارثلر منع ایدمزلر .

نصل که موصی کندی جاریه سنك آرزو ایتدیکی کیمسهیه بیع اولمسنی وصیت ایتدکده ورثه بیعه اجبار اولورلر اگر اول کیمسهیه قیمت حقیقیهسی ایله اشتراک امتناع ایلرسه ثلث مال مساعد اولدیغی قدر تنزیل اولور .

امام ثالث حضر تلرینك تصریح ایلش اولدقلری شومسئله دن عندالتخیر شخص مجهوله وصیتك صحیح اولمسی مستفاد اولور که وجهی ظاهر در چونکه بوصورتده موصی لهك جهالتی من له التخییرك تعیینی ایله ارتفاع ایدم جکنه مبنی منازعهیه مؤدی اولماز .

مسئله ۱۱ — بشقه وارثی بولنمیان زوجینك بریسی دیگرینه دیله دیکی اموالی وصیت ایدمیلور .

چونکه موصی لهك وارث اولماسی موصینك بشقه وارثی بولندیغی صورتده شرط قیلمشدر یعنی متعدد وارثلر بولندیغی تقدیرده ایچلرندن برینه وصیت ایتك دیگرلرینك اجازتنه موقوف اولور .

مسئله ۱۲ — عدم وراثت شرطی موصینك وقت وفاتنه نسبتاً آرانیلور .



بناءً عليه بر کیمسه وارثی اوله جق قرداشنه برشی وصیت  
ایتدکن صکره براوغلی دنیایه کلسه وصیت سابقه صحیح اولور  
اما اوغلی وار ایکن قرداشنه وصیت ایدوبده مؤخرأ اوغلی  
وفات ایتسه وصیت سزبورەنک حکمی اولماز .

مسئله ۱۳ — وارثک کوله سنه وجاریه سنه وصیت صحیح  
دکدر .

اما آنک اوغلنه وسائر اقرباسنه وصیت جائز اولور .

مسئله ۱۴ — موصی لھک موصی اولان کیمسه بی قتل  
ایتمی قاتلک حین قتله مکلف یعنی عاقل وبالغ وقتله مباشر  
اولمی صورتنده مؤثردر .

بو صورتده علی الاطلاق بطلان وصیت ترتب ایدر یعنی  
کړک وصیت وقوعندن صوکره قتل ایتسون وکړک جرحدن  
صوکره وصیت ایدوبده جرح مذکوردن متأثراً وفات ایلدیکی  
تحقق ایتسون .

کذلک قتل مذکور کړک عمداً وکړک خطاءً واقع اولسون .  
اما قاتل غیر مکلف یعنی صبی ویا مجنون یا خود قتله متسبب اولسه  
وصیت واقعه باطل اولماز .

مسئله ۱۵ — موصی بھک وقت وفات موصییدہ عقود  
شرعیه نك بریلہ قابل تملیک اولمی وصیتک شرائط صحیحنددر .  
اما حین وصیتده موجود اولمی شرط دکدر .

بناءً عليه اشجار معلومه نك زمان آتیده ویره جکی میوه لری  
وصیت ایتک صحیحدر .

اما مثلاً قیونلرینک ایاروده یعنی موصینک وفاتندن صوکره



حامل اولوب طوغوره جنی قوزولری وصیت ایتک صحیح اولماز.  
مسئله ۲۶ — عین موجوده تعلق ایدن وصیت آنک فواتیه  
باطل اولور .

مثلاً بر کیمسه موجود قیونلرینک ثلثی وصیت ایلدیکی  
حاله قیونلر کندیسینک حال حیاتنده تماماً تلف اولسه لرو وصیت  
واقعەنک حکمی اولماز .

چونکه وصیت موجودک عیننه تعلق ایتش اولدیغندن  
صوکره دن تملک ایلدیکی قیونلره شامل اولماز .

اما بر کیمسه نک ملککند قیون بولمادیغی حالده (قیونلریمک  
ثلثی فلان کیمسه یه وصیت ایدرم) دیوب مؤخرأ بر مقدار  
قیون صاحبی اوله رق وفات ایتسه وصیت واقعە صحیح اولور  
چونکه حین وصیتده قیونلری اولمادیغی جهتله وصیت بر عین  
موجود ایله تقید ایتیوب وقت وفاتنده موجود اولان اغنامه  
تعلق ایدر .

نصل که کل المالدە شائع اولان بر حصه یی مثلاً (ثلث مالی)  
وصیت ایدن کیمسه وصیت زماننده فقیر اولوب ده مؤخرأ  
اکتساب اموال ایلسه وقت وفاتنده موجود اولان اموالندن  
وصیت سابقه سی تنفیذ اولنور .

مسئله ۱۷ — ترکه سنده قیون ظهور ایتمین کیمسه نک  
(برکمنه یه مالمدن بر قیون ویرلسون) دیه وصیت ایتش اولدیغی  
ثابت اولسه اوکمنه یه وسط بر قیون بهاسی ویریلور .  
اما (قیونلرمدن بر دانه ویرلسون) دیه وصیت ایتش  
اولورسه صحیح اولماز .



تشریح — زیرا بوایکسجی صورتده موصی بهی قیونلرندن  
جزء قیلمسینه مبنی غرضی عیناً بر قیون وصیت ایتک اولدیغی  
اکلاشیلور .

بناء عایه مالنده قیون بولمینیجه وصیت واقعه باطل اولور  
صورت اولاده ایسه مالندن جزء قیلمسی جهته قیونک مالیتنی  
قصد ایلدیکی معلوم اولور .

علی الاطلاق بر قیون وصیت ایلدیکی صورتده دخی بطلان  
وصیت ترجیح اولور . زیرا مالیت قصدینه قرینه اوله جق  
اضافتک بولنامسی عین شات مقصود اولمسی تأیید ایدر .

تذکره ۱ — بعض فقها ترکهده قیون اولمامسینی مالیت قصدینه  
قرینه قیلهرق بووصیتی تصحیح ایتشلردر .

۲ — مسئله مزده ( قیون ) ذکر ی تمثیل طریقله اولوب  
سائر نوع معین ماللرده دخی حکم بویلهدر .

۳ — ( مالندن بر قیون ویرلسون ) دیه وصیت ایدن  
کیمسهنک ترکهسنده بر قیون بولندیغی تقدیرده ورثه اونی عیناً  
دفع ایله قیمتتی اعطا خصوصنده تخیر اولنورلر .

---

### فصل ثالث

وصیتک رکنلری بیانددر

مسئله ۱۸ — وصیت بر عقدشرعی اولوب رکنلری ایجاب  
وقبولدن عبارتدر ایجاب — مالی فلان جهته وصیت ایلدم ویا  
وفاتمدن صوکره ثلث مالی ویا ترکهمدن شو قدر اچیهی فلان



کیمسه یه ویریکنز ویاخود مالمدن فلان شیئی فلان ذاته تصدق ویا هبه ایلدم وفاتمدن صوکره ویرلسون کی وصیته دلالت ایدن الفاظک بریله اولور وصیت لفظنی ذکره حاجت یوقدر چونکه ثلث اموال وترکه تمجیرلری ایله موته اضافتک هربری وصیته دلالت ایتمکده در .

بناءً علیه صورت اخیره ده موصی مصرأً علی الوصیه وفات ایدوب ده ثلث اموالی مساعد اولدینی حالد موصی له موصی بهی ترکه دن آلق ایستدکده وارثلر ( مورثمن سنک حقه کده وصیت لفظنی ایتیموب وفاتمدن صوکره اومالی ویریکنز دیمکله وصیت ایتمش اولماز بلکه هبه لفظنی ذکر ایتمش اولدینی جهته هبه ایتمش اولور فقط قبل التسليم وفاتی وقوعبولدینی جهته هبه باطل اولور ) دیه موصی لهی دفع ایده منزلر .  
زیرا عقود شرعیه ده اعتبار مقاصد ومعانی یه اولوب الفاظ ومعانی یه دکلدر .

مسئله ۱۹ — اگر موصی له تسمیه ویا اشارت ایله شخصاً تعیین ایدمش اولورسه ایجاب — وقت وصیته نظراً معتبر اولور واکر بوجمله تعیین ایدلمزسه موصینک وقت وفاتی اعتباریله صحیح اولور .

بناءً علیه برکیمسه اشارت وتسمیه ایله تعیین اشخاص ایتیمه رک ( ثلث مالی فلان کیمسه نک اوغللرینه وصیت ایتدم ) دیسه وقت وفاتنده اول کیمسه نک موجود اولان اوغللرندن هربری وصیت مزبوریه داخل اولورلر .  
اما تعیین شخص ایدهرک وصیت ایدرسه موصی له یالکنز



حين وصيته هو جود ومعتين كيمسه اردن عبارت قالوب سائر لر  
وصيت واقعه يه داخل اوله مازلر .

مسئله ۲۰ — موسى لهك قبولى موصينك وفاتندن صوكره  
اولق شرطيه صحيح اولور .

چونكه حكم وصيتك ثبوتى اوزماندن معتبردر بناءً عليه  
موصينك حال حياتنده وقوعبولان رد وقبوله اعتبار اولماز فقط  
قبول صريحاً اولديغى كى عدم رد ايله دلالة دخى ثابت اولور  
نته كيم موصينك وفاتندن صوكره موسى لهده هنوز رد ويا قبول  
ايتدن اول وفات ايتسه استحصاناً وصيت صحيح اولوب موسى به  
آنك وارثلرينه ويريلور .

ايمدى موسى لهك سكوتيه رد ايله قبولك برى ثابت اولماز  
بلكه موسى به تركه دن افراز اولنه رق اونك موتى زمانه قدر  
موقوف براقيار .

كذلك جنينه برشى وصيت اولند قده صريح قبول بولمق سزبن  
وصيت تمام اوليور .

تقرير — چونكه جنين حقتنده بر كيمسه نك ولايتى ثابت  
اولمديغندن بالنيابه دخى قبول ممكن اولماغله استحصاناً ساقط  
اولور يعنى جنين قبوله اهل اولمديغى جهته كندينه برشى هبه  
اولونسه صحيح اوليور فقط وصيته عدم رد ايله اكتفا اولنوب  
مزبور حقتنده وقوعبولان وصيت صحيح اولور زيرا وصيت  
هبه كى تملك محض اوليوب من وجه « تملك » وجه آخر  
ايله ده استخلافدر بناءً عليه قبول ممكن اولان صورتلرده تملك  
جهته نظراً وصيت قبول ايله مشروط اولور قبول ممكن اوليان



صورتلرده استخلاف جهتی نظر اعتباره آنهرق میراث کی  
بلا قبول صحیح اولور هم ده مابعد الموته مضاف بر تملیک اولدیغی  
جهتله فی الحال قبضه اهل بولمق شرط قیلماز .

مسئله ۲۱ — بر کیمسه یه حین وفاتنده ( ثلث مالکی فلان  
وجوه خیره وصیت ایتدکی یا خود ایدرمیسک ) دینلده  
( ایتدم ویا ایدرم ) دیوب بشقه بر قید علاوه ایتسه ثلث اموالی  
وجوه مذکوریه وصیت ایتش اولور .  
زیرا سؤال جوابده اعاده ارنمش عد اولنور یعنی تصدیق  
اولنان سؤالده نه دینلمش ایسه مجیب ده آنی سویلش  
حکمنددر .

مسئله ۲۲ — بر کیمسه کندیسنه قرابتی اولدیغی معلوم  
ومعروف بر کیمسه حقنده ( فلان شخص بنم وارثمدر ) دیه  
اقرار ایتدکن صوکره کندیسی بلا وارث وفات ایتسه اقرار  
مذکور وصیته حمل اولنور . بناءً علیه شخص مزبور بحکم  
الوصیه متوفانک جمیع ترکه سنی آلور بیت المال امینی مداخله  
ایده من زیرا کلامک اعمالی ممکن اولدجه اهل والغازی جائز  
اولماز .

مسئله ۲۳ — دینی و وارثی بولنمیان بر کیمسه جمیع اموالی  
مرض موتنده بیله دیلایکی کیمسه یه ویا جهت خیره وصیت  
ایده بیلور .

تفسیر — چونکه ثلث ماله زائد اولان مقدار حقنده وصیتک  
نفاذینه مانع اوله جق شی دائن ویا وارثک تعلق حقندن عبارتدر



بناءً عليه وارثك فقداني تقديرندہ دینی اولیان کیمسہنک وصیتی  
 علی الاطلاق صحیح اولق وترکہسنہ امین بیت المال مداخلہ  
 ایدہمہمک لازم کلور چونکہ موصی الہ بیت المالہ تقدم ایدر .  
 مسئلہ ۲۴ — موصی لہک قبل القبض موصی بہدہ تصرفی  
 صحیحدر .

بناءً عليه وصیت اولیان برخانہنی موصینک وفاتندن صوکرہ  
 موصی الہ هنوز قبض ایتدن آخرہ صاتہ بیلور .

### فصل رابع

وارثک اجازتی بیاندہدر

مسئلہ ۲۵ — ثلث مالہ زائد مقدار حقندہ ورثہ کبارک  
 اجازتلی صحیح اولق ایچون کیفیت وصیت علی التفصیل  
 معلوملی اولق شرطدر .

مثلاً ( پدرکز فلان جہتہ شوقدر غروش وفلان کیمسہیہ  
 بوقدر اشیا وصیت ایتمشدرکہ بونلرک مجموعی ثلث اموالہ زائد  
 اولق اوزرہ شومقدارہ بالغ اولور ) دیہ بیان وافادہ اولندیخی  
 حالہ وارثلر اجازت ویرولرسہ اجازت صحیح اولور والا معتبر  
 دکلدر چونکہ تغیر ایدلمش اولورلر .

مسئلہ ۲۶ — وارثلر موصینک وفاتندن صوکرہ ثلثہ زائد  
 اولان مقداری یاخود ایچلرندن بریسی حقندہکی وصیتی مجیز  
 اولدقلری صورتدہ وصیت تمام ولایم اولور .

بناءً عليه آرتق موصی بہی تسلیمدن امتناع ایدہمنلر



امتناع ایدر لرسه تسلیمه اجبار اولنور لر چونکه موصی له وارثلرک  
اجازتیه موصی بهی موصی جهتدن تملک ایدر .

بناءً علیه مؤخرأ ناذم اولان وارثک منعی معتبر اولماز زیرا  
ساقط اولان حق عودت ایتمز .

اما و دیعه اولان بر مال بالتعین وصیت اولندقدده موصینک  
وفاتندن سوکره صاحبی طرفندن بالاجازه موصی لهه تسلیم  
اولنورسه آنک جهتدن تملک اولنه جغنه بناءً صاحب و دیعه نک  
بعدالاجازه منعی صحیح اولور شو قدر وارکه تبرع مذکور موقوفاً  
صحیح اولان بروصیتی انفاذ دیمک اولوب هبه محضه اولمديغندن  
بعدالتسلیم رجوع ایدمه .

مسئله ۳۷ — وارثلرک بعضیسی مجیز اولورسه یالکیز  
آنک حصه سندن تنزیل اولنور .

مثلاً وارثلری ایکی قرداشدن عبارت اولان برشخص  
مالنک نصفنی برذاته وصیت ایلدکده وارثلرک بری زیاده بی مجیز  
اولوب دیکری اولسه مجموع ترکه اون ایکی سهم اعتبار اولنور .  
موصی لهه درت سهم ثلث المال اوله رق و بر سهم ده وارث  
مجیزک حصه سی اولان ثلاثدن افر از اوله رق تمام بش سهم ویریلور .  
بوصورتده وارث مجیز ترکه دن اوچ سهم آلمش اولیورکه  
ترکه نک رابعی دیمکدر .

وارث دیکر ایسه درت سهمدن عبارت اولان ثلث مالی  
تماماً آلور .

مسئله ۳۸ — زیاده علی الثلثی مشتمل اولان وصیتده موجود



اولان وارث زوج ايله زوجەنك غیری اولوب ده مجیز اولور سه  
موصا بهك ماعداسنی آلور .

وارث زوجینك برندن عبارت اولدیغی صورتده مجیز  
اولور سه سهمی باقیدن اخراج اولنوب باقینك فضلەسی بیت الماله  
عائد اولور .

مثلاً ترکهنك ثلثانی وصیت اولندیغی تقدیرده متوفانك  
زوجەسی اجازت ویررسه سهمی اولان ربی باقیدن آلهجی  
جهتله ترکه اون ایکی سهم اعتبار ایدیلرک برسهم مزبوره یه سکر  
سهم موصالیه ویریلور اوچ سهم ده بیت الماله قالور .

اگر بوصورتده اجازت ویرمیه جك اولور سه ترکه الی سهم  
اعتبار اولنوب برسهم مزبوره یه درت سهم موصی الیه ، و برسهم ده  
بیت الماله اعطا اولنور .

### فصل خامس

وصیتدن رجوعه دائردر

مذکر ۲۹ — موصینك وقت وفاتنه قدر وصیتده اصرار  
وثبات ایتمی شرطدر .

ایمدی موصی ولومرض موتده وصیت واقعەسندن رجوع  
ایلمه وصیت باطل ومنفسخ اولور .

آنحقی تدبیر مطلق قییلندن اولان وصیت حقیقەده رجوع  
صحیح دکلدر بناءً علیه ( هر نه زمان وفات ایدر سم کوله مویا جاریه م  
آزاد اولسون ) دیه وصیت ایدن کیمسەنك نه قولاً و نه فعلاً رجوعه  
صلاحیتی اولماز چونکه بودرلو وصیت یمین عد اولنور .



اما تدبیر مقید اولور سه یالکیز فعلاً رجوع صحیح اولور مثلاً  
( بن شو مرضدن وفات ایدرسم فلان جاریه م آزاد اولسون ) دین  
کیسه او جاریه نی صاته بیلور لیکن مؤخرأً اشترأً ایده جک اولسه  
وصیتک حکمی عودت ایدر .

مسئله ۳۰ — مالک ثلث و یاربغنی وصیت ایدن کیسه نک  
یالکیز قولاً رجوعی صحیح اولور فعلاً رجوعی صحیح اولماز .  
بناءً علیه مال موجودک بر قسمنی بیع و یا عبه ایتسه وصیتی  
باطل اولیوب اموال متروک سنک ثلث و یاربغندن تنفیذ اولنور .  
کذاک حین وصیتده موجود اولان اموالی کاملاً استهلاک  
ایدوب ده مؤخرأً دیگر اموال اکتساب و تملک ایلسه ینه حین  
وفاتنده کی مالک ثلث و یاربغندن وصیت سابقه سی تنفیذ اولنور  
مسئله ۳۱ — بر مال معینی عیناً وصیت صورتنده هم  
قولاً هم فعلاً رجوع صحیح اولور .

تفصیلات مبسوطه یه نظراً رجوعک صحت وعدم صحتی  
اعتباریله وصیتک درت قسمه انقسام ایلدیکی اکلا شیلور .

برنجی قسم	اصلاً قابل رجوع اولیان وصیتدر .
ایکنجی قسم	یالکیز فعلاً قابل رجوع اولان وصیتدر .
اوچنجی قسم	یالکیز قولاً قابل رجوع اولان وصیتدر .
دردنجی قسم	هم قولاً هم فعلاً قابل رجوع اولان وصیتدر .

## رجوع قولی

مسئله ۳۲ — رجوع قولی ( بن وصیتدن رجوع ایتدم )



وصیتی ترك ویا ابطال ویا فسخ ایلدم کبی رجوعه صراحة دلالت  
ایدن الفاظك بریله اولور .

مسئله ۳۳ — ( زیده وصیت ایتدیکم مال عمرک اولسون )  
دینلمش اولسه نظر اولنور . حین وصیتده عمرو بر حیات ایسه  
زیده اولان وصیتك حکمی قالماز واکر حین وصیتده عمرو  
وفات ایتمش بولنورسه وصیت اولایه خلل کلمز .

اما بر مالی زیده وصیت ایلدکن صوکره عمروه دخی  
وصیت ایتك بوقیلدن دکلدر بلکه بو صورتده مزبورلر موصی  
بهده اشتراك ایدرلر چونکه تشریک اراده سنه صلاحیتی اولان  
بر کلام قطع شرکت معناسنه حمل اولنماز .

مسئله ۳۴ — بن وصیتی تأخیر ایتدم دیمك و آنی حرام  
ویا ریا عدایتك کذلک وقوعی انکار ایتك رجوع دکلدر .

### رجوع فعلی

مسئله ۳۵ — رجوع فعلی اوچ وجه اوزره اولور .

۱ — مغضوبدن حق مالکی قطع ایدن بر فعل ایله اولورکه  
موصی بهك اسمی دکی شه جك بر صورت دیگره تحویل اولنمسندن  
عبارتدر مثلا وصیت اولنان دمیری قلیج ویا باشقه بر آلت  
یا یاق و قماش بیچوب دیکمك و بغدادی اون ایتك ویا دیگر بغدادی  
ویا آریه ایله قاریشدیرمق کبی .

اما قیون ویا دوهی مجرد بوغازلامق ایله رجوع فعلی حاصل  
اولور چونکه بو صورتده اسم دکی شه یورسده استبقای ملکه



دلالت بولونیور زیرا لھک موصینک وقت وفاتنہ قدر بقاسی  
نادر در .

۲ — موصی بہدہ مانع تسلیم اولہ جق برشی زیادہ سیلہ  
اولور مثلاً وصیت اولنان عرصہدہ بنا احداث ایتک وارضیدہ  
اشجار ویا کروم غرس ایلک کی اما خانہنک بناسنی ہدم ایتک  
وترلایہ سبزہ اکمک رجوع دکلدر .

۳ — زوال ملکی موجب اولان بیع ویاہبہ کی برتصرف  
ایلہ اولور ایمدی موصی طرفندن بعدالوصیہ بویلہ برتصرف  
وقوعبولوب مؤخرأً شرا ویاہبہدن رجوع طریقہ تملک ایتمش  
اولاسہ وصیتک حکمی عودت ایتمز .

اما موصی بہی اجارہ ویا اعارہ ایتک کذلک تعیین اولنان  
وصی بی عزل ایلک رجوع دکلدر . بوصورتدہ دیگر وصی  
تعیین ایتکسزین وفات ایدرسہ حاکم طرفندن نصب اولنہ جق  
وصی واسطہ سیلہ تنفیذ وصیت اولنور .

مذکورہ ۳۶ — دیلسزک اشارت معلومہ سیلہ وصیت ایتمی  
صحیح اولدینی کی برعلتدن طولانی لسانی طولوتوبدہ تکلمہ  
مقتدر اولیان کہمسنہنکدہ اشارت معلومہ ایلہ وصیت ایتمی  
صحیح اولور آنجیق مزبورک صوکرہدن لسانی آچیلورسہ  
وصیت سابقہ بی اعادہ ایتمی اقتضا ایدر اگر اعادہ ایتمزسہ  
رجوع ایتمش عداولنور چونکہ ضرورۃً جائز اولان شی  
ضرورت قدی ایلہ تقدیراولنور .



## فصل داسی

وصیتك بطلانی ایجاب ایدن ویایتمین شیلر بیاندوده در

مسئله ۳۷ — موصینك حال حیاتنده کنیدی صنی

اولیه رق موصی هك اسمی تغیر ایتسه وصیت بلارجوع باطل اولور مثلاً وصیت اولنان اوزوم قورویوب زیب اولسه یا خود یورطه پلیچ اولسه وصیت سابقه نك حکمی قالماز . اما موصینك وفاتندن سوکره بویله برتغیر وقوعی وصیته خلل کتیرمز .

مسئله ۳۸ — وصیتدن سوکره موصی اولان کیمسه یه

جنون ویاعته عارض اولوب آلتی آی قدر امتداد ایتدکن - سوکره وفات ایتسه وصیت باطل اولور ( تنویر الابصار )

مسئله ۳۹ — برکیمسه فلان کیمسه دن آله جغم بولنان

شوقدر غروش تحصیل اولنوب ده آنکله فلان محله بر مکتب یاپلسون و یا خود فلان فقیره ویرلسون دیه وصیت ایلسه ثلث مالی مساعد اولدینی صورتده دین مزبور تحصیل اولنورسه وصیت واقعه تنفیذ اولنور اکر مدیون مفلساً وفات ایدرسه وصیت باطل اولور

مسئله ۴۰ — مریض اولان کیمسه برشیئی برقادینه

وصیت و یا هبه ایتدکن سوکره مزبوره یی نکاح ایتسه وصیت و هبه باطل اولور .

شرح — زیرا وقت وفاتنده وارث اوله جق برکمنه یه تبرع

ایتمش اولیور بوا یسه دیگر وارثلرک اجازتنه توقیف ایدر . مرض موت حالنده هبه دخی وصیت حکمنده اولوب مابعد الموت



مضافدر بناءً عليه استغراق دين صورتنده باطل وعدم استغراق  
حالنده ثلث اموالدين افراز اولنور امدن قليل ايسه ثلث اموالندن  
معتبردر اه.

اما اقرار بالدين وقوعندن صوكره مقرلهائي نكاح ايتسه  
اقرار باطل اولماز .

**شرح** — چونكه مقرلهك وقت اقرارده وارث اولماسي  
شرطدر مقرك وقت وفاتنده بر سبب حادثايله وارث بولمسي  
ضرر ويرمز بناءً عليه رقيت واختلاف دين كي بر مانع وراثت  
بولندقدده اولاده اقرار دين صحيح اولور ليكن مؤخرأ او مانع  
زائل اولوبده وراثت تحقق ايدجك اولورسه اقرارك حكمي  
قالماز زيرا وقت اقرارده بنوت بولمسي تهمت ايشار ايراشندن  
خالي دكلدر ايشته بوكا بناءً ذكر اولنان سببي حادث قيديله  
تقييد ايدبورز اه.

**مسئله ۴۱** بر كيمسه برخانه اشتر ايدوب بر كيمسه يه وصيت  
ايدرك مصرأ على الوصيه وفات ايتدكدن صوكره مذكور خانه  
موصي ليه تسليم اولندقدده بر شفيع ظهور ايدوب النندن آلمش  
اولسه موصي له متوفانك تركهسنه رجوع ايله ثمنی آلور .

اما بر مستحق ظهور ايدوبده النندن آله جق اولسه او وقت  
تركيه رجوع ايدمز چونكه بوصورتده موصي غيرك مالني  
وصيت ايتمش اوله جغندن وصيتي باطل اولور .

**مسئله ۴۲** — تكلمه مقتدر بولنان بر كيمسه يه خطابأ  
ثلث مالكي فلان وفلان وجوه خيره وصيت ايت دنيلدكده لسانأ



برشی سویلیوب باشیاه ویا الیه ایتدم دیه اشارت ایلسه وصیت ایتش اولماز . چونکه اشارتله حکمک ثبوتی ضرورت حالنه مخصوصدر .

مسئله ۴۳ — برکیمسه محل معینه برچشمه ویا مکنب انشاسنی وصیت ایدوبده اومحله انشاسی ممکن اوله مسه وصیت باطل اولماز بلکه اورایه اکیقین بولنان محل مناسیده احداث اولنور

مسئله ۴۴ — برکیمسه وارثلرینه ( فلان کمنه یه دینم واردر هر نه مقدار بیان ایدرسه تصدیق ایدیکز ) دیسه مالانک ثانی مقدارنجه تصدیق اولنه بیلور .

شرح — بونک دلیلی استحسان اولوب اصل دین اقراریه مقداری ده وصیت طریقیله ثابت اولور .

اگر موصی وارثلرینه بویله برامر ویردیکی حالده ثلث مالنی برکمنه یه وصیت ایتش اولورسه حاکم شرع طرفندن ترکه نك ثانی موصی لیه وراثانی ورثه یه عزل وافراز اولنور — چونکه ثلث مالده وصیت وراثانده میراث حقوق معلومه در مقرله عائد اولان شی ایسه دین معلوم قیلندن اولمدیغی جهته حق معلومه مزاحم اوله ماز — .

بعده هر فرقه بیلدیککز مقدارده تصدیق ایدیکز دینور .

وموصی لیه حصه سندن اقرار ایلدیکی مقدارک ثانی ، ورثه نك حصه سندن اقرار ایتدکلی مقدارک ثلثانی اخذ اولنوب مدعی اولان کمنه یه ویریلور فضله قالیرسه کندیلرینه تمایک اولنور .

چونکه فریقیک هربری طرفندن بر مقدار دین اقرار اولندقدنه ترکه دن حصه لک هر برنده شایع بر دین بولندیغی ظاهر اولمغله اللرنده کی



مال موجود حسابجه تسويه اولمى لازم كلور. مثلاً تركه نك مجموعى ۹۰۰ آلتون اولديغى تقديرده موسى له مقدار دينك ۱۵۰ التون، ورته ۳۰۰ التون اولمى تصديق ايتسه ثلثدن ۵۰ وثلثاندن ۲۰۰ التون افراز اولنه رق مدعى به ويريله جكندن موسى له (۲۵۰) وارثلره (۴۰۰) آلتون قالور. اما تركه اوچيوز التوندن عبارت اولديغى تقديرده شومئوال اوزره اقرار و اخراج واقع اولسه موسى له الى آلتون قالير، وارثلره برشى قالماز، ينه بوتقديره كوره اقرار عكسى صورته واقع اولسه موصاله برشى قالميوب وارثلره يوز آلتون قالير دىخى تماماً ايكي يوز آلتون آليز.

**تبيين** — اكر مدعى اقرار واقع قانع اولميوب دينك دها زياده اولمى ادعا ايدرسه ورته ايله موسى له بتاته دكل عدم علامه تحليف اولورلر چونكه تحليف مزبور غيرك فعلى يعنى مدعى ايله متوفى بينده جارى بر معامله اوزرينه اوله جغندن بتات اوزرينه اوله ماز.

**مسئله ۴۵** — متوفانك تركه سى اوغللري بينده تقسيم اولندقدن صكره آنلرك برى پدرلرينك ثلث مالى بر كمسنيه وصيت ايتمش اولديغى اقرار ايتسه صحيح اولوب يالكلز كندى حصه سندن بر ثلث اقرار اولنه رق موسى له ويريلور. مثلاً ايكي برادر پدرلرينك ۱۵۰ التوندن عبارت تركه سنى مناصفه وجهله تقسيم ايتدكدن صكره بر كيمسه نك پدرلرى طرفندن ثلث مال كنديسنه وصيت اولنديغى ادعا ايتمى اوزرينه آنلرك برى تصديق ايلسه آنك حصه سندن (۲۵) آلتون اول كيمسه به ويريلور.



تفسير — مقتضای قیاس امام زفر رحمه الله حضرت تیرینک دیدیکی کی مقرئ نصف حصه سی ویرلمکدر . چونکه ورثه نك ایکی وارثه انحصاری تقدیرنده برینک وصیت مزبورہ یی اقرار ایتسی دیگر بر برادرک وجودینی اقرار کی موصی لہک کندوسنه مساواتی اعتراف دیمک اولور بو ایسه النده کی حصه نك تنصیفی مقتضیدر منکرک النده کی مال تلف حکمنده اولوب ایکیسنک ده نقصان نصیبنه بادی اولور . فقط دلیل استحسان بونک خلافه دالدر زیرا مقر اقرار مزبور ایله موصی لہه جمیع ترکه ده شائع بر ثلث اقرار ایتش اولور لکن اقراری یالکیز کندی حقنדה معتبر اولوب حصه سنک ثلث مقداری افراز اولنق لازم کلور . برده اکر نصفی آله حق اولسه دیگر وارثک ده اقرار ایتسی محتمل بولندیغندن آنک حصه سنندن دخی بر نصف آله رق حق ثنی تجاوز ایتش اولور

اما وارثلرک بری ترکه حقنדה ادعا اولنان دینی اقرار ایتسه اقرار ایتش اولدینی دین کندی حصه سنی مستغرق اولورسه کاملاً ویرمسی لازم کلور چونکه دین میراثه تقدم ایدربناء علیہ مقر مزبور النده کی حصه یه دائنک کنندن احق اولمسنی اعتراف ایتش اولور وصیت ایسه بویله اولیوب موصی لہک ترکه دن آله جفی شیدک ایکی مثلی وارثه ویرلمک اقتضا ایدر

مُدر ۴۶ — وصیت شرط فاسد ایله باطل اولماز . مثلاً

فلان قادینه نفسنی آخره تزویج ایتمامک شرطیله ثلث مالمدن شو قدر غروش ویرلسون دیه وصیت اولندقدہ وصیت صحیح و شرط مذکور لغودر



بو حالدہ موسیٰ لها نفسی برینه تزویج ایاسه دخی موسیٰ  
بی آلمغه استحقاقی اولور .

مسئله ۴۷ — موسیٰ ایله موسیٰ لهک دین و مذهبجه متحد  
اولملری شرط دکلدر بناءً علیه ولو دیگر دولت تبعه سندن اولوب  
مستأمن صفتیله دار اسلامده بولنان غیر مسلمک مسلمه وصیتی  
صحیح اوله جنی کبی مسلمک ده غیر مسلمه وصیت ایتسی صحیح  
اولور یالکیز موسیٰ له اولان غیر مسلم اجنبی مملکته اقامت  
ایدنلردن اولمالیدر چونکه بویله اولورسه موصینک وارثلری  
اجازت دخی ویرسهلر وصیت معتبر اولماز

اما دولت علیه تبعه سندن بر شخص ترک تابعیت ایتیه رک  
موقتاً اجنبی مملکتده بولنسه بونک حقنده وصیت صحیح اولور .

مسئله ۴۸ — دار اسلامده وارثی بولنمیان بر مستأمن جمیع  
اموالی بر کیمسه یه وصیت ایلسه ممالک اجنبیه ده کی وارثلرینک  
اجازتنه حاجت اولمیه رق شو وصیت صحیحدر اما مالنک بر ثلث  
ویا ربغنی وصیت ایثسه مقدار مزبور موسیٰ لهه ویرلدکن  
صوکره باقیسی بر تصرف صحیحه بناءً مستحق بولمدیغدن محضاً  
آنک حقوقنه رعایه وارثلرینه رد وارسال اولنور .

مسئله ۴۹ — وصایاده تعلیق معتبردر . مثلاً بر جانبه سفر  
قصد ایدن کیمسه شاید اوراده وفات ایدرسه م یا خود مریض  
اولان کیمسه اکر بو خسته لقدن وفاتم وقوع بولورسه ثلث  
اموالدن فلان کیمسنه یه شو قدر غروش ویریکنز یا خود شو  
مقدار پاره صرف ایدوب فلان محله بر چشمه یاپیکیز دیه



وصیت ایلدکده اکر معلق علیه اولان وفات وقوعبولورسه  
وصیت واقعه تنفیذ اولور والاباطل اولور .

مسئله ۵۰ — ذات زوج اولان برقادین تجهیز و تکفین  
ودفن خصوصنه دائر ثلث اموالندن بر مبلغ تعیین ایلسه معتبر اولماز  
چونکه مصارف مزبوره زوجی اوزرینه قادینلرکده واجب  
اولدیغندن موصیه نك ترکه سندن افراز اولنه ماز اما سائر نوع  
وصیتلری معتبر اولور .

### فصل سابع

وصایانك تنفیذ و تقسیم بیاننده در

مسئله ۵۱ — موصی به وارثلرک یدنده و دیعه حکمنده در  
بناءً علیه بالاتعدی هلاک اولدقده ضمان لازم کلز اما ولوموصی  
لهک قبولندن اول وارثلر آنی استهلاک ایتمش اولورلرسه ضامن  
اولورلر .

مسئله ۵۲ — موصی وصیت ایتدیکی برشیئی اشارت ویا  
تخصیص ايله تعیین ایدلدکن صکره آنک مقدارینی ذکر ایلسه  
وصیت واقعه اشارت اولنان ویا تخصیص ایدیلن شی حقننده منعقد  
اولور . تعیین مقدارده کی خطایه اعتبار اولماز . مثلاً برکیمسه  
بو چکمه جده موجود اولان نقد اچمه می که بشیک غروشدن  
عبارتدر . وفاتندن صکره فلان کسنه یه ویریکز دیه وصیت ایلسه  
چکمه جده دروننده اون بیک غروش اچمه ايله بر مقدار ذیقیمت  
مجوهرلردخی ظهور ایتسه کاملاً موصی له اولان کسنه یه ویریلور .



كذلك ثلاث اموال كه اون بيك غروشدن عبارتدر فلان وفلان  
جهت خيره صرف اولسون ديد كده ثلاث مذكور اللى بيك  
غروشدن دخى اولسه تماماً اوجهتله صرف اولنور.

اما فلان كيمسه يه تركه مدن بيك غروشدن ويرلسون كه شو  
مقدار آنچه مالمك ثلثيدرديه وصيت ايلسه تركه نك ثلثى ايكي بيك  
غروشدن اولديغى تقديرده دخى موسى لهه يالكز بيك غروشدن  
ويريلور .

مسئله ۵۳ — بر موسى طرفندن ايكي كيمسه يه وصيت  
اولندقدده آنلرك بريسي اهايتنه مبنى وصيته داخل اولمشكن  
مؤخرأ فقدان شرط ويا زوال اهليت حسبيله خروج ايتسه  
اونك حصه سى ديكر ك حصه سنه ضم ايدلور . مثلاً

موصينك وقت وفاتنده فقير بولمى شرط قلنان موسى له  
وقت مزبورده غنى ظهور ايتسه ياخود موسى له بولنان ايكي  
كيمسه نك بريسي موصيدن اول وفات ايلسه ويا وصيتى رد ايتسه  
ديكر موسى له يالكز كنديسنه اصابت ايدن حصه سى آلور .

اما فقدان اهليت ايله وصيته رأساً داخل اوليان موسى لهك  
حصه سى ديكر ك حصه سنه علاوه ايديلور مثلاً موسى لهلردن  
بريسنك حين وصيته ميت ويا غير موجود اولديغى تين ايلسه  
مذكورك استحقاقى اوله ميه جغندن ديكرينه مشاركت و مزاحمه  
وقوع بولماز بناءً عليه وقت وصيته موجود و بر حيات اولان  
موصى له موسى بهك تمامنى آلور .

مسئله ۵۴ — بر كيمسه وارثى ويا قاتلى بولنان بر شخص ايله



دیگر کمسنهیه وصیت ایتیش اولسه اول کمسنه موصی بهک تمامنی  
دکل نصفنی آله بیلور .

چونکه وارث ایله قاتل دخی اساساً وصیته اهل اولوب  
عدم اجازت ایله ساقط اولورلر .

اما بویله بر اقرار دین وقوعبولسه بالکلیه بطلاننه حکم  
اولنور زیرا اقرار اخبار قیلندن اولسنه مبنی شخص اجنبی  
حقنده صحتی التزام اولنسه خبر ویریلن دین مشترکک ثبوتنه  
حکم اولنق لازم کلیر بوحالده اوشبخصک آله جنی هرشیده  
وارثکده حق مشارکتی بولنور .

مؤد ۵۵ — بر کیمسنک وصیت مرسلهسی مثلاً بیک  
غروش وصیتی اولدیغی حالده حین وفاتنده ترکه سنک بر مقداری  
عین اولوب باقیسی بر طاقم دیون ثابته دن عبارت اولسه  
نظر اولنور :

اگر عینک ثانی موصی به اولان مبلغه وفا ایدرسه وصیت  
واقعه آندن افراز ایدیلور .

واگر ثلاث مزبور موصی بهه وائی دکلسه عین موجودک ثانی  
افراز اولندقدن صکره وصیتک باقیسی دیون تحصیل اولندقجه  
تحصیل اولنان مبلغک ثانی افراز ایدیلهرک بو وجهله اکل  
اولنور .

مؤد ۵۶ — مکتب یایمق وقیو قازمق کی وجوه خیرک  
برینه تخصیص اولنان مبلغدن فضله قالان مقدار موصینک  
وارثلرینه ویریلور .

مکر آنکده وجوه خیره صرف ایدلسی کندی طرفندن



تصریح ایدلمش اولسه بو صورتده مقدار باقی دخی وصیتك  
تسبیب ایده جکی جهت خیریه صرف ایدیلور .

مُدر ۵۷ — فلان بلده ویا قبیله نك اعمالری ویا یتیملری  
کی عجز و احتیاجی مشعر بر تعبیر ایله کندولرینه وصیت  
وقوعبولان کیمسه لر اکر محصور ایسه لر کرك غنی و کرك فقیر  
اولسولر جمله سی علی السویه وصیته کسب استحقاق ایدرلر .  
اگر محصور دکلر ایسه غنی اولانلر خارج قالور بو صورتده  
وصی آنلرک فقیرلرندن دیلدیکی کیمسه لره توزیع وصیت ایدر .  
اما فلان بلده ویا محله نك کنجلیری ویا عالملری یاخود فلان  
مکتبک شاگردلری کی مشعر احتیاج اولیان بر عنوان ایله  
وصیت ایدیلورسه ینه باقیلور . اکر موصی له اولان صنف  
محصور ایسه لر غنی و فقیر هر بری وصیته داخل اولورلر .  
واگر محصور دکلر ایسه وصیت باطل اولور .

تغیر — بلا تعیین اغنیایه وصیت دخی باطلدر . چونکه  
عدم محصوریتلرینه مبنی تمليك قابل اولمדיغی کی تعبیرده احتیاجی  
اشعار بولمديغی جهتله تصدقه ده حمل اولونه ماز .

اما غنی و فقیرا کل ایتسون ديه تعمیم صورتیه وقوعبولان  
وصیت صحیح اولوب فقرايه تخصیص اولسور . غنی اولان  
کیمسه بوندن ددانتهفاع ایدم . نصل که ثلث اموال وصیتدر ديه  
غنی و فقیر قیدی ذکر اولمیه رق وقوعبولان وصیت دخی یا لکز  
فقرايه صرف ایدیلور . زیرا بو نوع وصیت کرك عامه کرك  
مطابقه اولسون تمليك صورتیه اولمديغندن تصدق قیلندن اولور .



صدقہ ایسہ غنی اولانہ حرامدر . موصینک وفاتندن صوکرہ  
ہبہ عد اولمق امکانی دہ یوقدر .

واقعا ہبہ صدقہ لفظیادہ اولہ بیلور . فقط حال حیاتندہ  
واہب کندیسى تمليك ایتک صورتندہ در .

فقہانک غنی یہ صدقہ ہبہ ، فقیرہ ہبہ صدقہ در کلاملری بوکا  
محولدر .

### فصل ثامن

منافعہ دائر وصیت بیانندہ در

مسئله ۵۸ — بر خانہ نک کرک مؤبد و کرک موقت صورتیلہ  
سکیناسنی بر کیمسہ یہ وصیت ایتک صحیحدر . اوحالہ باقیلور .  
اگر موصینک باشقہ مالی اولوبدہ او خانہ نک قیمتی ثلث  
اموالندن خارج اولورسہ خانہ کاملاً موصی لہہ تسلیم اولنور .  
واگر موصینک باشقہ مالی یوق ایسہ موصی لہ ایلہ وارثلر  
لاجل السکنی خانہ مذکورى اثلاثاً تقسیم ایدرلر یا خود زماناً  
مہایات صورتیلہ آندہ ساکن اولورلر .

### تنبیہات

۱ — تقسیم صورتندہ وارثلر اللرنده کی ثلثان حصہ نی  
آخرہ صاتہ منزلر زیرا موصینک دیگر مالی ظہور ایدوب دہ  
موصی لہک بتون خانہ دہ سکنا یہ کسب استحقاق ایتسی محتمل  
اولدیغی کی آنک النده کی حصہ نک خراب اولمسیلہ وارثلرک



اللارنده کی حصه من اجمه ايتك حقى ده حائر در بيع مذکور  
آنك حق سکناسی ابطاله مؤدی اوله بيله جکندن تجویز ایدلار .  
۲ — سکناسی وصیت اولنان خانه نك كندی قیمتی معتبردر .

چونکه اعیانندن مقصود منافعدره ایددی منافع مستحقه اولوب ده  
عین موصی به ملك وارث اوزره باقی اولدیغی صورتده منفعتی  
اولیان عین منزله سنه تزیل اولنور بناء علیه رقبه سی وصیت  
ایدلش کی اولوب آنك قیمتته نظر اولنمق اقتضا ایدر .

۳ — اطلاق اوزره سکناسی وصیتی تأییده حمل اولنور بر  
قاج سنه دینلدکده اوچ سنه اعتبار ایدیلور .

۴ — خانه نك غله سی ده وصیت اولنمق صحیحدر بو حالده  
مذکور خانه نك قیمتی تاشدن خارج اولمازسه خانه دکل غله تقسیم  
اولنور .

مسئله ۵۹ — موقت صورتده سکناسی وصیت اولنان بر خانه نك  
مدتی تمام اولدقده ، كذلك کندیسسه مؤبدأ بر خانه نك سکناسی  
وصیت اولنان کیمسسه وفات ایتدکده خانه همان موصینك وارثلرینه  
تسلیم ایدیله جکی کی اكمال مدت ایتزدن اقدام دخی وفات ایتسه  
ینه آنلره تسلیم اولنور زیرا موصی منفعت سکناسی موصی لیه  
خاص اولمق ایجاب اوزره ترك ایتیش اولمغله منفعت مزبور آنك  
وارثلرینه انتقال ایده من .

مسئله ۶۰ — کندیسسه بر خانه نك سکناسی وصیت اولنان  
کیمسسه او خانه بی بدل مقابلنده آخره ایجار ایده من . چونکه هر عقد  
معاوضه نك مقتضاسی اولان مساوات بین العوضینی تحقیق ایچون  
ایجار ایله تمليك اولنان منافعه صفت مالیت احدائی معتبردر



احداث مذكوره اهليت و ولايت ايسه آنجق منافع مذكوره ي  
خانهك ملك رقبه سنه تبعاً يا خود بر عقد معاوضه التزامه بناءً  
تملك ايدن كيمسه يه خاسدر .

بناءً عليه مالك ايله مستأجر آخره ايجار ايد بيلورلر  
منفعت سكونايه بلا عوض و ملك رقبه دن مجرد اوله رق تملك  
ايدن موصى له آنى عوض مقابله سنده تماميك ايدمهز .

مسئله ۶۱ — كنديسنه بر خانهك غله سى وصيت اولنان  
كيمسه او خانه ده ساكن اوله ماز ريرا غله ايله سكونى بيشده فرق  
واردر چونكه موصينك بر دينى ظهور ايتسه وارثلر غله ي  
استرداد ايله تأديه دين ايد بيلورلر سكونى كى منافعك عيناً  
استيفاسى صورتنده ايسه اداى دين امكانى قالماز . بناءً عليه  
موصى لهك اچه دن عبارت اولان غله يه استحقاقى اولمغه نفس  
منفعتى استيفا ايد بيلمسى لازم گلز .

مسئله ۶۲ — بر كيمسه بغچه سنك ثمره نى ، ميوه لر ي  
بر كيمسه على الاطلاق وصيت ايتش اولسه وفاتنده مذكور بغچه ده  
ميوه موجود اولورسه موصى ايله يالكنز اولنلر و يريلور . مؤخرأ  
حاصل اوله جقلره شمولى اولماز اكر وقت وفاتنده ميوه موجود  
دكل ايسه دليل استحسانه بناءً مستقبلاً حصول بوله جقلره  
مصرف اولور ايكي صورتده دخى بغچهك قيمتى ثلث اموال دن  
خارج اولمق شرطدر . اما وصيت مذكوره ده دوام و تأييد قيدي  
زياده ايدلمش اولورسه كرك حلالاً موجود اولان و كرك زمان  
استقبالده وجود بولان ميودلره شامل اولور .



مسئله ۶۳ — برکیمسه باغچه سنک غله سنی وصیت ایتیش اولورسه  
حالا موجود میوه ایله مستقبلاً موجود اوله جق میوه لره شامل  
اولور چونکه غله نك علی الاطلاق محصول ارضده استعمالی  
متعارفدر ثمره ایسه عرفاً موجوده خاص اولوب دوام و تأبیده  
دال بر قیده مقارن اولمدنجه ایلروده حاصل اوله جغه تناول ایتزه

مسئله ۶۴ — برکیمسه قویونلرینک سودینی ویا قوزولرینی  
وصیت ایلسه هر حالده وقت وفاتنده موجود اولانلره منحصر  
اولور.

تقریر — بومسئله ده دوام و تأبید قیدینی ذکر ایتک بر شیئی  
مفید دکلدر چونکه موجود اولمیان سود و یوک و تحقق ایتین  
حمل عقود شرعیه نك بریله تملیک ایدلمک مشروع دکلدر  
بناءً علیه بوکی شیلره عقد وصیت ایله ده استحقاق و تملک ممکن  
اولماز.

اشیاء مذکورهنك موجودی ایسه هر عقد شرعی ایله اصلا  
تبعاً تملک اولمسنه مبنی عقد وصیت ایله ده تمایکی صحیح اولور.  
اما ثمره و غله حقنده اجاره و مسااقات کی عقد شرعی  
جاریدر بناءً علیه آنلرک هنوز معدوم اولانلری ده تملیک  
اولنه بیلور وصیت صورتیه تملیک اولنلری اولویت طریقیه  
صحیحدر.

مساوات — بر طرفدن اشجار دیگر طرفدن تربیه اولمق  
و حاصل اولان میوه بینلرنده تقسیم اولمق اوزره بر نو  
شرکتدر.



## فصل تاسع

وصایای مقیده بیانده در

مسئله ۶۵ — بر کیمسه ثلث اموالی بر کمنه ایله فقرایه وصیت ایتسه ثلثك نصفی اول کمنه یه نصف دیکری فقرایه ویریلور .

تقریر — زیرا طاقیه فقرایه صنفی او کمنه یه مقابل قلمق مقصدك بویله اولمنه دلیل اولور .

بر رایه کوره اثلثاً تقسیم اولنور چونکه فقرایه صیغه جمع اولوب مواریث و وصایایه دائر جمع صیغه لرینگ اقلی ایکی فرددن عبارتدر اما بر کمنه ایله فقرایه و مسا کینه وصیت صورتنده رای اوله کوره اثلثاً ، ثانی یه کوره اخماساً تقسیم اولنور .

تنبیه — فقرایه و مسا کینه وصیت اولنان اموالی وصی یالکیز بر فقیره صرف ایده بیلور بر رایه کوره لا اقل ایکی کیمسه یه صرف اولنق لازمدر . اما فقرادن بر جماعته اشارتله بونلره وصیت ایدرم دینلدیکی صورتده بالاتحاد جمله سنه تقسیم اولنور تعیین شخص ایدلمیهرك استانبول فقراسنه وصیت اولنان مبلغك اسکدار فقراسنه اعطا اولنسی بر رایه کوره جائزدر جواز مذکور فتوی ایله تأیید اولنمش ایسه ده افضل اولان تصریح اولنان بلده فقراسنه ویرلمکدر .

مسئله ۶۶ — موصی مالندن بیک غروش زیده و بیک غروش خالد وصیت ایلدکن صوکره بکرده سنی آنلره تشریک ایتدم دیسه بکر آنلرك آله جنی مقدارك ثلثی آله کسب



استحقاق ایدر . بناءً علیه موسى به اولان ایکی بیک غروش  
اوچی بېتندە بروجە مساوات تقسیم اولنور .

اما زیدە بیک وخالده بشیوز غروش وصیت ایتدکن  
صوکره بکره سنی آنلره تشریک ایتدم دیسه بکر هر موسى  
بیک نصفی آور .

شرح — صورت اولاده اولکی شخصلره وصیت اولنان  
مقدارده تساوی بولمسنه مبنی تشریک لفظی معنای اصلیه  
اولان بین الشرکا مساوات اوزره تملیکه حمل اولنوب اشخاص  
ثلاثه نك هربری دیگرلرینه مساوی اولمق اقتضا ایدر .

صورت ثانیهدە ایسه موسى بهلر بیتندە تفاوت بولندیغندن  
معنای اصلی یه تماماً رعایت ممکن اوله میور بناءً علیه شخص  
ثالث اولکیلرک هر برینه تعیین اولنان مبلغده مساوی اولسنه  
حمل اولنور .

مستند ۶۷ — موسى طرفندن برکیمسه یه سدس مال وصیت  
ایدلکدن صوکره ثلث دخی وصیت ایدلسه اجازت ورته لاحق  
اولسه ده ثلثدن زیاده ویرلمز زیرا سدس مذکور ثابده داخل  
اعتبار اولنور .

مستند ۶۸ — موسى سدس اموال فلان کیمسه نك اولسون  
سوزینی تکرار ایتیش اولسه موسى ایهه یالکز برسدس ویریلور  
چونکه معرفه اوله رق ذکر اولنان اسم ینه معرفه اوله رق اعاده  
اولندقدە ثانی نك مدلولی اولک عینی اولور .

(تنبیه) شواهی مسئله نك هیچ برنده مجلسك اتحاد واختلافه  
اعتبار اولماز .



مسئله ۶۹ — درهم و دینار و یا قیون و یا خود بر نوع  
اولان ثوبلرینک ثلثی وصیت ایدن کیمسه حین وصیتده موجود  
اولان نوع موصی بهک ثلثانی تلف اولدندن صوکره وفات ایتسه  
ثلث باقی ثلث ترکدن خارج اولدیغی حالده تماماً موصی ایه  
ویریلور.

نوع واحدن اولان مکمل و موزون دخی بویله در .  
اما قیمتجه متفاوت اولان آت و دوه و یا ثوبلرینک ثلثی  
وصیت ایدوبده ثلثان تلفندن صوکره وفات ایتسه ثلث اموالی  
مساعده اولسهده یالکیز باقینک ثلثی ویریلور .

مسئله ۷۰ — بر کیمسه ثلث مالی بر کیمسهنهیه وینه ثلث  
مالی دیگر کیمسهنهیه آری آری وصیت ایدوبده وارثلر مجیز  
اولسهلر ثلث بینلرنده تنصیف اولنور .

واکر مالنک ثلثی بر کیمسهنهیه سدسینی دیگر کیمسهنهیه وصیت  
ایدوب وارثلر مجیز اولسهلر ثلث مالی ایکسینی بیننده اثلثاً  
تقسیم اولنور .

واکر ثلثی بر کیمسهنهیه ونصفینی و یا ثلثانی یا خود جمیع اموالی  
دیگر کیمسهنهیه وصیت ایتش اولدیغی حالده وارثلر مجیز اولمازلرسه  
مخاصفه اوزره تقسیم اولنور .

تقریر — چونکه عدم اجازت ایله ثلثه زائد اولان مقدارک  
وصیتی ساقط اولغولاجنی جهته حکماً ایکسینده آری آری  
ثلث مال وصیت ایدیش اولور بوصورتده ایتسه ثلث ضربور  
بینلرنده تنصیف اولنق اقتضا ایدر .



صورت اولاده مخرج مسئله ( ۳ ) اولوب وصیت ایچون  
افراز اولنان سهم موصی له اولان کسینلر بیننده بروجه مذکور  
تقسیم اولنه بيلمک ایچون شو مخرج بشه ضرب اولنور بعده  
حاصل ضرب اولان ( ۹ ) سهمک آتیسى وارثلره ایکیسی  
موصی له بالثالث اولانه وبرى ده موصی له بالسدس اولانه اعطا  
قلنور .

صورت ثانیه ده مخرج مسئله ( ۳ ) اولوب ( ۲ ) یه ضرب  
اولنور وحاصل ضرب اولان ( ۶ ) سهمک دردی وارثلره  
وبرر سهمی ده موصاله اولانلره ویریایر اما وارثلر مجیز اولدقلری  
تقدیرده کسرلر عدد صحیحی تجاوز ایتدیکی صورتلرده موصی  
لهلرک هر برینه وصیت اولنان مبلغ تماماً ویریلور مثلاً موصی له  
بالسدسه سدس موصی له بالنصفه نصف وهکذا ویرمک اقتضا  
ایدر .

اگر ایچلرندن برینه ثلث دیگرینه جمیع اموال وصیت ایدلش  
اولورسه اولوقت ترکهنک تمامی بینهماده بطریق المنازعه تربیع  
اولنور یعنی ارباعاً تقسیم اولنوب برربی موصی له بالثالث اولانه  
ارباع ثلثه ایسه موصی له بالکل اولانه ویریلور .

تفسیر — چونکه ثلث ماله نسبةً اجازت ورتهنک حکمی  
اولیه جفتدن ثلث مزبور ایکیسی بیننده تنصیف اولندقدن صکره  
موصی له بالثالث ثلثانک انجق برربی ادعا ایدمیلور باقیسی بلا  
منازع موصی له بالکل اولانه عائددر .

ایمدی ثلثان ( ۸ ) سهم قلندقدده ( ۶ ) سهم موصی له بالکل  
اولان شخصک اولوب قالان ( ۲ ) سهم حقنده وقوعبولان منازعه



و من اجمه تنصيف ايله قطع اولنور بناءً عليه موصى له بالكل بر سهمده بوندن آله جفى جهتله درت سهم ديمك اولان ثلثدن اولجه آلمش اولديغى ايكي سهمله برابر احرارز ايلمش اولديغى سهامك مجموعى تمام طقوزه بالغ اولور موصى له بالثلث دخى ثلث مالك نصفى اولان ايكي سهمى اولجه و ثلثانك نصف ربعى ديمك اولان بر سهمى شمدى آلمسنة مبنى مجموعى اون ايكي سهمدن عبارت بولنان تركهك ربعى آلمش اوليور .

مسئله ۷۱ — وارثلر مجيز اولدقلرى حالده موصى له بالا كثر ك موصى له بالثلثدن زياده حصه آله ييلمسى عندالامام شو اوچ صورتده در

برنجى صورت — محابات يعنى بر مالك قيمت حقيقه سندن نقصان فاحش ايله بر كيمسه يه بيع اولنمى وصيت ايدلمسى صورتيدر .

مثلا بر كمسنة ۳۰ آلتون قيمتنده اولان قليجنى ۱۰ آلتون مقابله سنده زيده و ۶۰ آلتون قيمتنده اولان آتنى ۲۰ آلتون مقابله سنده عمروه بيع ايدلمسى وصيت ايلدكده حين وفاتنده بونلردن بشقه مالى اوليوب وارثلرده مجيز اولمسسلر زيده ۲۰ و عمروه ۴۰ آلتون وصيت ايلمش اولمسنة مبنى ثلث مالى اولان ۳۰ آلتون بو ايكي كيمسه يه اثلاثاً تقسيم اولنور يعنى مذكور قليج زيده ۲۰ آلتونه بيع اولنوب قيمت حقيقه سندن ۱۰ آلتون وصيت نامنه تنزيل اولنور آت دخى عمروه ۴۰ آلتونه بيع اولنهرق ۲۰ آلتون وصيته رعاية ترك ايديلور .

ايكنجى صورت سعايه يعنى معتق البعض اولان بر عبدك حصه



باقیه فی ادا ایتیمی صورتیدر مثلاً بریسی ۳۰ دیکری ۶۰ آلتون  
قیمتند بولنان کوله لرینی مرض موتندہ اعتاق ایدن کیمسہ نک  
بونلردن بشقہ مالی ظهور ایتوب وارثلردخی مجیز اولمسہلر  
کوله لرك برینه ثلث دیکرینه ثلثان وصیت ایدلمش دیمک اولہ -  
جغندن ثلث مال بینہمادہ اثلاًثاً تقسم اولور .

بناءً علیہ عبد اولک ثلثی اعتاق اولوب قیمتندن باقی قالان  
۲۰ آلتون ایچون سعی ایتیمی ، ثانینک دہ ثلثانی اعتاق اولوب  
بقیہ قیمت اولان ۴۰ آلتون ایچون سعی ایتیمی اقتضا ایدر بو  
جهنله کوله لرك هر بریسی کندیسنه وقوعبولان وصیت نسبتندہ  
مستفید اولمش اولور .

اربعینی صورت وصیت مرسلہ یعنی ثلث ویا نصف کبی بر  
کسر ایله مقید اولیوب موصی به اولان ایچہ نک مقداری تعیین  
قلنان وصیت صورتیدر

مثلاً جمیع اموالی ۹۰ مجیدین عبارت اولان کیمسہ ۳۰  
مجیدی زیدہ و ۶۰ مجیدی عمروہ وصیت ایلدیکی حالده اجازت  
ورثہ لاحق اولمسہ شخص اولہ ثلث مالدن ثلث و شخص ثانی به  
ثلثان ویرمک اقتضا ایدہ جکندن اوتوز مجیدی نک اونی زیدہ  
یکرمیسی عمروہ ویریلور .

مؤال — وصیتدن ضوکرہ موصی بهی بر کیمسہ به بیع و یا هبه  
ایتمک وصیتدن فعلاً رجوع عد اولور . اولجه زیدہ وصیت  
ایدلمش بولنان بر مالی مؤخرأ عمروہ وصیت ایتمک ایسه وصیت  
سابقہ دن رجوع عد اولمپور حالبوکه وصیت دخی بر نوع  
تصرف شرعیدر .



هراب — وصیت ايله فی الحال ازاله ملک حاصل اولیه جفتدن  
بیع و هبه کی مزبل ملک اولان تصرفات شرعیه قیاس اولنه مار  
بناء علیه تعدد وصیت صورتلرنده موصینک صوکره کی وصیتده  
قوللانیدیغی عبارت سنه نظر اولنق لازم کلور یعنی اکر قطع  
شرکت دلاالت ایدن پر تغییر بولنورسه اوصورتده ایکنجی وصیت  
اولکنندن قولاً رجوع صاییلور .

مثلاً زیده وصیت ایتمش اولدیغم ثلث مالی عمروه وصیت  
ایدیورم یاخود ثلث اموالم وفاتمدن صوکره عمروک اولسون  
دینلرکده زیدک وصیت واقعه دن سقوطی تبین ایدر اما قطع شرکت  
دلاالت بولنمینجه موصی بده تشریک قصد اولندیغی اکلایشیلور  
بناء علیه برکیمسه ولوجیم اموالی برقچ کسنه یه آری آری  
وصیت ایتسه وصیتلرک هربری صحیح اولوب اول کسنه لر موصی  
بده اشتراک ایدر لر و سالفاً بیان اولان صورتلرله تقسیم اجرا  
اولنور .

### فصل عاشر

اهل واقارب و بونلره مماثل الفاظ ایه وصیت وقوه ولدقده  
مستحقلرک تعییننه دماثر مسائل مخصوصه یی حاویدر

مسئله ۷۲ — مالکین شو مقدار شی اهلیمه وصیت ایددیورم  
دییه کیمسه اوشینی بالکیز زوجه سنه وصیت ایتمش اولور  
چونکه ذوی العقوله مضاف اولان اهل لفظی لغه و عرفاً  
زوجه دن عبارتدر .

جیرانمه وصیت ایتدم دیدلده خانه سنه مسکنلری ملاصق



بولنان كيمسەلرك جملەسى داخل اولور مالك ومستاجر ، مسلم وغير مسلم ازكك وقادين هې مساويدر يالكىز ذات زوج اولان قادين سکناده زوجنه تابعه اولمغله جاز عداولتماز .

اصهاره وصيت صورتنده زوجەنك ذى رحم محرمى اولان كيمسەلرك ھېسى داخل اولور پدرى ، اوغلى ، قرداشلىرى ، عمجەلىرى كې .

مسئله ۷۳ — بر كيمسەنك وارثلىرىنه وصيت اولندوقده او كيمسەيە بالفعل وارث اولانلرك ار ككلىرىنه ايكيشر قادينلىرىنه برر سھم اعطا اولنور چونكە ورثە تعبيرىنى استعمالدن مقصد وراثتدە كى تفاوت صورتيلە وصيت اولمى ا كلاشيلور .

اكر بويلە بروصيتلە برابر ديكر بر كيمسەيەدە وصيت ايدلمش بولنورسە موصى به اولادى رۇس اوزرىنە ، ثانيا وارثلرە عائد اولان مبالغ كندىلىرى بېتىدە بر وجە مذکور تقسيم اولنور .  
اما بر كيمسەنك اولادىنە وصيت صورتندە ازكك ايلە قادين مساوات اوزرە اولورلر .

صورت اولادە ورثەسنە وصيت اولنان كيمسەنك وارثلىرى تعين ايتمك ايچون موصيدن اول وفات ايتمى شرطدر بناءً عليه موصى آندن اول وفات ايدرسە وصيت مذکورە باطل اولور (زىلعى)

مسئله ۷۴ — آل واهل بيت لفظلىرىلە وقوعبولان وصيتلردە مضاف اليه پدرلىرى طرفندن مشاركت نسبيەلىرى بولنان اب واجدادك برندە اجتماع ايدن اشخاصك جملەسى داخل اولورلر يعنى بوصورتندە ذكورت و اقريت آرانىلمىە رق مذکورين بېتىدە بالسويه تقسيم ايدىلور .



مسئله ۷۵ — قرابت و یا نسب صاحب‌یرمه و یا ذوی‌الاحارمه یا خود اقارب و یا خود اقربامه شو مقدار مال وصیت ایتدم دینلر کده اقریت کوزده دیلرک موصینک کرک ذکور و کرک اناث محارمی ایچندن لا اقل ایکی کیمسه یه اعطا اولنق اقتضا ایدر بناء علیه موصینک یالکیز بر عمجه سی ایله برده عمه سی بولنسه موصی به اونلرک ایکیسنه بر وجه مساوات تقسیم ایدیلور و اگر ایکی عموجه سیله ایکی دایسی بولنور سه منحصر آعمجه لرینه ویریلور و اگر بر عمجه سیله ایکی دایسی بولنور سه نصفی عمجه سنه نصف دیگر ی داییلرک ایکیسنه ویریلور. بر عمجه یالکیز دخی بولنسه ینه نصف آلور چونکه وصیت واقعده جمع صینه سی ذکر اولندیغندن بر شخصک تمام موصی بهی آلمغه استحقاقی اوله ماز و اگر محارمدن هیچ کیمسه بولماز سه وصیت باطل اولور.

اما صاحب قرابت و یا افر بامدن اولان بر کمنه یه دیه وصیت اولنور سه موصی به ال یقین بولن ان ذاته تماماً ویرلک اقتضا ایدر بناء علیه بوضورتده بر عمجه ایله اجتماع ایدن داییلره برشی ویرلایوب منحصر آعمجه سنه ویریلور.

نیم — پدر و والد و اولاد صلییه قرابت و اقربا تعبیر لر یله وقوع بولان و صایادن خارج اولور لر چونکه والدین ایله اولاد عرفه نظراً اقربا صایلمازلر اما جد و جده و ولد الولد داخل اولور لر. شو نوع وصیتلرده اقریت کوزده دلمک محضا و صینک میراثه نظیر اولسنه مبنیدر حر میت اعتباری ده ذی رحم محرم اولان اشخاصک صله فرایته استحقاق لر ی سائر لره نسبتله قوتلی اولسندنناشیدر زیرا شو وصیتلردن مقصد اصلی صله قرابت یعنی حقوق اقربایه رعایتدر.



## باب ثانی

وصی به دائر احکام بیاننده در

### فصل اول

وصینک شرط و کیفیت تعیین بیاننده در

وصایت بر کیمسه نك وصی اولماسیدر ،

مسئله ۷۶ — وصایت موصینک بر کیمسه به خطاباً سنی  
وصی تعیین ایتدم یا خود و فائیدن صوکره اولاد صغار می و یا  
آنلرک امورینی سکا ترک و با تسلیم ایلدم کی تفویضه دال اولان  
سوزلرله ایجابی و اول کیمسه نك دخی قولاً و یا فعلاً قبولی ایه  
تمام اولور .

مسئله ۷۷ — وصی نصب اولنه جق ذاتک عقل و بلوغ  
و حریت و استقامت کی اوصاف لازمه بی جمع ایه تصرقاتنده  
اهلیت کامله صاحبی اولسی شرطدر بناءً علیه صبی و کوله کی  
اوصاف مذکورده بی جائز اولمیان کیمسه وصی نصب ایدلمش  
اولورسه حاکم طرفندن اهل اولان بر ذاته تبدیل اولور فقط  
تبدیل و اخراجدن اول صبی بالغ اوله رق و کوله آزاد ایدیلهرک  
اوصاف مطلوبه تمام اولورسه وصایتده ایقا ایدیلور .

تنبیه ۱ — تبدیل و اخراج تعیینندن وصایت مذکورده نك  
محبیح اولسی مستفاد اولور بناءً علیه قبل الاخراج تصرف  
ایتمش اولسه لر جائز اولور .  
امام محمد حضر تلرینک ایصای مذکور باطاهر قولی اساساً



بطلانه محمول اوليوب بلكه حاكمك ابطاليله باطل اولور ديمكدر  
تعبير آخرله ابطال ايدلمكه لا تقدر بعض فقها عبدك اذن مولى  
ايله تصرفي صحيح اولور سه ده صبي يه الزام عهده ممكن اولماسنه  
مبنى وكالتى كى وصايتى ده اصلاً صحيح اولماز ديوورلر .

نبيه ۳ — عند الامامين غيرك كوله سيلاه موصينك كندى  
كوله سى بيشده فرق اوليوب هر برينك تبديلى واجيدر امام اعظم  
عنده ايسه ورثه نك جمله سى صغار اولدقلى حاليه موصينك  
كندى كوله سنده وصايت ابقا اولنور .

امامين حضراتى كوله يه وصايت ويرمك مملوكه مالك  
اوزرينه ولايت اثباتى ديمك اوله جفتدن قلب مشروع لازم  
كلسيلاه استدلال ايديوورلر فقط امام اعظم طرفندن صغيرلر عبد  
مذكوره مالك ايسه لرده پدرلى اونى كندى مقامنه اقامه  
ايتمش اولنجه كنديسى كى تصرفنده مستقل اولوب اوزرتده  
آنلك ولايتى قالماز ديه جواب ويرلمشدر بو حاليه مكاتب كى  
مذكور كوله ده بيع اولنه ماز .

نبيه — ذكورت صحت وصايتك شرطى اولمديغنه مبنى  
نسوانندن ده وصى نصب ايتك جائز ومشروعدر كذلك وصى  
تعيين اولنان ذاتك موصى يه وارث بولمسي ده مانع صحت دكلدر .  
مسئله ۷۸ — وصايتده وكالت جاريدر بناء عليه وصى معذور  
اولسه دخى ديلر سه امور وصايتى رؤيت ايتك ايچون ديكر بر  
شخصى توكيل وكندى . مقامنه اقامه ايدم بيلور .

مسئله ۷۹ — بر كيمسه ديكر كمنه يه خطاباً وفاتمدن صكره  
اولاد صغارمه عايد امورك تسويه سنه يا خود وصيتلرمك تنفيذينه



سنى وکیل ایتدیم دیمش اولسه اول کمنه بی وصی نصب ایتمش اولور.  
نصل که بر کمنه یه امور می رؤیت ایتک اوزره سنى کندیمه وصی  
ایدندم دیسه اول کمنه بی کندیسنه وکیل نصب ایتمش اولور زیرا  
وکالت ووصایتک هر بری بر کیمسه بی کندى مقامنه اقامه دن  
عبارت اولغله شولفظلرک بریسنى دیکرک معناسنده استعمال  
ایتک صحیحدر .

مسئله ۸۰ — رحم مادرده موجود اولوب هنوز طوغمیان  
چوجق ایچون وصایت مشروع و معتبر دکلدر بناء علیه بر کیمسه  
زوجه سسنگ بطننده اولان جنین ایچون بریسنى وصی نصب  
ایدوب وفات ایتسه جنین مزبورک تولدنده اول کیمسه وصی  
اوله ماز کذلک حامل متروکه نک هنوز بطننده بولنان حمل ایچون  
حاکم طرفندن ده وصی نصب ایديله من .

مسئله ۸۱ — ولد صغیرک مالنده تصرف اولایتى  
حسبيله بابایه عاؤدر ثانیاً آنک وصیسنه ثالثاً وصیسنگ وصیسنه  
عاؤدر .

اگر بونلرک بری بولنمیه جق اولورسه تصرف جد صحیحنه  
انتقال ایدر بعده آنک وصیسنه انتقال ایدوب بونلرده بولنمیه جق  
اولورلرسه اول وقت حاکم شرع طرفندن امین و مستقیم وصیسنگ  
اموالنى حفظ ایتکه مقتدر بر کیمسه وصی تعیین اولور .

مهر صحیح — اتصالده قادین توسطی بولنمیان جددن عبارتدر  
اما ارهیه بر قادین کیرنجه جد فاسد تعبیر اولور بابانک اناسنگ  
باباسی کی

مسئله ۸۲ — بر صبی بالغ اولدقه تجارب مکرره ایله رشید



اولدینگی تبین ایتدیجه کړک ولی وکړک وصی طرفندن مزبورک اموالی کنديسنه تسلیم اولمق جائز دکدر .

بناءً علیه رشدی تبین ایتزدن اول تسلیم وقوعبولسه اتلاف ایدیلن مالک ضمانی ولی ویاوصیه واجب اولور .

رئیر — وجوه مصالحه آشنا و مال و ملکنی مشروع اولمیان جهتله صرفدن و مصارفده تبذیر و اسرافدن مجتنب بولنان کیمسهیه دیرلر .

اوصاف مذکورینی تماماً حائز اولمیان کیمسهیه شرعاً سفیه اطلاق اولنور .

مسئله ۸۳ — حین وصیتده ردایله قبولک برینی اختیار ایتیوب سکوت ایدن وصی موصینک وفاتنده مخیر اولوب دیلر سه رد ایدر . دیلر سه قبول ایدر .

تقریر — چونکه غیریسی ایچون تصرف خصوصنده متبرع اوله جغندن وصیه بلاقبول الزام وصایت اولنه ماز ذکر اولنان عدم قبول صورتنده ایسه تغیر یوقدر بلکه موصی آنک قبول وعدم قبول جهتی نظر اعتنایه آلامش اولسندن بنفسه اغترار ایتش اولور .

شوقدر وارکه متوفادن ضرر ملحوظی دفع ایچون شخص مذکورک رددن صوکره قبول ایتسی ده صحیح اولور مکر حاکم شرع طرفندن ردمذکور انفاذ ایله وصی دیگر تعینندن صوکره قبول ایده جک اولور سه احوالده معتبر اولماز .

مسئله ۸۴ — بر کیمسهیه بر قاچ کمنهیه خطاباً وفاتمدن صوکره مالمدن بر مکتب بنا ایدیکز دیمش اولوب ده آنلر



سکوت ایتسه لر بمدالوفات ایچلرندن برقاچ کشی وصایتی قبول ایدوب تنفیذ وصیت ایتسه لر صحیح اولور چونکه آنلر قبول ایله احراز وصایت ایتیش اولورلر .

اما یالکیز بریسی قبول ایتسه حاکم طرفندن دیگر بروسی تعیین ویا کندیسنه اطلاق تصرف اولمقدجه تصرف ایدمه زیرا موصی برقاچ وصی تعیین ایتیش اولدقده آنلرک بریسی انفراد ایتک جائز اولماز .

مکسر ۸۵ — وصی اولان ذات ولو وصی اولدیغنی بيلمیه رک

موصینک ترکه سندن برشی بیع ایلمسه یاخود وارثلره لزومی اولان برشی اشترا ایلمسه وصایت لازم اولوب آرتق رده صلاحیتی قالماز .

زیرا بویله برتصرف ایله قبوله دلالت حاصل اولور بناءً علیه وقوع بولان شو تصرف اهلندن صادر و محلنه واقع اولسی حسبیله نافذدر چونکه وراثت کی ایضا دخی استخلافدن عبارت اولدیغندن تصرفاتک حتی ولایتک بیلنمسنه توقف ایتمز اما بیعه وکیل اولان کیمسه وکالتی بیلمزدن اول موکلنک مالندن برشی صائسه صحیح اولماز زیرا موکلک هنوز ولایتی باقی اولدیغندن وکالت وصایت کی استخلاف دکلدر بلکه مجرد اثبات ولایت دیمک اولوب حصوله علم شرط قیلنور .

مکسر ۸۶ — وصی اولان کیمسه موصینک حضورنده

وصایتی قبول ایتدکدن سوکره آنی رد ایتک ایسترسه ینه موصینک مواجهه سنده رد ویا کندیسنه بالواسطه اعلام ایتسی لازمدر ایشته وصی اولان کیمسه نک یالکیز بو طریق ایله



کندیسنی وصایتدن خلاص ایتمک صلاحیتی واردرد چونکه سابقا افاده اولندیغی اوزره موصلینک وصییه الزام تصرف ایتمکه حقی یوقدر رجوع مذکورده تغیر دخی حاصل دکلدر زیرا موصلی بر حیات بولندیغی ایچون بشقه بر کیمسه یی وصی تعیین ایدیهیلور اما موصلینک وفاتندن سوکره یاخود اطلاعی حاصل اولیهجق صورت ایله حال حیاتنده واصلینک وصایتدن رجوع ایتسی معتبر اولماز .

مسئله ۸۷ — وصی منصوب نفسنی وصایتدن اخراج ایتمک ایستدکده حاکم شرعه بیلدیرمی اقتضا ایدر بناء علیه وصی منصوب اخراج مذکور حاکمه بیلدیرمدکجه منعزل اولیوب تصرفات واقعیه سی صحیح و نافذدر .

مسئله ۸۸ — بر کیمسه وفاتندن سوکره ترکهنی دیار آخرده بولنان وارثلرینه ایصال ایتمک اوزره بر کیمهنی وصی نصب ایتسه جائز اولور .

ایمدی وصی مزبور موصلینک ترکهنی قبض ایله وارثلرینه ایصال ایتمک حقی جائز اولوب بوخصوصه امین بیت المال مداخله ایدمز .

مسئله ۸۹ — ذکر اولنهجق شو ۱۴ صورتده حاکم شرع طرفندن وصی نصب اولور .

۱ ، ۲ وفات ایدن بر کیمسه نك ولد صغیری ویاخود بورجی و آله جنی وارسه حاکم طرفندن بر کیمسه وصی نصب اولنورکه یتیمک امورینی تسویه ایتسون و دفع واثبات و قبض و تسلیم خصوصلرنده نیابت ایلسون .



۳ موصی طرفندن صبی ویا غیرك كولهسی كبی اهل اولیان بر شخص وصی تعیین اولندقدہ اهل اولان بر کیمسه تبدیل اولنور .

۴ مفقود حقندہ وصی نصب اولنور .

۵ ترکهدن دین مطالبه ایدن بر کیمسه یی وصی مختار تصدیق ایلدکده دیگر بروصی نصب اولنوب آنك مواجهه سنده مدعینك اقامه بنیه ایتسی لازم کلور چونکه وصینك متوفی علیهنده کی اقراری معتبر دکلدر .

۶ بر کیمسه مورثندن اشترا ایتش اولدینی بر مالی آنك وفاتندن صوکره ظهور عیبه رد ایتك ایستدکده وصی نصبنه لزوم کورولور .

۷ وصی مختار یا خود ورثه کبار متوفانك بلده سندن غیوبت ایلدیکی اثناده بر کیمسه طرفندن دین مطالبه ایدلسه ۸ وصی طرفندن موصی اوزرینه دین ادعا ایدلسه استماع بینه ایچون .

۹ ولد صغیرك پدری مسرف ومتلف اولدینی صورتده حفظ اموال ایچون .

۱۰ مدت سفر بعید مسافدهه مقیم وارثی بولنان بر کیمسه وفات ایتدکده وارث غائب ویا وکیلی ترکهنك بولندینی محاله ورود ایدنجهیه قدر ترکه نی محافظه ایچون .

۱۱ بر کیمسه نك وصیتی بولنوب وصی مختاری اولینجه تنفيذ وصایا ایچون .

۱۲ وارث اعتراف ایلدیکی دینی ادا ایتیموب ترکهنك



بیعنه ده مباشرت ایتدیکی حالدده ترکه دن لزوم کورولن مقدار اشیا بیعی ایچون وصی نصب ایدیلور .

۱۳ وصی مختارک اموروصایتی ایفادن کلیاً عاجز اولدیغی تبین ایتدکده دیگر وصییه تبدیل ایدیلور .

۱۴ برخصوصه دائر وصایت احراز ایدن ایکی وصینک بریسی وفات ایدوب دیگر کیمسه یی استخلاف ایتماش اولدیغی صورتده بروصی دهانصب اولنوب کندیسنه ترفیق اولنور .

### فصل نالی

وصیلرک عزل وتبدیلنه دائردر

مؤر ۹۰ — عدل وکافی اولمغله وصایتیه اهلیتی حاز اولان وصی عزل ایدیله مز .

اما خیانتی تبین ایدن وصی حاکم شرع طرفندن درعقب عزل اولنور کذلک کلیاً عاجز اولوب اصلاً فائده سی اولمیه جنی تبین ایدن وصی دخی عزل اولنور .

مستقیم و فقط غیر کافی اولان وصییه دیگر بر کیمسه ضم وترفیق ایدیلور .

تنبیه — وصیلرک عدم کفایه وعجزلری مجرد وارثلرک شکایتیه وحتى وصینک کندی اعترافیه تبین ایتیوب بو باده حاکمک علمی لاحق اولمق ده کافی کورلمز بلکه هر حالده عجز وعدم کفایه بینه ایله اثبات اولمایدر .

خیانتی سببییه وصینک لزوم عزلی ظاهر در حتی بر صغیرک



پدری میزد و مسرف اولسه صغیرك مالنده تصرفدن حجر اولنوب  
بروصی نصب ایدیلور . مال مزبور اكا تسلیم اولنور .  
اما اهل اولان ذاتی وصایتدن عزله دائر قضا لاحق اولسه  
نافذ اولماز .

[ بر ونفك متولیسنی وسائر وظیفه صاحبلرینی بلا موجب  
عزلك عدم جوازی شو مسئلهنك تعلیلندن مستبان اولور ]  
یتیم حقننده بر مصلحتی متضمن اولمدیجه وصی منصوب ده  
عزل اولنماز وصی به عما طاری اولسه عزلی لازم کلز . اما  
جنون مطبق عارض اولسه تبدیل اولنور اکر عارض اولان  
جنون مطبق اولیوب قبل التبدیل زائل اوله رق افاقت نامه  
حصولی تحقق ایدرسه وصایتده ابقا ایدیله بیلور .

مسئله ۹۱ — كرك وصی مختارك وكرك وصی منصوبك  
لدی الاقتضا حاكم طرفندن محاسبه سی رؤیت واموری تفتیش  
اولنور احوالده سوء حرکتلری تبیین ایدنلرك عزل وتبدیللری  
وظائف حکامدن معدود ایسه ده ازمئه اخیرده اوصیانك حرکات  
نامشروعلری تکثیر وطباع ناسده منفعتپرستلك تقرر ایتمسنه مبنی  
حقوق یتامای محافظه مقصد عالیسیله حکومت سنیه نك تحت نظارتنده  
ایتام اداره لری تشکیل اولنمشدرکه بو طریقك اسلمیتی آشکاردره

مسئله ۹۲ — اترام ایدیلن وصی به تعیین ماده اولنمیه رق  
مال یتیمه هیچ بر گونه خیانت ایتدیکنه حاكم طرفندن یمین  
تکلیف اولونه بیلور .

خصوصات سائرده ایسه بر کیمسه به یمین ویردیرمك بر  
جهت وماده تعییننه متوقفدر .



يالكز بوراده مال ايتامى وقايه مقصديله لى الاشتباه تعيين  
مادهيه حاجت اولميه رق تحليف استحضاراً مشروع كورلمشدر .

### فصل ثالث

وصييارك تصرفاتنه دائر در

مسئله ۹۳ — موصينك حال حياتنده وصى تصرف ايدده من

مسئله ۹۴ — وصايت تقيد قبول ايتمز بناء عليه بر كيمسه

ثالث اموالى وجوه بره وصيت ايدوب تنفيذنه بر كمسنه يى وصى  
نصب ايلسه او كمسنه موصينك اولاد صغارينه ده وصى اولور .  
كذلك موصينك بر ولد صغيرى ايچون وصى نصب اولنان  
كيمسه كرك آنك حال حياتنده وكرك وفاتندن صوكره تولد  
ايدن سائر اولاد صغارينه ده وصى عد اولور .

مسئله ۹۵ — ثالث اموالى وجوه بره ياخود مالنك بر

قسمنى برذاته وصيت ووصى تعيين ايتمز اولان برقادينك حين  
وفاتنده اولاد صغارى بوانسه آنلره اصابت ايدن اموال موروثه ده  
من بورلرك پدرى ويا آنك وصيسى اولديغى حاليه وصى الامك  
تصرفاتى جائز اولماز بلكه وصى منبور تركه دن لزومى مقدار  
اشيا افراز ايدوب وصيتى تنفيذ ايتدكدن صوكره چكىلور .

مسئله ۹۶ — وصى اولان كيمسه نك اطلاقى اوزره ياخود

كندى تركه سنى تصريح ايددرك نصب ايتمز اولديغى وصى  
موصى اولك تركه سنده ده وصى عد اولور اما موصى اولك  
تركه سنى تخصيص ايله نصب ايلديكى وصى كندى تركه سنده وصى  
اوله ماز .

مسئله ۹۷ — بر کیمسه وصی نصب ایتدیکی کیمسینه  
خطاباً فلان ذاتک رأییه عامل اولهسک دیسه وصی او ذاتک  
رأینی آلمیه رقدده تصرف ایده بیلور زیرا بو توصیه استشاره یه  
محمولدر اوایسه امر واجب دکلدر .

اما فلانک رأینی آلمدجه تصرف ایتیهسک دیسه اول وقت  
وصینک خود بخود تصرفی جائز اولیوب او ذاتک رأینی آلمغه  
مجبور اولور .

یعنی صورت ثانیه ده آنلرک ایکسی ده امور وصایتیه تشریک  
ایدلمش اولور بناءً علیه هر ایکسینک رأیی اجتماع ایتدکجه هیچ  
برینک تصرفی جائز اولماز .

مسئله ۹۸ — کرک عقد واحد ایله و کرک تعاقب طریقیه  
ایکی ودها زیاده وصی یاخود بر وصی و برده ناظر تعیین ایتک  
صحیح اولوب هر تقدیره کوره رفیقنک رأی و اجازتی منضم  
اولمدجه ترکده تصرفه مباشرت ایدن وصینک تصرفی صحیح  
اولماز اما اجازت لاحق اولدقده صحیح اولوب تجدید عقده  
حاجت قالماز .

آنحقی مسئلنا اولان بر طاقم صورتلر واردر که آنلرده بر  
وصینک تفردی جائز اولور :

مثلاً میتی تجهیز و تکفین و حقوقی مطالبه و اولاد صغاری  
ایچون ضروری اولان نفقه و کسوه یی اشترا و آنلر ایچون  
وقوعبولان هبه یی قبول ، وصیت مرسله یی تنفیذ ، تعیین  
ایدلمش بولنان بر کوله یی اعتاق ، کذلک تعیین اولنان و دیعه یی  
ورهن و صدقه یی اعطا ایتک و تلف اولسی مظلون اولان شیلری



بيع وضياعى قور قولان اموالى جمع وايداع وبيع فاسد ايله مشترا بولانان ومغصوب ويا مستعار اولان بر شئي رد وتسليم ايلك كې .  
**تقرير** — موصينك شريكي ايله كيلى ويا وزنى اولان بر

شئي تقسيم ده بويله در وبوقيلدن دها برقاج تصرف واردر .  
 اما تعيين اولنميان كوله يي اعتاق وموصينك وديعه سنى قبض وتركدن بر شى صاتمق صورتيه تنفيذ وصيت وفقير تعيين اولنميان صورتده تصدق خصوصنده انفراد جائز دكلدر .

**نيمه** — بومسئله طرفين قولنه كوره در امام ثانى عندنده جميع امورده بر وصينك تفردى جائزدر اما موسى طرفندن اجتماع ويا انفراد تصریح ايدلمش اولورسه بالاتفاق معتبر اولور .  
**مسئله ۹۹** — بر خصوصه دائر تعيين ايدلمش اولان ايكي

وصينك بريسي حين وفاتنده ديكر وصي يي كنديسنه خاف قيلارسه وصى مزبور امور وصايتده تفرد ايدر واكر شخص آخرى وصى قيلمش اولورسه وصى مزبور آنكه اشتراك ايدر اما هيچ بر كيمسه يي وصى تعيين ايتمه رك وفات ايتمش اولورسه اوحالده حاكم طرفندن بر مقتدر ومستقيم كيمسه ضم وترقيق اولنور .  
**تقرير** — ظاهر روايته كوره حكم بويله در اولان ذكر

اولنان صورتلرده حاكم وصى آخر تعيين ايده مز چونكه وصى متوفى استخلاف ايلديكي كيمسه نك رأيي حسييله حكماً باقيدر .  
 ابو حنيفه حضر تلرندن بر روايته كوره رفيقنى استخلاف صورتنده وصى آخر تعيين اولنور چونكه موسى اونك انفرادينه راضى دكل ايدى اما ديكر بر كيمسه يي استخلاف صورتنده ايكي وصى بولانه جنى جهتله مطلوب حاصلدر .

تنبیه — دیگر کیمسه یی استخلاف ایتیه رک وصیلرک بری  
وفات ایلد کده حاکمک وصی آخرک نصبنده امام ثانی حضرتلرینک  
مخالف بولمسنده ایکی قول واردر اکثر مشایخ مشارالیهک  
علی الاطلاق انفرادی تجویز ایتسنه بناءً وصی آخر نصبنه  
لزوم کورمز دیورلر .

بعضیلر موصی کندیسنه ایکی شخصک خلف اولسنی قصد  
ایتمش اولسنه رعایه مشارالیه عننده دخی نصب اولمق وجوبنه  
ذاهب اولملر در هدایه ایله تبیین ده بوقول تصحیح ایدلمشدر .

۲ — ایکی وصینک برینه جنون عارض اولدقده ویا عزلی  
لازم کلد کده کذلک دیگر بر وصی نصب اولنور بر رأیه کوزمه  
وصی موجوده اطلاق تصرف اولمق ده جائزدر .

کذلک عندالطرفین تعیین اولنان ایکی وصینک بری موصینک  
وفاتندن سوکره وصایتی قبول ایتدیکی ویا دها اول وفات ایتدیکی  
صورتدهده وصی آخر نصب اولنور .

۳ — وصینک وفاتیه وصیت باطل اولماز .  
یالکنز کندیلرینه خطاباً ثلث اموالمی جهت خیره صرف  
ایدیکنز دیه وصی نصب اولنان کیمسه لرک بری وفات ایلد کده  
وصیت باطل اولور .

زیرا موصی کندیسنی جهت خیری تعیین ایتیوب آنلرک  
مشیتنه تعلیق ایتمش اولدینگی حالده قبلالتفید بریسنک وفاتی  
شرطک انتقاسنه مؤدی اولمغله بطلان وصیت ترتب ایدر .  
اما ثلث اموالمی مساکنه تخصیص ایتدم وصیلر دیلدکلری  
اشخاصه ویرسونلر دیه وصیت اولندقده احد همانک وفاتیه



وصیت باطل اولماز بلکه حاکم بر حیات قالان وصی به بر وصی ترفیق ویا اطلاق تصرف ایدرک وصیتی تنفیذ ایتدیرر .

مسئله ۱۰۰ — وصی متعدد اولوبده حفظ اموال خصوصاً صنده اختلاف ایتسهلر باقیلور اکر اموال وصیت قابل قسمت ایه مناصفه و اکر دکلسه زماناً مهائنه طریقله حفظ یاخود امین طانیدقلری بر کیمسهیه ایداع ایدرلر .

مسئله ۱۰۱ — بر کیمسه ثلث اموالمدن شو قدر غروش فقرایه تصدق اولنسون دیه وصیت ایتسه وصی اولان کیمسه اول مقدار اچیهی ترکهدن افراز ایدوب فقرایه عیناً و تماماً تصدق ایدر یوقسه مبلغ مزبوری استرباح ایدوبده آنک ربخی تصدق صلاحیتنی حائز اولماز .

مسئله ۱۰۲ — بر کیمسه حیوان وعقار ومتاع کی معین بر مالی بریسنه وصیت ایتدکده موصی له اومالی ترکهدن عیناً آلق حقنی حائزدر بناء علیه وارثلر اونک برینه قیمتنی یاخود دیگر بر شیئی ویرمهکه قادر اوله مازلر .

اما موصی فلان مالم بیع اولنوب فلان جهت خیره صرف اولنسون دیه وصیت ایتمش اولدقده وارثلر ایسترلرسه اومالک قیمتنی ویروب وصی نی بیعدن منع ایدرلر .

مسئله ۱۰۳ — وصینک ورثه صغار ویاخود مدت سفر شرعی مسافهده بولنان ورثه کبار طرفندن بالنیابه موصی له ایله برابر مال متروکی مقاسمه ایتمی صحیح ونافذدر اما موصی لهک اذنی اولمدجه آنک نائی اوله رق وصینک وارثلرله بلا اذن حاکم

خود بخود تقسیمی صحیح دکلدر چونکہ مال مشترکی تقسیم  
یا قضا یا خود رضا ایله اولور .

مثلاً بر کیمسه ورثه صغاری ویا غائب اولان ورثه کباری  
اولدینگی حالدہ ثلث مانی بر کیمسه و صیت ایدوب برده وصی نصب  
ایلدکن صکره مصرأ علی الوصیه وفات ایلسه وصی مزبور  
موصی له ایله بر لکده ترکی تقسیم ایدوب ثلثی اکا اعطا  
و ثلثاتی وارثلره ویرمک اوزره کندی نزدندہ ابقا ایلدیکی  
تقدیرده تقسیم مذکور وارثلر حقندہ نافذ اولور عکسی صورتده  
ایسه تقسیم غیر نافذدر بناء علیہ صورت اولاده ورثه مزبورینک  
حصه لری وصینک النده محفوظ اولدینگی حالدہ قضاء ضایع  
اولسه آنلر موصی له رجوع ایتمکه قادر اوله مازلر صورت  
ثانیہ ده موصی له کندی حصه سنک کندی یدندہ ضیاعی تقدیرنده  
یا قینک ثلثی مطالبه ایدہ بیلور ایددی ثلث مزبور قائم ایسه  
عیناً استرداد ایدر دکلسه مخیردر کزک وصی یه کزک وارثلره  
تضمین ایتدیرر چونکہ وصی دفع ایله وارثلر دخی قبض ایله  
تعدیده بولنش اولیورلر .

شرح — بو ایکی صورت بیننده کی جهت فرق بروجہ آتی  
ایضاح اولنور :

وارثلر موصینک یعنی متوفانک خلفی اولدقلری کی وصی  
دخی برنوع خلفی عد اولنور ایشته بوکا بناء وصی ایله وارثلر  
بیننده مناسبت کامله بولنه رق بلاذن آنلره نیابت ایتسی صحیح  
اولور اما موصی له موصی یه خلف اولیوب آنک وصی ایله  
مناسبتی یوقدر بناء علیہ نفاذ قسمتده آنک یرینه قائم و طرفندن  
خصم اولسی اذن حاکم لاحق اولدقجه صحیح اولماز



نیم — ایکی صورتدهده بلاتعدی یدند ضایع اولان شیئی  
وصی یه تضمین ایتدیرمک یوقدر زیر اولایت حفظی حسبیه  
وصی امین عد اولنور .

مسئله ۱۰۴ — وصینک منقولات قیلندن اولان مال یتیمی  
اجنبی یه ولو غبن یسیر ایله صاتمسی جائزدر اما غبن فاحش ایله  
بیع ایدرسه فاسد اولور وبوصورتده مشتری اکر قبض وتملک  
ایتمش ایسه ضرری وصی ضامن اولور .

مسئله ۱۰۵ — وصی منصوب مال یتیمی کندی نامنه  
اشترا وکندی مالنی یتیمه بیع ایده من .

شرح — چونکه وصی منصوب حاکمک وکیلی دیمک  
اولوب وکیلک فعلی ایسه موکله منسوبدر بوراده موکل اولان  
حاکمک فعلی قضا دیمک اوله جفندن حاکمک کندی حقنده  
حکمی لازم کلور بوا یسه جائز دکلدر .

مسئله ۱۰۶ — وصی مختارک شوقیلدن اولان معامله سی یتیم  
حقنده منفعت ظاهره یی مفید ومشتمل اولق شرطیه عندالامام  
جائزدر بوده عقارک غیریسنده ۱۵ غروش قیمتده اولان  
بر مالی ۱۰ غروشه بیع و ۱۰ غروشلق برشیئی ۱۵ غروشه  
اشترا ایتمکه اوله بیلور عقاراتده ایسه مال یتیمی اشتراده قیمت  
حقیقیه سنی تضعیف وکندی مالنی من بوره بیعده قیمت حقیقیه سنی  
تنصیف ایله اولور .

استثرا — برولد صغیرک پدری محمودالحال اولدینی  
صورتده منقولات قیلندن اولان مال صغیری کرک قیمت

حقیقەت سەيە و كرك نقصان قىلىل ايله كندىسى ايچون اشترا  
و آخره بيع ايدە بيلور اما عقاراتدە حاكم طرفندن اذنى حاوى  
حجت استحصالى لازم كلور .

سۇئال ۱۰۷ — صغیرلرك وصیسى مالك اولمىغى بعض  
تصرفاته پدرلرى مالك اولور .

بناء عليه وصى صغیرلردن برينك مانى ديكربنه بيع  
ايدەمدىكى كېيىنلرندە مشترك بولغان مالى تقسيم ايتىمك صلاحيتنى دە  
حائز اولماز چونكه تقسيمده مبادلە و افراز واردر كذاك  
كندىسىلە صغیر بىنئندە مشترك بولغان مالى صغیر حقندە نفع  
ظاهر بولمىدقچە تقسيم ايدەمز .

اما پدر اولاد صغارينك اموالى يكدىكره بيع و مقاسمه  
ايدە بيلور .

وصى يالكىز وارث كير ايله موسى لهك حصەلرىنى  
كندىلرىنە دفع ايتىمك ايچون صغارك حصەسىنى بلا تميز افراز  
ايدر چونكه بوضورتدە صغیرلرك حصەسندە تقسيم بولماز .

ابوالاب ننفيد وصيت ويا قضاء دين ايچون تركەدن برشى  
بيع ايدەمز يالكىز صغارك دىنى و نفقهسى ايچون بيع ايدە بيلور :

سۇئال ۱۰۸ — وصى طرفندن بر صغیرك عقارى بيع  
اولمىق مسوغات شرعية تعبير اولغان وجوه آتیهنك برىسى  
بولمىدقچە اولماز .

مسوغات شرعية

۱ قيمت حقیقەت سەنى تضعيف ايتىمك . بو حالدە وصى مختار  
كندى نامنەدە اشترا ايدە بيلور اما وصى منصوب ايچون  
بوصلاحت يوقدر .



۲ متوفانك ديوننه اموال سائرهسى كفايت ايتماك .  
بوصورتده متوفانك ترك ايتمش اولديغى عقاراتدن ديننه  
وفا ايدهجك مقدارى بيع اولنور اما صغيرك بشقه جهتدن  
تملك ايتمش اولديغى عقار پدرينك بورجى ايچون صائيله ماز .  
۳ صغيره انفاق ايچون عقارك بيعنه لزوم كورملك .  
۴ وصيت مرسله يى انفاذ ايچون بيعنه لزوم كورملك . مثلاً  
بركيمسه نك ۳۰۰۰ غروش وصيتى اولديغى حالده اموال  
منقولهسى بوكا وفا ايتمز ايسه مبلغ مزبورى تسويه ايچون  
عقاراتندن مقدار كافى صاتيلور .

۵ برعقارك غلاهسى صرفيات سنويه سنه وفا ايتماك .  
۶ آزوقت ايچنده خراب اولمى ويا نقصان قيمت طريان ايتمى  
ملحوظ قولى بولمق .

۷ يد غاصبدن تخلص ايدايكى حالده وصينك بينهسى  
بولمديغى ايچون سبق يد ادعاسيله تكرار ضبطدن قورقولمق .  
تنبیه — اخيراً ذكر اولنان التى صورتك كافه سنده عقار  
غبن يسير ايله ده بيع اولنور .

مؤخر ۱۰۹ — وصينك بيع ايتمش اولديغى بر مال يتيمى دها  
زياده ثمن ايله اشترايه طالب ظهور ايتد كده اهل نظر و معرفت  
اولانلردن ايكى كيمسه مال مزبورك قيمت حقيقه سييله بيع  
اولنديغى اخبار و تصديق ايدرسه حاكم بيع واقعى فسخ ايدمه  
چونكه تزويد ثمن لزوم و احتياجه مبنى اوله بيله جكندن قيمت  
حقيقه نك دها زياده اولمسه دلالت ايتمز اما غبن فاحش ايله بيع  
اولنديغى اخبار ايديلورسه هر حالده بيعك بطلاننه حكم ايديلور .

مسئله ۱۱۰ — کندی مالندن موصینک شرعاً ثابت اولان دینی قضا وصیتی تنفیذ ایدن وصی علی الاطلاق ترکیه رجوع ایتک حقی حائزدر .  
اما موصینک اولاد صغاری ایچون کسوه اشتراسنه وسائر حوائج لرینه صرف وانفاق ایلدیکی اثمائی ترکه دن الهیلمسی اولجه ترکیه رجوع ایتک اوزره صرف ایلدیکنه اشهاد ایتمش بولمسیله مشروطدر .

شرح — بومسئله ده اشهاد شرطی استحسانه مستنددر زیرا وصینک بوندن طولای رجوعه قیامی یتیم اوزرینه بر دین ادعای دیمک اولوب بناءً علیه مجرد دعوا ایله حق قازانه ماز .  
اما اولادینه وصیه اولان والدهنک كذلك ولایتی حسیله متصرف بوانسان پدرک بویله برانفاقدن طولای مال صغیره رجوع قصد ایتلری رجوع شرطیله انفاق ایتمش اولملرینه اشهاد لر یله مشروط بولمق مقتضای قیاسدر چونکه شفقت والدینه نظراً اغلب احتمال آنلرک انفاقی تبرع قیلندن اولمقدور وصی حقه ده ایسه بوقیاس جریان ایتمز .

مسئله ۱۱۱ — وصی اولیان برادرک حجر و تربیه سنده بوانسان صغیر ایچون اشترا ایلدیکی حوائجک واستیجار ایلدیکی مرضعهنک ثمن واجرتی اشهاد ایتمش شرطیله من بورک حصه ارثیه سنه محسوب ایتدیرمکه حق واردر والده وعموجه ده بویله در بناءً علیه مذکورینک قبل التقسیم ترکه ایچندن یتیمه الباس وانفاق ایلدکلری شیلری ضامن اولملری لازم کلز .  
اما ولد صغیر حجر و تربیه سنده بولمدیغی حالده انفاق ایدن



کیمسه نك هرکیم اولورسه اولسون عدم ضمانی وصی اولمسه  
توقف ایدر .

مسئله ۱۱۲ — بروصی اوزرینه عقد شرعی ادعا اولمده  
تحلیف اولمه ماز .

بناءً علیه برکیمسه غرماو صیسندن متوفادن شوقدر غروش  
آله جغم واردر دیو دعوا ایدوب اثبات مدعا ایدمه مدیکی تقدیرده  
متوفادن اول قدر آله جغی اولدیغنی بیلمدیکنه دائر وصی مزبوره  
یمین ویردیر یله من نصل که بوصورتده وارثلرده تحلیف اولنماز  
چونکه اقرارلرینکده حکمی یوقدر .

کذلک بر صغیرک وصیسی وفات ایدوبده یرینه بشقه بروصی  
نصب اولندقدده وصی لاحق بر شخصی محکمه یه احضار ایتد  
بروب (وصی متوفی حال حیاتنده فلان صغیرک مالندن شوقدر  
غروش سکا ادانه وتسلیم ایش ایدی) دیو دعوا واوشخصده  
(بن مبالغ مزبوری وصی سابقه ادا ایش ایدم) دیو دفعه  
تصدی ایدوب اثبات ایدمه سه بروجه محرر اداسنی بیلمدیکنه  
دائر وصی لاحق تحلیف ایدمه ماز .

اما کندی اوزرینه بر عقد شرعی ادعا اولنان وصی تحلیف  
اولنور . مثلاً بر صغیرک وصیسی برکمه یه (بن صغیرک مالندن  
سکا شوقدر غروش ادانه وتسلیم ایشدم مبلغ مزبوری ویر)  
دیو دعوا ایلدکده اول کیمسه (بن فلان وقتده اول بورچی  
سکا نادیه ایلدم) دیه وصینک انکارینه مقارن اوله رق دفعه  
تصدی ایدوب اثبات ایدمه سه مبلغ مزبوری کندیسندن آلدیغنه  
دائر وصی یه یمین ویردیرره کذلک برکیمسه صغیرک وصیسندن

«چو جفك لوازمی ایچون بندن شو قدر مال اشترای و قبض ایش  
ایلك اثمانی ویر» دیه دعوا ایدوب وصینك انکاری اوزرینه  
اثبات مدعا ایدهمسه وصی یمین ویردیرر .

شرح — چونکه بوصول تلرده وصی اوزرینه بر عقد شرعی  
دعوا ایدیش اولور . اما صور سابقه ده مادام که وصی اقرار  
ایش اولسه اقراری نافذ اولیور یمیندن نکولی ده فائده منر  
اولور بناءً علیه تحلیف اولماز .

مؤد ۱۱۳ — یتیمار بیودکن صوکره وصی بی اتهام  
ایدوب (سن نری مالزك ربخیه یا خود فلانك تبرع ایتدیکی مقدار  
ایله اعاشه ایلك) دیسه لر وصینك ادعا ایلدیکی نفقه مثل ایچون  
یمین ایتسی لازمدر .

مکر که مصروفك اول قدر مدت ایچنده اغلب احتمالاً نظراً  
آفلره کفایت ایتیه جك مقدار دن عبارت اولدیغنی ادعا ایدر لر سه  
ظاهر حال کندی لر نی تکذیب ایدم جکندن وصی یمین لازم کلر .  
مؤد ۱۱۴ — وصینك ادعا ایلدیکی مقدار نفقه مثلدن  
يك جزئی زیاده اولدینی تقدیرده مجرد یمین ایله تصدیق اولنور .  
اما ایکی مثله قریب ایسه اقامه بینه ایتسی لازم کلیر . اقامه  
بینه ایدم دیکی خالد بروجه معقول و محتمل ایله تاویل ایدوب ده  
مضموننه یمین ایدهمسه ضامن اولور .

مؤد ۱۱۵ — وصینك — وصی یمین تفویض اولان تصرفاتك  
کافه منده — تصرفاتی ظاهر حال کندیسنی تکذیب ایتدیکی  
صورتده یمینه تصدیق اولنور .

اما کندیسنه تفویض اولمیان تصرفاتده یمین ایله تصدیق



اولئيمبوب اقامه بینه ايتىسى لازم كلور . مثلاً حاكمك امرى بولئيمه رق موصىنىك مالندن دينى قضا ايدن وصى وارثلر كير اولوب ده دين مذكورى انكار ايلدكلر نده اكر اقامه بینه يه قادر اوله مازسه ضامن اولور .

اما قضاء دين امر حاكم ايله اولورسه ياخود وارثلر اعتراف ايتدكلرى بردينك قضاسى ادعا اولنورسه بلا بینه تصديق اولنور .

كذلك صغيرك زمان صغر نده بركىمسهنك مالنى استهلاك ايتىش اولسهنه مبنى شوقدر غروش ايله تضمين اولنديغى وصى طرفندن ادعا اولنوب صغير مزبور بعدالبوغ استهلاك ايتديكنى انكار ايدرسه وصىنىك بوصورتدهده اقامه بینه ايتىسى ايجاب ايدر . اكر ايدهنه ضامن اولور .

كذلك وصى طرفندن مال صغيرك برقسىميايه تجارتها ماذون اولسهنه بناء ذمتته تعلق ايدن ديوننىك قضا اولنديغى وياخود وقت خصوصتده زراعتها صالح اولميان ترلاسنك ويركوسى ويرلديكى ويا عبدجانينىك فديهنسى وياذى رحم محرمنىك ياخود حين مخاصمهده برحيات اولميان كوله لرينىك تقدير ايدلش اولان نفقه لرى ويا برحيات اولميان زوجهنىك مهرى تسويه اولنديغى ادعا ايدلسه وياخود وصى كندى مالندن يتيمه اتفاق ايلديكى بر مبلغ خصوصتده رجوعى قصد وياخود يتيمك ماليه وقوعبولان تجارتده شركت مضاربه دعواسنه قيام ايلسه بوصورتلر ك كافه سنده وصىنىك اقامه بینه ايتىسى لازمدر .

اما حين مخاصمهده برحيات بولنان كوله لرينه وزوجه سهنه اتفاق ايلديكى نفقه مثل واملاكنى حفظ واصلاح ايجون صرف



واستهلاك ايلديكى مقدار معقول حقنده بالا بينه تصديق اولور.

مسئله ۱۱۶ — بر صغيرك وصى منصوبى امور وصايتى اجر تسر رؤيت ايتمكدن امتناع ايتسه مجازاً رويه مقتدر و مستقيم رذات بولنه مدینى تقديرده حاكم صغيرك مالندن وصى ایچون اجر مثل تقدير ایدر.

تقدير اجرت زمانندن اول سبق ایدن خدمت مقابله سنده اجر مثل ناميله وصى به برشى ویرلمز چونكه وصى وصايتى قبولده متبرع اولديغی جهته اجرته استحقاقى تقدير حاكمه متوقف اولور.

مسئله ۱۱۷ — وصى مختار ايله وصى منصوب بيننده تفصيل اولنه جق شو صورتلرده فرق واردر.

۱ وصى منصوب يتيمك مالنى كنديسى ایچون اشتراكندى مالنى يتيمه بيع ایدمه مدیكى كی كندى لهنه شهادتى معتبر اولمیان بر كیمسه یه ده بيع ایدمه من اما وصى مختارك اشبو معامله لری بالاده بیان اولنديغی اوزره يتيمه منفعت ظاهره بی مشتمل اولمق شرطيله جائدر.

۲ وصى منصوبك خصوصته مأذونیتی قبضه مأذونیتی متضمن اولماز بناءً علیه حاكم طرفندن قبضه صریحاً مأذون اولمقچه قبض ایتسی صحیح دكلدر وصى مختار ايسه حاكمك وکیل منزله سنده دكل بلكه متوفانك مقامنه قائم اولمسندن ناشی بلاذن حاكم قبضه اهلدر حتى عزل حاكم ايله منعزل اولماسی ده بوندن ناشیدر.

۳ — وصى منصوب صغيرك نفسنی آخره ایجار ایدمه من يالكز بر صنعت تعلیمی ایچون استاده تسلیم ایدر.

۴ — حاكم طرفندن كنديسنه اجر مثل تعیین اولنه بیلور.

۵ — وفات ایدمه جك اولسه غیر یسنى یرینه وصى تعیین ایدمه من.

۶ — حاكم آنك وصايتنى ديلديكى امواله تخصیص و كنديسنى

بعض تصرفاتدن منع ایدمه بیلور.

۷ — عدل وكافی اولسه بيله بر مصلحتی متضمن اولور سه عزلی



صحیحدر وصی مختار ایسه ذکر اولنان صورتلرده بونک خلافتدرد.  
مسئله ۱۱۸ — دیونی ترکه سندن ازید اولدیغی حالده  
وفات ایدن مدیونک ترکه سنه حاکم طرفندن تعیین اولنه جق  
وصی به وصی غرما تعبیر اولنور که متوفانک دینی آنک واسطه .  
سیله تسویه ایدیلور ایمدی وصی مزبور متوفانک کرک اهنده  
و کرک علیهنده وقوعبولان دعاوینک کافه سنده خصم اولور یعنی  
غرمانک هربری آله جغنی آنک مواجهه سنده ادعا واثبات ایلوب  
وارثلرک حضورینه حاجت قالماز کذلک وصی مزبور متوفانک  
آله جقلرینی دعوا و قبض ایدر .

مسئله ۱۱۹ — غرما و صیسی ترکه یی دینلرینه کوره غرما یه  
امر حاکم ایله توزیع و تسویه ایتدکن صوکره غریم دیگر ظهور  
ایلسه حصه سنه اصابت ایده جک مبلغی وصی به تضمین ایتدیره من  
بلکه غرماء سائر هیه رجوع ایدر .

اما وصی مزبور اذن حاکم بولنمیه رق ترکه یی توزیع ایلش اولورسه  
صوکره دن ظهور ایده جک غریمک حصه سنی کند یسی ضامن اولور .  
تقریر — وصی مزبور دین اقرار ایده من اقراری غیر  
علیه اولوب معتبر اولمیه جغنی جهته یمیندن نکولی ده مفید  
دکدر . نصل که بوصورتده وارثده تحلیف ایدلار .  
وصی غرما شاهدده اوله ماز . چونکه مدعیدر .

## فصل رابع

وصیلرک شهادتنه دأردر

مسئله ۱۲۰ — وصیلرک وارث صغیر ایچون علی الاطلاق  
مال اثباتنه دأر شهادتلی صحیح دکدر .

شرح — چونکه کرک موصینک ترکه سندن اولسون کرک دیگر



جهتدن اولسون صغيرك تملك ايدە جكي اموالك جمله سنده تصرف حق  
وصى يه عائد اوله جغندن بوشهادتى ايله مشهور دبه اولان شيدە كنديسنه  
اثبات تصرف ايتمش اوليور بوايسه جلب مغنم اولغله مظنة اتها مدر.

مسئله ۱۲۱ — وارث كيرايچون تركهده داخل اولان بر  
شيئي اثبات خصوصنده دخي شهادتلى صحيح اولماز اما تركهده  
داخل اوليان اموال حقنده اشبوشهادت قبول اولنور .

شرح — چونكه تركهده داخل اوليان امواله دائر وصيلرك  
وارث كير حقنده ولايتلى اصلا بولنه ميه جغندن بوشهادتده  
هيچ بر جهت اتهام يوقدر .

اما تركهده داخل اولان اموالده وارث كيرك غيبوتى حائده  
وصيلرده ولايت حفظ و ولايت بيع منقول اوله جنى كى وارث  
من بوره جنون عارض اولسه ولايت تصرف دخي ثابت اولور  
بناءً عليه شهادت مذكور دده جهت اتهام بولنور .

مسئله ۱۲۲ — وصينك موسى عليه شهادتى صحيح ايسه ده  
لهنه شهادتى ولو بعد العزل صحيح اولماز .

شرح — حال بوكه و كلك قبل الخصومه عزلى وقوع بولديغى  
تقديرده مؤلك لهنه شهادتى جائزدر فقط وصايت وكالت كى  
نيابت محضه اوليوب استخلاف قيلندن در بوكا بناءً دركه  
وصايتي بيلمزدن اول تركهده تصرف ايدە جك اولسه صحيحدر .

### مسائل متفرقة

مسئله ۱۲۳ — وصى اولان كيمسه يتيمك ماليله تجارت ايتمه  
مجبور اوليوب رأس المالى صرف و اتفاق ايله آنى اعاشه ايدە بيلور .  
ايمدى يتيم اثبات رشد ايلد كدن صوكره رخ دعواسى ايدە من .  
مسئله ۱۲۴ — وصى حاكمك تقدير ايلديكى مقدار دن زياده



اتفاق ایلمه نفقه مثل حقنده ینه تصدیق اولنور فقط شوانفاق  
یتیمک کندی مالندن اولق شرطدر. چونکه وصینک کندی  
مالندن صرف ایدوب ده یتیمک مالنه رجوع ایلمسی ینه یه محتاجدر.  
مسئله ۱۲۵ — وصینک اتفاق ایده جکی مقداری حاکم تقدیر  
ایتمسی شرط دکلدر بناء علیه وصی نفقه مثل حقنده یمین ایله تصدیق اولنور.  
مسئله ۱۲۶ — ولد صغیرک مالنی نه پدری ونه وصیسی  
آخره اقراض ایدمز. اما امین اولدقلری کیمسه یه عاره وتودیع  
وصغیرک دینی مقابله سنده ترهین ایده بیلورلر.

مسئله ۱۲۷ — وصینک لدی الایجاب امر حاکم ایله یتیم  
ایچون استدانه ایتیمی جائزدر.

مسئله ۱۲۸ — کندی آله جفی ایچون دخی وصینک ترکهدن لزومی  
مقدار شیئی بیع ایتیمکه صلاحیتی وارددر. فقط غرماء سائره بولنور سه  
وصی دخی غرامه حصه سنه اصابت ایدن مقدار دن زیاده آله ماز.  
مسئله ۱۲۹ — مسووغ شرعی بولمندیغی حالده یتیمک  
باغچه سنده کی اغاجلری بیع ایتیمک جائزدر. چونکه اغاج منقولات  
قیلاندن در وقف عرصه اوزرنده کی بناده بویلهدر.

مسئله ۱۳۰ — وصینک کندی طرفندن اولان بر عقد شرعی  
سببیله واجب اولان دینی تأجیل و تاتذیل ایده بیله جکی کبی مدیون  
مزبوری ابرا ایتیمی دخی صحیح اولور. فقط یتیمه ضامن اولمسی لازمدر.  
اما کندی عقدی سببیله واجب اولیان دیون حقنده وصینک  
شومعاملاتی لغودر.

مسئله ۱۳۱ — وصی یتیمک مالنی امین بیلدیکی کیمسه یه اجل  
معلوم ایله ده صاته بیلور. فقط اجل مذکور فاحش اولماق شرطدر.  
بوصورتده تحصیل ممکن اولیان دیندر طولانی وصی به ضمان لازم کلز.  
مسئله ۱۳۲ — بر وصینک وصایتی حاکم طرفندن انفاذ



ایدلگدن صکره فسقندن طولانی امین عد اولنیه رقی تبدیلی لازم  
کلد کده عزل و تبدیل ایدیلنجه یه قدر وقوع بولان تصرفاتی صحیحدر.

مسئله ۱۳۳ — متوفانک ویا یتیمک انکارده مصر اولان بر  
شخص ذمتنده کی آله جغنی اثبات ایتمک قابل اوله مدیغی تقدیرده  
وصینک صلاحاً تسویه ایتدیر می جائزدر. اما مدیون مقر ویا محکوم  
بالدین اولدیغی ویا خود اقامه بینه امکانی بولنمدیغی صورتده از  
بر مبلغ ایله وصینک صلحه قیامی جائز اولماز.

مسئله ۱۳۴ — بر کیمسه نك مدیون ویا مودعی آنک  
وفاتندن صکره بر شخصک وصایتی اقرار ایتسی اوزرینه حاکم  
آنی وصی ایدوب ده دین ویا وادیعه نك اكا تسلیمنی امر ایده من.  
شرح — زیرا حاکمک تسلیمی امر ایتسی او شخصک  
بتون ترکیه وصایتی تضمن ایده جکندن متوفانک وصی مختاری  
اولمادیغی تبین ایتدکجه جائز دکلدر.

حاکمک وصی نصب ایتسی دینی ویا وصیتی بولنان متوفانک  
وصی تعیین ایتیه رک وقوع وفاتی بینه ایله اثبات اولنغه توقف ایدر.  
مسئله ۱۳۵ — وصیلری بشقه بشقه اولان ایکی صغیر بیننده  
مشترک بولنان عقارک تعمیره احتیاجی نمایان اولوب ده بر وصی  
بالاشتراک تعمیر ایدلمسنی تکلیف ایلدیکی حالده دیکر وصی امتناع  
ایتسه تعمیره جبر اولنور.

شرح — مثلاً صغیرلرک خانه لری ارمسندده کی مشترک دیوارک  
سقوطندن خوف اولندقدده برینک وصیسی تعمیر ایتمک ایسته یوب ده  
دیکرینک وصیسی موافقت ایتسه در عقب حاکم الشرعه عرض  
اولنور. و طرف حاکم کدن کوندربله جک امین واسطه سیله مذکور  
دیوارک حالی اوزره ترکی صغیرلره ضرر ایراث ایده جکی  
ملحوظ اولنجه وصیلرک بالاشتراک تعمیر ایتلرینه امر اولنور.



## ﴿ علم الفرائض ﴾

ورثه نك تركه ده اولان حصه ارثيه لر بنی بیلدیرن قواعد  
فقهیه و حسابیه دن عبارتدر . علم فرائضك موضوعی - تركه  
اولوب انك احوالندن بحث ایدر .

غایتی — تركه نك تقسیمی یعنی تركه ده اولان حقوق ارثیه یی  
تعیین و اصحابنه تسلیم ایتمکدر . ( تركه ) کلمه وزننده رانك کسریله  
ویاسکونیله تلفظ اولنور - عیننه برکیمسه نك حق تعلق ایتیه رك  
متوفانك ترك ایتمش اولدیغی جمیع مال دیمکدر . اما مالکی اولمیه رق  
نزدنده قالمش و یا خود عیننه برکیمسه نك حق تعلق ایتمش بولنان  
اموال و اشیا تركه دن عد اولماز .

شرح — و دیعه قیلندن اولان شیئر وارث کیر و یا خود  
وصی معرفتیه اصحابنه اعاده اولمق لازم کلور و حال حیاتنده  
تسلیم ایتمش اولدیغی رهندن اولا مرته نك آله جنی اخراج  
اولنوب بعده فضله قالان مقدارك حقوق آتیه یه صرف اولمسی  
ایجاب ایدر . بنساءً علیه متوفانك بشقه مالی بولمسه ده رهن  
مزبور ایله تجهیز و تکفینی تسویه اولماز . اجرتی استیفا  
اولنان عین مأجور دخی آجرك وفاتیه اجرت بدلنده رهن  
عد اولنور . كذلك لاجل الثمن حبس اولنان میبع ده بویله در .  
یعنی اداء دین ایتیه رك مشتری میبعی قبض ایتزدن اول وفات  
ایلسه هنوز بايعك یدنده بولنان میبعه بايع احق اولدیغی جهتله  
دیون سائر دكل تجهیز و تکفین مصارفی بیله آندن تسویه

اولئماز . فقط بايعك رضايله قبض ايلدكدن صكره وفات ايتسه  
او حالده بايع غرماي سائرميه مساوي اولور يعنى بيع واقعي  
فسخ ايله ميبعي استرداد ابدى .

تنبیه — قتلک خطاء و قوعنه ، يا خود قتل عمد اوزرينه  
صالح و يا بعض اوليانك عفوى سبيله قصاصك ماله انقلابنه  
بناءً واجب اولان ديت مقتولك تركه سنه داخل اولوب آندن  
دينى قضا و وصيتى تنفيذ اولنور .

مسئله ۱ — وراثت برکيمسه نك ماله ديگر کيمسه نك خلفيت  
طريقيله مالک اولمسيدير شو خلفيت ده آتى الذکر اسباب عديده نك  
بريله اولور . ايمدى شخص اوله مورث ، شخص ثانی به وارث ،  
مال مزبور ميراث و موروث دينور .

مسئله ۲ — وراثتک شرطى اوچدر بو شرطلر اجتماع  
ايتدکجه وراثت تحقق ايتمز .  
برنجى شرط : مورثک حقیقه و يا حکماً ، يا خود تقديرأ  
وفات ايتمسيدير .  
حقیقه وفات معلومدر .

حکماً وفات مفقودک ( ۹۰ ) ياشنى اکمال ايتمش اوله جفته  
مبنى حاکم شرع طرفندن وفاتنه حکم لاحق اولق صورتنده در  
تقديرأ وفات غره يي ايجاب ايدن اسقاط جنين صورتنده  
معتبردر چونکه جنين ميت حين سقوطنده حى اولوب بعده  
وفات ايتمش اعتبار اولنور . بناءً عليه کنديسى مورث و بدل  
نفسى اولاز غره مال موروث صاييلور .



ایکنجی شرط : مورت وفات ایتدیکی زمان وارثك حقیقه  
ویا حکماً بر حیات بولمسیدر .  
حقیقه حیات معلومدر .

حکماً حیات مورتك حین وفاتنده تولد ایتمیوب هنوز رحم  
مادرده بولمقدرد ایشته بو شرطه بناء مورتندن ولو بر دقیقه  
اول وفات ایدن کیمسهیه میراث ویرلر .  
کذلک یکدیگرینه وارث اوله جق کیمسه لرك عیاذاً بالله  
احتراق ویا انهدام بنا ايله جمله سی هلاک اولسه ویا سفینه  
ایله غرق وقوعبولوب هانکیسنك اول وفات ایتدیکی  
معلوم اولماسه بونلرك هر برینك اموالی احیا اولان وارثلرینه  
ویریلور

اوینجی شرط — وارثك جهت وراثتی صحیح ومعلوم  
اولمقدرد بناء علیه جهت وراثتی معلوم اولمیان کیمسه نك ارثه  
استحقاقه حکم اولنه ماز .

## فصل اول

وراثتك اسبابی بیاننده در

مسئله ۳ — وراثتك اسبابی اوچدر .

برنجی سبب : مورت ايله وارث بیننده قرابت نسبییه  
بولمقدرد بوسیلله وارث اولان اقربا اوچ قسمدر .  
اصحاب فرائض ، عصبه ، ذوی الارحام .

ایکنجی سبب : بیلرئنده نکاح صحیح ثابت اولمقدرد ایمدی

احد زوجينك وفاتنه قدر افتراقى موجب بر سبب بولميه رق  
نكاح صحيح باقى اولورسه هر برى ديكرينه وارث اولور و بو  
صورتده خلوت صحيحه وقوعى شرط دكلدر و اكر طلاق  
رجعى وقوع بولمش اولورسه عدتك انقضاسندن اول برى وفات  
ايلدكده ديكرى وارث اولور .

واكر زوجهنك طلب ورضاسى اولميه رق زوجك مرض  
موتنده طلاق بائن وقوع بولورسه وفاتى زماننده عدت تمام اولمش  
دكلسه زوجه ينه وارثه اولور . اما زوجه وفات ايتسه زوج  
وارث اوله ماز . اشبو طلاق صورتلرينك هر برنده ايسه وراثتك  
تحققى زوجهنك موطوءه اولمسيه مشروطدر .

اما طلاق بائن زوجهنك طلب ورضاسنه مقارن ويا زوجك  
حال صحتنده واقع اولورسه عدتك انقضاسندن اول وفاتى  
وقوع بولمغله وراثت ثابت اولماز .

كذلك نكاح واقع باطل ايسه مثلاً نكاحك متعه وموقت  
قييلندن اولمى ويا خود قادينده اسباب حرمتدن برشى بولمى  
ويا خود فاسد ايسه مثلاً نكاحك بلا شهود اجرا ايدلمى ويا  
منكوحه صغيره اولوب و ليسنك اذنه مقارن اولمامسى صورتلرنده  
اصلاً موجب وراثت اولماز .

اوچينجى سبب : ولادر كه ايكي درلودر (۱) ولاى عتاقه  
(۲) ولاى موالاتدر .

ولاى عتاقه : بر كيمسه يي اعتاق ايتك ويا ذى رحم  
محرم اولان بر شخص مملوكى تملك ايله عتقى لازم كلك حسييله  
انك مولاسى اولمقدن عبارتدر .



مولای معروف بولمادیغی صورتده ولای عتاقه متوفانك  
اقرار مجردیله ده ثابت اولور .

ولای موالات : بر کیمسه کندیسندن بر جنایت صدور  
ایدرسه ضامن و حین وفاتنده وارث اولمق اوزره دیگر یله عقد  
مقاوله ایتمکدر . حین عقدده وارث نسبسی بولمیان هر شخص  
حرك بویله بر عقد التزام ایلمی صحیحدر واکر دیلر لرسه ایکی  
ظرفدن ده ضمان و وراثت شرط قیلنه بیلور .

مسئله ۴ — بواسباب ثلاثه نك هر بری استحقاق وراثته  
سبب مستقل عد اولنور بناءً علیه بروارنده ایکی سبب اجتماع  
ایله دکه آنك استحقاق قوت بولوب هر سببه مبنی آریجه  
وارث اولور مثلاً بر کیمسه عمجهسی قزینی نکاح ایدوب ده  
عزبوره وفات ایلمسه زوجندن بشقه وارثی بولمادیغی تقدیرده  
زوجی ترکه سنك نصفی زوجیت، نصف دیگرینی قرابت نسبه  
یعنی عصوبت جهتیله آلور .

کذلك بر کیمسه نك زوجهسی فی الاصل کندی معتقهسی  
اولوب ده بشقه وارثی بولمیهرق وقات ایتسه او کیمسه ترکه نك  
نصفی زوجیت، نصف دیگرینی ولای عتاقه جهتیله احراز ایدور .

## فصل ثانی

وراثتک مانع لری بیاننده در

مانع : سبب وراثتک تحقیقه برابر بر شخصک کندی  
جهتندن حصول بولهرق استحقاقی سلب ایدن شی دیمکدر  
بویله اولان شخصه محروم اطلاق اولنور .

اما ساب استحقاق غیریسی جهتندن اولمغه حجب تعیر اولنور  
ویووجهله وراثتدن ساقط اولان کیمسه یه ده محجوب اطلاق  
اولنور . [ تفصیلی کله جکدر ]

مسئله ۵ — موانع ارث بشدر .

برنجی سبب : رق یعنی رقیق ویا رقیقه ( از ادسز کوله  
ویا جاریه ) اولمقدر حر اولیان بر کیمسه ایچون ولو ام ولد ویا  
مکاتب اولسون میراث اولماز . معتق البعض ده عندالامام بویله در  
مشارایه عندنده اعتناق متجزی اولمغله مزبورک جزء باقی  
قیمتی اداسنه قدر مملوکیتی باقیدر حر عد اولماز . اما امامین  
عندنده اعتناق تجزی قبول ایتدیکنه بناءً ولویوز جزئک  
بر جزئی اعتناق اولنان شخص حر مدیون عد اولنهرق وارث  
اولسی لازم کلور ( بو مسئله ده مفتی به امام اعظم قولیدر )

ایکنجی سبب : قتلدی یعنی مکلف اولان بر وارثک مورثی  
تسبیدن غیری بر صورت غیر مشروعه ایله و بلا اکر اه قتل  
ایتمسیدر کرک موجب قصاص اولان قتل عمد ایله و کرک  
موجب قصاص اولیوب یالکیز دیت و کفارت ایجاب ایدن شبه  
عمد ایله و خطا و یا خطا مجراسنه جاری اولان بر قتل ایله قتل  
ایش اولسون بو صورتلرک کافه سنده عاقل و بالغ بولنان قاتل  
وراثتدن محروم اولور .

قتل عمد : آلات جارحه نک بریله ویا تفریق اجزاده آلات  
جارحه مقامنه قائم — کسکین طاش ویا اعاج ویا آتش کی —  
بر آلات واسطه سیاه قصداً ضرب ایدوب ایقاع ایدیلن قتل  
دیمکدر .



بِعمر : تفريق اجزا ايتمين بر شی ايله - مثلاً بیوجك  
بر طاش ویا اغاج ايله - تعمداً قتلدن عبارتدر .

قتل خطا : قصد ايتمهرك یا کلاشلقله بر کیمسه یی - مثلاً  
صیده رمی ایدوب بر انسانی - قتل ایتمکدر .

خطا مجرانه هاری قتل : اصلاً صنع و اختیارك دخلی  
اولیهرق - مثلاً طامدن اوزرینه دوشمك و حالت نومده انقلاب  
ایله ازمك کبی بر طریق ايله - بر کیمسه یی هلاك ایتمك دیتمکدر .  
اما حفر بئر ویا وضع حجر ايله ویا خود اوزرینه دابه نی سوق  
ایتمك ویا کندیسنه قود ایتدیرمك ايله مورثك هلاک کنه سبب  
اولمق ، كذلك قصاص و دفع عن النفس کبی بر صورت مشروعه  
ایله ، یا خود کندیسنی قتل ايله تهدید ایدن بر مکرهك اکر اهنه  
بناء مورثك قتلنه تصدی ایتمك وارثك محرومیتنی ایجاب ایتمز .  
اورنجی سبب : اختلاف دیندر یعنی مورثك وفاتی زماننده  
وارث ايله مورثك بری مسلم ، دیکری غیر مسلم بولمقدردر .

در دینی سبب : حکماً اختلاف دارد .

اختلاف دار : اختلاف مملکت معناسنه حقیقی اولورکه  
وارث ايله مورثدن بری بردوات، دیکری بشقه دولت ممالک کنده  
بولمقدردر بونك منع نوارث خصوصنده تأثیری اولماز بنده علیه  
دار اسلامده بولنان مستأمن ايله وطن و مملکت کنده ، یا خود بشقه  
دولت مملکت کنده بولنان دینداشلری بیننده توارث جریان ایدر؛  
برده حکم شرعده اختلاف منسوبیت معناسنه حکمی اولورکه  
بو معناجه اختلاف دار انجق ایکی حکومت مستقله ارسنده



انقطاع عصمت حسبيه يكد كرك قتالني استجلال ايتمك صورتند  
تحقق ايدر ايسته موانع ارثدن معدود اولان اختلاف داراشبو  
حکمی قسميدر ايمدی دول متحابه تبعه سندن اولانلر اره سنده  
توارث جاری ارلور فقط انقطاع عصمت حالنده بولسان ايکی  
حکومت مستقلا تبعه سی اره سنده جاری اولماز .

نیم — اختلاف دارك مانع وراثت اولسی غیر مسلملر  
حقنده دره . بين المسلمين اختلاف دار وقوعی مانع توارث دکلدر  
مثلا دولت علیه ( دامت شوکتها ) تبعه سندن بر مسلم فرانسه  
تبعه سندن اولان بر مسلمه وبالعکس علی الاطلاق وارث  
اوله بیلور .

شیمی مهب: وارثك وارث اولیان کیمسه یه التباسنی  
موجب اوله جق جهالتدر .

بونك برچوق صورتلری وار مثلا برقادین کندی چو جو غیله  
برابر دیگر بر چو جنی ارضاع ایتمکده اولدیغی ائناده وفات  
ایدوب هانکیسی کندی ولدی اولدیغی بیلمسه چو جقلرك  
هیچ بریسی اكا وارث اوله ماز .

کذلك بر حره ايله بر جاریه بر خانه ده ظلمت لیل ایچنده  
برر چو جق دنیا یه کتیروب هانکیسی ولد حره اولدیغی بیلمزسه  
هیچ بریسی اكا وارث اولیوب هر بری نصف قیمتی ایچون  
جاریه نك مولاسنه سعی ایتك ایجاب ايدر .

کذلك بر کیمسه نك حرردن بر ولدی وغیرك امه سندن  
بر ولدی اولوب چو جقلرك ایکی سنی ده بر مرضعه ارضاع ایددرک  
هانکیسی ولد حره اولدیغی بیلمسه هر بری نصف قیمتی



ایچون سعیه وعدم ارثه محکوم اولور مکر پدرلری نصف قیمتی  
ادالرندن صکره وفات ایدرسه اول وقت زوال مانعه مبنی  
وارث اولورلر .

مسئله ۶ — وراثت تملکک سبب جبریسدر . بناء علیه  
بر کیمسه نك مورثی وفات ایتدکده اول کیمسه بن آنک میراثی  
قبول ایتم دیوب رد ایتسیله میراثدن ساقط اولماز بلکه نه وقت  
اولسه حصه ارثیه سنی آلمغه استحقاقی بولنور .

مسئله ۷ — ترکیه علی الترتیب ذکر ایده جکمنز حقوق  
شرعیه تعلق ایدر .

اولا — غریمک تضررینی موجب اولماق شرطیه متوفی  
کفن مسنون ایله تکفین ولوازم تجهیزیه سی ایفا اولنور . اما  
آرته جق مقدار قضای دینه وفا ایتمیوب ده غریمک متضرر اولسی  
لازم کله جکسه اول وقت بقدر الضرورة والكفایه تکفین  
وتجهیز ایدیلور .

ثانیاً — قضای دین اولنور یعنی بر شیئه بدل اوله رق  
متوفانک ذمتده قالمش اولان حقوق — من جهة العباد مطالیه  
ایدیلن دیون — تسویه ایدیلور اما حج وزکات وفدیه وکفارات  
کبی حقوق الهیه دن اولان شیار وصیت ایدلمه مش اولورلرسه  
قضا اولمازلر . وبونلرک هپسی ماله متعلق برنوع عبادت و بناء  
علیه محتاج نیت اوله جنی جهته وارثلرک تبرع طریقیه ایفالری  
صورتنده متوفانک مسئولیت اخرویه دن قور تولسی مرجو  
ایسه ده قطعی دکلدر .



مسئله ۸ — دیون اوچ قسمدر :

(۱) دین صحتدر که مرض موتدن اول اقرار ویا اقامه ینه ایله ثابت اولان دیندر .

(۲) دین صحت حکمنده اولان دیندر که مرض موتده واجب اولمش فقط سبب وجوبی حاکم ویا شهود طرفندن مشاعده ایدلمش اولان دیندر متوفانک اثنای مرضنده تملك ویا استهلاك ایلدیکی شیلرک ائمانی کبی .

(۳) دین مرضدر که متوفانک محض مرض موتی هنکامنده وقوعبولان اقرار ایله لازم کله جک دیندر . بوقسم دینک قضاسی اولکی دینلردن تأخیر ایدیلور . چونکه غرمای صحتک حق استیفاسی تعلق ایتمش اولان ماله دائر اقرار مریضده ابطال حق ملحوظ اولغله اقرارمذکور آنلرک حقنده معتبر اوله ماز .

مسئله ۹ — اوچنجی مرتبهده تنفیذ وصایا اولنور . شویله که : متوفی تجهیز و تکفینه محتاج همده مدیون اولدیغی تقدیرده ترکه سندن مصارف تجهیزیه و مقدار دیون اقرار اولند . قدن صکره باقینک ثلثدن ، وکندی مالیه تجهیزه لزوم اولمادیغی و دینی ده بولمادیغی حالده جمیع مالک ثلثدن و وارثی بولمادیغی یا خود بولنوبده زیاده علی الثلث قیلندن اولان وصیته بعد الوفات اجازت ویردیکی صورتده جمیع اموالک نفسندن واجبات ویا تبرعات نوعندن کرک ( علی الاطلاق ترکه نک ثلث ویا ربغی وصیتدن عبارت ) مطلقه و کرک ( عیناً برمالی مثلاً البسه ویا خانه کبی معین برشیئک تمامنی یا خود موجود اچمه سنک ثلثی



وصیتدن عبارت ( معینه اولان وصالای مشروعه سی وصی معرّه  
فتیله الایهم فالایهم قاعده سیله انفاذ ایدیلور . انحق وصیت  
مطلقه نك تنفیذی وصیت مذکوره یه کفایت ایده جك مقدار  
مالك ترکدن افرازیله همان موصی لهه تسلیم ویا وجوه خیره  
صرف اولمسندن عبارت دکلدر . بلکه اومقدار مال بین الورثه  
تقسیمدن خارج براقلمق اقتضا ایدر . یعنی نقود موجوددنك  
مثلا ثلثی افراز اولندقدن صکره دیونی تحصیل اولندقچه ،  
حاصلات طویلاندقچه وصیت مطلقه ایچون دخی حصه آریلور .  
تقریر — وصیت مطلقه ده بین الفقها اختلاف جاریدر .  
شویله که : وصیت مذکوره ده موصی به ترکه نك ازدیادی ایله  
مزداد ونقصانی ایله متنقص اولدیغی جهتله حصه شایعه اولمسنه  
نظر ایدنلر موصی لهی وارثلره تقدیم ایتیموب آنلره شریك  
قیلارلر ؛ تقسیم میراثك موصی بهی اخراجدن صکره اولمسنه  
ذاهب اولانلر مزبور ی تقسیم ایدرلر . شو خلافاك ثمره سی  
مسئل اولیعه ده ظاهر اولور . چونکه تقدیمه ذاهب اولانلره  
کوره عول یا لکیز ورثه نك سهامنده ، شیوعه نظر ایدنلره کوره  
مجموع سهامنده اعتبار اولنور . مثلا زوجی ایله ایکی شقیقه سنی  
ترك ایدن متوفات ثلث اموالی برکیمسه یه وصیت ایتمش اولورسه  
وصیت تقدیم اولندیغی تقدیرده ثلث مذکور اولجه اخراج  
اولنوب بعده باقی قالان اموال زوجیه نصف ، شقیقه لره ثلثان  
اولاق اوزره تقسیم اولنه جعندن (۶) عددندن اولان مخرج  
مسئله (۷) یه عول ایدر ك دردی همشیره لرینه ، اوچی زوجنه  
ویریلور .

اما موصی له وارثلره شريك قيلندقدده مسئلهده ثلث، ثلثان، نصف اجتماع ایده جکشدن مجموع سهام (۹) ه عول ایدرک موصی لهه طقوز سهمدن ایکی سهم ویرمک اقتضا ایدر که بوصورتده ضربورک حصهسی ترکهک تاشندن اقل اولور. [فقط صحیح اولان قول اولدر]

مسئله ۱۰ — حقوق ثلاثه سابقه بولندیقی تقدیرده وراثت مرتبه رابعیه قالور، ایمدی وارث زوج ایله زوجهنک غیرى اولوبده یالکز رشخصدن عبارت ایسه تقسیم ترکهیه لزوم یوقدر. بده مال موروث کاملاً وارثک اولور. تعدد وارث صورتنده تقسیم ترکهیه ایشدار اولنور. شویله که وارثلر ترتیب آتی اوزره وراثته کسب استحقاق ایدرلر :

بیرجی صنف — اصحاب فرائضدر که نص قاطع و اجماع امتیه بونلرک هر برینه ثلث ویا ربع ویا نصف کی بر سهم معین تخصیص بیورلشددر. اول بونلرک سهملری افراز اولنور.

ایکجی صنف — عصبه عنواننه داخل اولان کیمسهلردر. بونلر قروض مقدوره اصحابندن قالان مالی اخذ ایدن و آنلردن کیمسه بولندیقی تقدیرده ترکهکی تماماً احرار ایدنلردر که آتیده هر تبهلری تفصیل اولنه جقدر.

سیمی — عصبه عنواننده مولی العتاقه دخی داخلدر چونکه مولی العتاقهیه عصبه سبیه اطلاق اولنور. فقط عصبه نسبهک ایلروده بیان اولنه جق انواع ثلاثه سنک هر بری مولی العتاقهیه تقدم ایدر.



اوپۇنى صنف — مولى العتاقەنك ذكوردن اولان عصبه سيدر . چونكه متوفى صكرەدن كسب حریت ايدوب كندى عصبهسى بولمىدىغى حالدە وراثت حقى مولى العتاقەنك عصبهسنە انتقال ايدر .

دررنجى صنف — نسب جەتتيلە متوفايە تعلقى بولنان اصحاب فرائضدن اولان كيمسەلردىر بولنلرە حصە مقدردەلرى نسبىتدە باقىدن دخى رد اولنور . [ بوكا ( ردعلى ذوى الفروض النسبيه ) تعبير اولنور ]

ايمدى متوفانك عصبه قىيلىندن وارثى بولمىنچە مال باقى دخى اصحاب فرائضدن زوج ايله زوجەنك غىرىسنە حصەلرىنە كورە توزيع اولنور . بناءً عليه ذوى الارحام بوصورتدە وارث اولەمازلر .

بشجى صنف — ذوى الارحامدر كە كندىلرى عصبه صنفنە داخل اولمىدقلىرى كىي سەم مەينلرى دە اولميان اقرباء سائرەدن عبارتدر . ايمدى متوفانك آتيدە بيان اولنان هر درلو عصبەسندن وسەم مفروضە صاحبلرى اولان اقرباسندن كيمسە بولمىدىغى تقدىردە ذوى الارحامى ايچندە قوت قرابتلە ترجيح اولنان كيمسەلر وراثتە كسب استحقاق ايدرلر . بو تقدىردە زوج ويا زوجە بولنەر ق سەم مفروضنى آلىرسە باقىي ، واكر مزبورلر دخى بولنارسە مال متروكك جملەسى ذوى الارحامدن اك يقين بولنان شخص ويا اشخاصك اخذ ايتمىي تەين ايدر .

شرح — ذوى الارحامك ايلرودە عصبە حقندە بيان ايدەجكمز درت مرتبە اوزرىنە مرتب اولمىلرىنە مبنى فرعك

اصلہ و جزء اب تعیر اولئسان اخوہنك جزء جد تعیر اولئسان  
عمجہلرہ تقدیمی لازم کلیر . بناءً علیہ اولاد بنات و اولاد بنات  
ابن جد فاسد و جدہ فاسدہدن اقدم اعتبار اولنور . كذلك  
اولاد اخوات ایلہ بنات اخوہ دخی خال و خالہلردن و عم لام  
ایلہ عمہلردن اقرب عد ایدیلورلر .

آلتنجی صنف — مولای موالا تدرکہ ماسبقہده تعریف  
اولئمشددر .

یہرچی صنف — مولای موالا تک عصبہ سیدر .

سکزی صنف — مقرر له بالنسب . علی الغیر یعنی متوفانك  
اقراریلہ حقنہده ثبوت نسب لازم کلین بر شخص اوزرینہ نسبی  
حمل و اثبات اولئسان کیمسہدرہ ایمدی قریب و بعید وارثی بولنمیان  
کیمسہ ولو مرض موتئده « فلان کیمسہ بنم برادریم و یا عموجہ مدر »  
دیہ اقرار ایتسہ اشبو اقرارده پدری و یا جدی اوزرینہ حمل  
نسب بولنمغلہ کرچہ اثبات نسبدہ کافی کورلمیورسہده مقرارہ اولان  
کیمسہنك مقرر مزبورہ وارث اولمسندہ معتبردر . بناءً علیہ مقرر  
اقرار مزبوردن رجوع ایتیمہرك وفات ایدرسہ اقراری وصیت  
مقامنہ قائم اولور . وارث معروفی بولنمیان کیمسہ ایسہ جمیع  
اموالی بیلہ دیلہ دیکنہ وصیت ایدہ بیلور .

مسئلہ ۱۱ — وراثت و وصیت کی اسباب استحقاقدن  
بریسیلہ مستحق بولنمیان اموال متروکہ بیت المالہ وضع اولنور .

مسئلہ ۱۲ — اصحاب فرائض اون ایکی طاقم کیمسہلردر .  
آنلردن دردی صنف ذکوردن ، سکزی صنف اناندر .



ذکور دن اولانلر اب ، جد صحیح ، اخ لام ، برده زوج در  
انادن اولانلرده زوجه ، بنت ، بنت الابن ، اخت لابوین ،  
اخت لاب ، اخت لام ، ام ، جدہ صحیحہ در .

جد صحیح : جدی اولدیغی کیمسه یه نسبتنده قادین توسطی  
بولنمیان جدد در .

ابوالاب کی اما ابوالام جد فاسدد در .

جدہ صحیحہ : جدہ سی اولدیغی کیمسه یه نسبتنده جد فاسد  
کیرمین جدہ در که صنوف ثلاثه یی محتویدر .

( ۱ ) محض ذکور ت ایله اتصال ایدن جدہ در امالاب ،  
ام ابیالاب کی .

( ۲ ) محض انوئت ایله اتصالی اولان جدہ در امالام ،  
ام امالام کی .

( ۳ ) اتصالنده هم ارکک ، هم قادین بولسان جدہ در  
ام امالاب کی .

مسئله ۱۳ — اصحاب فرائضه تعیین اولسان سهملر آلتی  
عدد اولوب ایکی نوعه آیریلور :

{	نوع اول	نصف ، ربع ، ثمن
	نوع ثانی	ثلثان ، ثلث ، سدس

در

قاعده ۱ — هر هانکی مسئلهده سهام مذکور نك يانكز  
برسی بولنورسه اومسئله نك مخرجی سهم مذکورك اسمنه موافق  
اولور مثلا ربعك مخرجی اربعه ، ثمنك ثمانیه ، ثلثان وثلثك  
ثلاثه ، سدسك سته اولدیغی کی . نصفك مخرجی ایسه ایکی در .

قاعده ۲ — برنوعه منسوب اولان سهملر اجتماع ايتدکده  
اقلک مخرجی اخذ اولنور .

مثلاً ثلث وثلثان وسدس اجتماع ايتدکده مخرج مسئله (۶)  
اولور .

قاعده ۳ — نوع اولدن نصف نوع ثانی ايله کلاً ويا بعضاً  
اجتماع ايدرسه مخرج ۶ ، واکر ربع اجتماع ايدرسه ۱۲ ،  
واکر ثمن اجتماع ايدرسه مخرج ۲۴ اولور .

### فصل ثالث

احوال اربعین بياننده در

— اب —

مسئله ۱۴ — ابک اوچ حالی واردر .

برنجی مال — فرض مطلقدرکه متوفانک اوغلی ويا اوغلانک  
اوغلی وان سفل بولنديغی تقدیرده پدرک حالی بودر بوصورتده  
پدر یالکیز سهم معینی اولان سدسی آلیر

$$\begin{array}{r} \text{سدس} \\ \hline \text{قی} \\ \text{اب} \end{array} \quad \begin{array}{r} \text{مخرج مسئله} \\ \hline \text{ابن} \end{array}$$

$$\begin{array}{r} \text{سدس} \\ \hline \text{قی} \\ \text{اب} \end{array} \quad \begin{array}{r} \text{مخرج} \\ \hline \text{ابن الابن} \end{array}$$

ایکنجی مال — فرض مع التصیبدرکه متوفانک قیزی ويا  
اوغلانک قیزی بولنورسه پدرک حالی بودر بوتقدیرده ترکهک



سدسی پدره، نصفی قیزی نه ویاخود اوغلنك قیزی نه ویریله جکی  
کبی باقیسی ده عصوبتی حبسیله ینه پدره ویریلور .

۳	۱	۲
نصف	سدس مع الباقی	مخرج
بنت	اب	۶

۳	۲	۱
نصف	سدس مع الباقی	مخرج
بنت الابن	اب	۶

اورنجی مال : عصوبت محضه در که ولد، ولد الابن بولندی  
صورتده شو حالی حائز اولور بو تقدیرجه اصحاب فرائضدن  
زوج ویا زوجہ بولنه رق سهم معینی آلدقده اکر والدہ بولنورسه  
باقینك ثلثی مزبوره وثلثاتی پدر آلور واکر والدہ بولنمازسه  
باقینك جمله سنی پدر آلور .

۳	۱	۲
نصف	ثلث مابقی	قی
زوج	ام	اب
		مخرج ۶

۱	۱	۲
ربع	ثلث مابقی	قی
زوجه	ام	اب
		مخرج ۴

— جد صحیح —

مسئله ۱۵ — جد صحیحك ایکی حالی واردر .  
برنجی مال: پدر بولاندقده سقوطدر .

۱	ط	۵
سدس	جد	فی
اب		ابن
		مخرج ۶

ایکجی مال : پدر بولمندیخی صورتده پدر مقامنه قیامدر  
چونکہ جد صحیح احکام میراثده دوت صورتک ماعداسنده  
بلا فرق پدر حکمندهدر .

۳	۱	۲
نصف	سدس مع الباقی	مخرج
بنت	جد	۶

شرح — استثنا اولنان دوت صورت شونلردر :  
برجی صورت : ام الاب اب ایله ساقط اولوب جد ایله  
برابر وارثه اولور وسدس آلور .

۵	۱	
قی	سدس	ط
ابن	اب	ام الاب
۴	۱	
فی	سدس	سدس
ابن	جد	ام الاب
مخرج		
۶		

ایکجی صورت : ام ا کر اب ایله اجتماع ایدرسه احد  
زوجینک سهمندن باقینک ثلثی وا کر جد ایله اجتماع ایدرسه  
جميع مالک ثلثی آلور.

۳	۲	۱
نصف	ثث	قی
زوج	ام	جد
۳	۱	۲
نصف	ثلث مایبقی	فی
زوج	ام	اب
مخرج		
۶		

اوینجی صورت : لایوین اخوه و اخوات ، كذلك لآب



اخوه واخوات اب ايله بالاتفاق ساقط اولدقلرى حالدہ عندالامامین  
جد ايله ساقط اولمازلىر

دررنجی صورت: معتقك يعنى ولاى عتاقه صاحبك اوغليله  
پدری اجتماع ايتدکده امام ابی یوسف عندندہ پدری سدس آلہ بیلور  
اما اوغلی ايله جدی اجتماع ایدرسه جد بالاتفاق وارث اوله ماز .

— زوج —

مسئله ۱۶ زوجك ايكي حالى واردر .

برنجی مال: ولد ، ولد الابن وان سفل بولمديغی صورتده  
حقى نصف المقدر .

۱	۱
نصف	قى
زوج	اخ لهما
	مخرج ۲

ايكنجی مال : ولد ، ويا ولد الابن بولندقدہ ربع آلیر .

۱	۲
ربع	فى
زوج	ابن
	مخرج ۴

— زوجہ —

مسئله ۲۷ زوجہنك ايكي حالى واردر .

برنجی مال : ولد ويا ولد الابن بولنمازسه ربع آلور .

۱	۳
ربع	فى
زوجہ	اخ لآب
	مخرج ۴

ایکنجی مال : ولد ویا ولدالابن بولنورسه ثمن آلور .

۱ ثمن	۴ نصف	۳ قی	مخرج
زوجه	بنت	اخ لاب	۸

— بنت صلیه —

مسئله ۱۸ — بنت صلیه نك اوچ حالی واردر .

برنجی مالی — ابن بولندقدده صلیه برکشی ایسه نصف آلور

۱ نصف	۱ قی	مخرج
بنت	اخ لهما	۴
۱ ربع	۲ نصف	۱ قی
زوج	بنت	عم لهما
		مخرج ۲

ایکنجی مال — ینه بوصورتده یعنی ابن بولندقدده بردن  
زیاده اولورسه ثلثانده اشتراك ایدرلر .

۳ ثمن	۱۶ ثلثان	۵ قی	مخرج
زوجه	بنتین	عم لائب	۲۴
	ثلثان	فی	مخرج
	ثمان بنات	عم لائب	۳

اوینجی مال . — ابن بولندقدده آنکله عصوبت مشترکه

احراز ایدر یعنی بوصورتده بنت صلیه کرک بر و کرک بردن  
زیاده اولسون اولاد ذ کورایله بالاشتراك عصبه اولورلر بناء علیه  
اصحاب فرائضدن کیسه بولنورسه آنک سهمی افراز اولندقدن  
صکره باقی، اکر بولنمازسه جمع اموال مورثک اولادی بینند  
ثلث و ثلثان وجهله تقسیم اولور .



شوتقسیمك تعبير شرعیسی (لذکر مثل حظ الانثیین) نص  
جلیلندن اقتباس اولمشدر .

	۵×۷	۵×۱
	قی	نمن
مخرج	ثلث بنات	زوجه
۸	۳۵	
۵		
۴۰	۱۱	۱۴
	۱۸	۶
مخرج	تسع بنین	ست بنات
۲۴		

نمیه — عصبوبت مشترکه صورتنده مسئله اخیرهده اولدیغی  
کی اصحاب فرائضدن کیسه بولمینیجه مخرج مسئله عدد رؤسه تابع  
اولور فقط برارکک ایکی قادین صاییلور .

### — بنت الابن —

مسئله ۱۹ — بنت الابنك آلتی حالی واردر .  
برنجی حال : واحد ایسه سهمی نصفدر .

	۱	۱
	فی	نصف
مخرج	اخ لاب	بنت الابن
۲		

ایکنجی حال : بردن زیاده ایسه سهم مشترکاری ثلثاندر  
فقط بوصورتده ابن صلیبنك و بنت صلیبهك بولنماسی شرطدر .

	۳×۱	۳×۲
	قی	ثلثان
مخرج	اخ لهما	ثلاث بنات الابن
۳	۳	۶
۳		۶
۹		

اوپنجی مال : صلیہ واحدہ ایلہ برابر بولندقدہ سدس آلور  
ولو بقت الابن بردن زیادہ اولسون .

شرح — بنت الابنك شو اوچنچی حاله ( تكملة الثلثین )  
تعبیر اولنور زیرا صلیہ واحدہ نك نصفدن عبارت اولان سہمی  
اشبو سدس ایلہ برابر تركہنك ثلثانی دیمك اولور .

مخرج	۱	۱	۱	۳
	سدس مع الباقي	سدس	سدس	نصف
۶	جد	بنت الابن	بنت	بنت
مخرج	۴+۱	۴+۱	۴+۱	۴+۳
	سدس مع الباقي	سدس	سدس	نصف
۶	اب	اربع بنات الابن	بنت	بنت
$\frac{۴}{۲۶}$	۸	$\frac{۴}{۶}$	۱۲	۱۲

در دجی مال : بردن زیادہ صلیہ ایلہ اجتماع وقوعندہ  
اگر بنت الابنك حذا سنده ویا مادوننده ابن الابن بولنمیه جق  
اولور سہ عدم وراثتدر زیرا حق بنات تمام اولور . یعنی ثلثانی  
بنات صلیہ آلور لر بنت الابنہ برشی قالمیور .

مخرج	۱	ط	۲
	قی	بنت الابن	ثلثان
۳	عم لهما	بنت	بنتین
مخرج	۵	۱۶	۳
	فی	ثلثان	ثمن
۳۴	اخ لائب	بنتین	زوجه



بشېنى مال — اجتماع مذکور وقوعنده اكر ابنيهك  
حذاسنده ويا مادوننده ابن الابن بولنورسه عصوبت مشتركه دره.

	۳×۱	۲+۲
	فی	ثلثان
مخرج	ابن الابن	بنت الابن
۳	۳	۶
۳	۲	۳
۹	۳×۱	۳+۳
	فی	ثلثان
مخرج	ابن الابن	بنت الابن
۳	۳	۶
۳	۲	۳
۹		

آلتنجى مال — ابن صلبى ايله سقوطدره . يعنى مورثك بر  
صلبى اوغلى بر حیات بولنورسه اولاد الابن ايچلرنده ذكوردخى  
بولنسه جمله وراثتدن ساقط اولورلر .

	۷	۱
	قى	ثمان
مخرج	ابن	بنت الابن
۸	۵	۱
	قى	ط
مخرج	ابن	بنت الابن
۶	۶	۱

ايضاح مقام : بردن زياده اولان بناتك حقي ثلثاندره .  
بناء عليه صلبيه يالكز بر كشي اولورسه بنت الابن ميراثه كيرو .  
ايمدى صلبيه واحده ايله اجتماع ايدن بنت الابن بوصورته  
سدس آلوركه اقربيتته مبنى صلبيهك آله جنى سهمله بوسدس  
حق بنات اولان ثلثانى اكمال ايتمش اولور .

بو صورتده بنت الابن بردن زیاده اولورسه سهملریینه  
 سدس اولوب بیلرنده بالتساوی تقسیم ایدیلور .  
 صلیبه بولمادیغی تقدیرده اگر بنت الابن متعدد و غیر متحاذی  
 برقاج کشیدن عبارت بولورسه مرتبه علمیه بولنان اقریتنه مبنی  
 نصف، سفلا ده کی ولو متحاذیه اوله رق بردن زیاده اولسون سدس آلور .  
 صلیبه بردن زیاده اولدقده ثلثانی تماماً آنلر آله جقلرینه  
 مبنی بنت الابن ایچون حق بناتدن برشی قالمیور .  
 برصاییه ایله علیا یا خود ولو بر مرتبه ده اولیه رق متعدد علیا  
 بولنه جق اولورسه سفلائك حالی بویله در یعنی سقوط ایدر چونکه  
 بالاده کوسترلدیکی اوزره بو صورتده صلیبه نصف ، علیا سدس  
 یا خود علیا نصف ، وسطی سدس آلوب سفلا یه برشی بر اقیورلر .  
 بو صورتلرک کافه سنده بنت الابنك حذا سنده یا خود دها  
 اشاغی مرتبه ده ابن الابن بولنماق معتبردر اما بویله بر ابن الابن  
 بولنه جق اولورسه کرک مزبور نک مثلاً قرداشی اوله رق بر حذاده  
 و کرک برادر زاده سی اوله رق بر مرتبه اشاغیده بولسون ثلثان  
 باقی سنده تعصیب ایدرک بالاشترک وارثه اولسنه مدار اولور .  
 غیبیه — محاذی اولان ابن الابن صاحبه فرض بولنان بنت الابنی ده  
 تعصیب ایدر فقط سافل بویله اولیوب بلکه بو حالده بنت الابن  
 سهم معینی اولان سدسی ، ابن الابن ده باقی پی آلور .

مخرج	۱ × ۲	قی	۱ × ۲
۲	۱	۱	۱
۳	۲	۲	۲
۶	۳	۳	۳
مخرج	۱	۲	۳
۱	۱	۲	۳
۲	۲	۳	۴
۳	۳	۴	۵
۴	۴	۵	۶
۵	۵	۶	۷
۶	۶	۷	۸
۷	۷	۸	۹
۸	۸	۹	۱۰
۹	۹	۱۰	۱۱
۱۰	۱۰	۱۱	۱۲
۱۱	۱۱	۱۲	۱۳
۱۲	۱۲	۱۳	۱۴
۱۳	۱۳	۱۴	۱۵
۱۴	۱۴	۱۵	۱۶
۱۵	۱۵	۱۶	۱۷
۱۶	۱۶	۱۷	۱۸
۱۷	۱۷	۱۸	۱۹
۱۸	۱۸	۱۹	۲۰
۱۹	۱۹	۲۰	۲۱
۲۰	۲۰	۲۱	۲۲
۲۱	۲۱	۲۲	۲۳
۲۲	۲۲	۲۳	۲۴
۲۳	۲۳	۲۴	۲۵
۲۴	۲۴	۲۵	۲۶
۲۵	۲۵	۲۶	۲۷
۲۶	۲۶	۲۷	۲۸
۲۷	۲۷	۲۸	۲۹
۲۸	۲۸	۲۹	۳۰
۲۹	۲۹	۳۰	۳۱
۳۰	۳۰	۳۱	۳۲
۳۱	۳۱	۳۲	۳۳
۳۲	۳۲	۳۳	۳۴
۳۳	۳۳	۳۴	۳۵
۳۴	۳۴	۳۵	۳۶
۳۵	۳۵	۳۶	۳۷
۳۶	۳۶	۳۷	۳۸
۳۷	۳۷	۳۸	۳۹
۳۸	۳۸	۳۹	۴۰
۳۹	۳۹	۴۰	۴۱
۴۰	۴۰	۴۱	۴۲
۴۱	۴۱	۴۲	۴۳
۴۲	۴۲	۴۳	۴۴
۴۳	۴۳	۴۴	۴۵
۴۴	۴۴	۴۵	۴۶
۴۵	۴۵	۴۶	۴۷
۴۶	۴۶	۴۷	۴۸
۴۷	۴۷	۴۸	۴۹
۴۸	۴۸	۴۹	۵۰
۴۹	۴۹	۵۰	۵۱
۵۰	۵۰	۵۱	۵۲
۵۱	۵۱	۵۲	۵۳
۵۲	۵۲	۵۳	۵۴
۵۳	۵۳	۵۴	۵۵
۵۴	۵۴	۵۵	۵۶
۵۵	۵۵	۵۶	۵۷
۵۶	۵۶	۵۷	۵۸
۵۷	۵۷	۵۸	۵۹
۵۸	۵۸	۵۹	۶۰
۵۹	۵۹	۶۰	۶۱
۶۰	۶۰	۶۱	۶۲
۶۱	۶۱	۶۲	۶۳
۶۲	۶۲	۶۳	۶۴
۶۳	۶۳	۶۴	۶۵
۶۴	۶۴	۶۵	۶۶
۶۵	۶۵	۶۶	۶۷
۶۶	۶۶	۶۷	۶۸
۶۷	۶۷	۶۸	۶۹
۶۸	۶۸	۶۹	۷۰
۶۹	۶۹	۷۰	۷۱
۷۰	۷۰	۷۱	۷۲
۷۱	۷۱	۷۲	۷۳
۷۲	۷۲	۷۳	۷۴
۷۳	۷۳	۷۴	۷۵
۷۴	۷۴	۷۵	۷۶
۷۵	۷۵	۷۶	۷۷
۷۶	۷۶	۷۷	۷۸
۷۷	۷۷	۷۸	۷۹
۷۸	۷۸	۷۹	۸۰
۷۹	۷۹	۸۰	۸۱
۸۰	۸۰	۸۱	۸۲
۸۱	۸۱	۸۲	۸۳
۸۲	۸۲	۸۳	۸۴
۸۳	۸۳	۸۴	۸۵
۸۴	۸۴	۸۵	۸۶
۸۵	۸۵	۸۶	۸۷
۸۶	۸۶	۸۷	۸۸
۸۷	۸۷	۸۸	۸۹
۸۸	۸۸	۸۹	۹۰
۸۹	۸۹	۹۰	۹۱
۹۰	۹۰	۹۱	۹۲
۹۱	۹۱	۹۲	۹۳
۹۲	۹۲	۹۳	۹۴
۹۳	۹۳	۹۴	۹۵
۹۴	۹۴	۹۵	۹۶
۹۵	۹۵	۹۶	۹۷
۹۶	۹۶	۹۷	۹۸
۹۷	۹۷	۹۸	۹۹
۹۸	۹۸	۹۹	۱۰۰



نمیید دیگر — بنت الابن ابن ایلہ ہر حالہ ساقط اولدینی  
کی کندیسندن بر مرتبه یوقاری اولان ابن الابن ایلہده ساقط  
اولور .

— اولاد رام —

مسند ۲۰ — اولادامک اوچ حالی واردر .  
برنجی مال : کرک اخ لائم و کرک اخت لائم برکشی ایسه  
سدس آلور .

۵	۱
فی	سدس
اخ لهما	اخ لائم
مخرج	
۶	

ایکمی مال : ایکی ویا خود دهازیاده اولورسه ثلثه اشتراک  
ایدرلر یعنی ترکهنک ثلثی مزبورلرک ذکور واناتی بیننده  
بالسویه تقسیم اولنور .

۲×۲	۲×۱
فی	ثلث
مخرج	اخ لائم
۲	اخت لاب اخ لائب
۲/۶	۴ ۱ ۲ ۱

اورنجی مال : ولد ، ولد الابن و ابن سفل ، كذلك اب ، جد  
ایله سقوط ایدرلر .

ط	ط
المال كله لهما مرضاً ورداً	
اخ لائم	اخت لائم بنت
ط	ط
المال كله	
اخ لائم	اخت لائم
اب	

— اخت لا بوييه —

مسئله ۲۱ — اخت لا بويينك بش حالى واردر .

برنجى مال : كنديسى اسقاط ايده جك كيمسه بولنمازسه  
واحدويه نصف وبريلور .

۱	۱
نصف	فى
اخت لهما	عم لاءب
	مخرج ۲

ايكنجى مال : بردن زياده اولورسه ثلثان ويريلور .

۳×۲	۳×۱
ثلثان	فى
ثلث اخوات لهما	عم لهما
۶	۳
	مخرج ۲
	۳
	۹

اويكنجى مال : اخ لهما ايله اجتماع وقوعبولورسه بالاشتراك  
عصبه اولورلر .

۳×۱	۳×۱
نصف	قى
زوج	اخت لهما
۳	۳
	۱
	۲
	مخرج ۲
	۳
	۶

دررنجى مال : بنت ويا بنت الابن ايله اجتماع ايدرسه عصوبت  
محضه احراز ايدر يعنى بوصورته كنديسندن اقرب عصبه  
بولنمازسه اصحاب فرائضدن قالان مالى آلور .



$3 \times 1$ قی		$2 \times 1$ نصف
ثلاث اخوات لهما		بنت الابن
۳		۳
مخرج	$2 \times 1$ قی	$2 \times 3$ ربع
۲	اختین لهما	زوج
۳	۲	۶
$\frac{3}{6}$	$\frac{2}{6}$	
	$2 \times 8$ ثلثان	$2 \times 3$ ربع
مخرج	اختین لهما	زوج
۱۲	۲	۶
$\frac{2}{24}$	$\frac{2}{6}$	
		$\frac{16}{8}$

بشجی مال : ابن ، ابن الابن ، اب ، جد ایله سقوط ایدر  
یعنی بوتقدیرجه اخ لهما ایله اجتماع دخی وقوعبولسه وارث  
اوله مازلر .

۷ فی	ط	ط	۱ ثمن
مخرج	اخت لهما	اخ لهما	زوجه
۸	ابن الابن		

### — اخت لآب —

مسئله ۲۲ اخت لآبک یدی حالی واردر .

برنجی وایکنجی مال : مورثک ولد ، ولد الابن ، اب و جدی  
بولندیکی لابوین قرداشاری ده بولنمیه جق اولورسه واحدهیه  
نصف ، اکثره ثلثان ویریلور .

۱ قی	۲ نصف	۱ ربع
مخرج	عم لآب	زوجه
۴		
مخرج	۳ نصف	۴ ثلثان
۶		
۷ عولیه	اربعاخوات لآب زوج	ابن اخ لهما

اوینجی مال : — یالکیز براخت لابوین ایله اجتماع ایدرسه  
تکمله الثلین اولق اوزره سدس آلور

۳ نصف	۱ سدس	ط	۲ قی	مخرج
اختلها	اختلاب	ابن اختلها	ابن الاخلاب	۶

در دجی مال . — اختلابوین بردن زیاده اولوبده اخلاب  
بولمازسه عدم ارثدر .

۳×۲ ثلثان	ط	۳×۱ قی	مخرج
۳	۲	۱	۶
ثلثاخوانها	اختلاب	ابن اخلها	

بشخی مال : — صورت مذکورده اخلاب ایله اجتماع  
ایدرسه باقیده عصوبت مشترکه قازانیر

۴×۲ ثلثان	۴×۱ قی	مخرج
۴	۱	۳
اربع اخوات هما	اختینلاب	اخلاب
۸	۲	۴
۱۲		

۳×۱ قی	۳×۳ ربع	۳×۱ ثلثان	مخرج
۳	۳	۱	۱۲
اختلاب	زوجه	اختینلها	
۲	۹	۲۴	۲
		۱۲	۳۶

النسبی مال : بنت ویا بنت الابن ایله اجتماع ایدرسه عصوبت  
محضه احراز ایدر .

۳ نصف	۱ سدس	۲ قی	مخرج
بنت	بنت الابن	اختلاب	۶



یہ نجی مال: ابن ، ابن الابن ، اب ، جدك بریلہ واخ لهما  
ایلہ ، كذلك بنت ویا بنت الابن ایلہ اجتماع ایدن اخت لهما ایلہ  
کلیاً ساقط اولور .

ط	ط	الماں کلہلہ
اخت لهما	اخت لاب	ابن الابن
ط	ط	الماں کلہلہ
اخ لاب	اخت لاب	اخ لهما
ط	نصف	قی
اخت لاب	بنت الابن	اخت لهما

مخرج  
۲

ایضاح مقام : علی الاطلاق اخواتك حق ثلثان اولوب  
بناءً علیہ اخت لهما ایلہ اجتماع ایدن اخت لاب حق مذکور  
اکمال ایچون سدس آلور . چونکہ قوت قرابتہ مبنی اخت  
لهما نصف آلینجه حق اخوات اولان ثلثاندن سدس قالیور  
بو صورتده اخت لاب بردن زیاده بولنورسه سدسده اشتراك  
ایدرلر .

اخت لهما بردن زیاده اولوب ثلثانی تماماً آلینجه اخت  
لابہ برشی قالمیور فقط بوجالده اخ لاب بولنوب مزبورہ بی باقیده  
تعصیب ایدرسہ بالاشتراك آنی یعنی باقی بی آلورلر . آنجق بو  
صورتده بنت ویابنت الابن بولنماق شرطدر . زیرا بولنلرک بری  
بولنورده اخت لهما بی تعصیب ایدہ جک اولورسه اخت لهما  
اخت لابہ تقدم ایتسنہ مبنی اخت لاب ساقط اولور .

اخت لهما بولنمیه جق اولورسه بنت وبنت الابن اخت لاب  
تعصیب ایدہ رک باقیدن حصہ آلمسنہ صلاحیت قازاندر .

تنبیه — شو ایکی تعصیب بیتنده فرق واردر . شویله که  
 اخلابك تعصیبي اخت لابلك حق ارثی بولمق حالنه مخصوص  
 اولیوب اختین لهما ایله سقوطی حالنده دخی مزبورہ یی تعصیب  
 ایدہرك قازانديرہ بیلور بنت ایله بنت الابنك تعصیبي ایسه عدم  
 سقوط حالنه مخصوصدر .

— ام —

مسئله ۲۳ امك اوج حالی واردر

برنجی مال : ولد ، یاخود ولدالابن وازسفل ، یاخود علی  
 الاطلاق اخوه و اخواتدن ایکی ویادها زیاده کیسه بولندقدہ  
 سدس آلور .

۵	۱	
قی	سدس	
مخرج ۶	ام	
۵	۱	
قی	سدس	
مخرج ۶	ام	
۲	۳	۱
قی	نصف	سدس
مخرج ۶	بنت الابن	ام
۳	۲	۱
قی	ثلث	سدس
مخرج ۶	اخوین لام	ام
۵	ط	۱
قی		سدس
مخرج ۶	اختین لهما	ام
۵	ط	۱
قی		سدس
مخرج ۶	اخ لهما	ام



۴	۱	۱
قی	سدس	سدس
مخرج ۶	اخ لام	ام
لعدم الباقی	۲	۳
قی: ۰	ثلث	نصف
مخرج ۶	ثلاثة اخوه لام	زوج
	اخوين لهما	ام

ایکنجی مال: مذکورینک عدم وجود لری تقدیرنده اب ایله برابر احد زوجین بولنورسه ثلث مایبقی آور .

۲	۱	۳
قی	ثلث مایبقی	نصف
مخرج ۶	ام	زوج
۲	۱	۱
قی	ثلث مایبقی	ربع
مخرج ۶	ام	زوجه

اوینجی مال: تقدیر مذکورده زوج وزوجه بولنمازسه [ولو اب بولنسه، یاخود احد زوجین ایله برابر جد بولنسه] ثلث کل آور .

۱	۲	۱
قی	ثلث	نصف
مخرج ۶	ام	اختلاب
عم لاب		
۲	۱	۱
قی	ثلث	ثلث
مخرج ۳	اح لهما	ام
۲	۱	ط
قی	ثلث	
مخرج ۲	ام	اخ لهما
اب		
۱	۲	۳
قی	ثلث	نصف
مخرج ۶	ام	زوج
جد		

— جده صحیحہ —

مسئلہ ۲۴ — جده صحیحہ نک آلتی حالی واردر .

برنجی مال : جده کړک لاب وکړک لام اولسون برکشی  
یاخود درجہ قرابتده متساویه اوله رق دها زیاده اولسه سدس  
لور .

مخرج	۷ قی	۳ ربع	۲ سدس
۱۲	اخ لهما	زوجه	ام الاب
۲×۵	قی	۲×۱	سدس
مخرج	قی	ام ب الاب	ام ام الام
۶	عم لهما	۲	۱
۲	۱۰	۱	۱
۱۲			

ایکنجی مال : جده صحیحہ علی الاطلاق ام ایله ساقط اولور .

مخرج	۳ قی	۲ ثلث	ط	۱ سدس
۶	اخ لاب	اخوین لام	ام الاب	ام

اوینجی مال : جده اگر ابویه اولور سه اب ایله ده ساقط  
اولور اما ام الام وان علت اب ایله ساقط اولماز .

مخرج	۵ قی	ط	۱ سدس
۶	اب	ام الاب	ام الام

مخرج	۲ سدس مع الباقي	ط	۳ نصف
۶	اب	ام الاب	بنت



در دنجی مال: جدۀ ابویه اکر بابانك باباسی جهتدن اولورسه  
جد صحیح ایله ده ساقط اولور. ام اب الاب، ام ام اب الاب کبی.  
اما بابانك اناسی جهتدن اولورسه جد ایله ساقط اولماز.  
ام ام الاب، ام ام ام الاب کبی.

ط	سدس	ط	ط	قی	مخرج
ام اب الاب	ام ام الاب	اخت لام	اخ لام	جد	۶


بشنجی مال: جدۀ قریبه برمانعدن طولایی وارثه اولمسه دخی  
جدۀ بعیده بی اسقاط ایدر.

ط	ط	المال کله
ام ام الاب	ام الاب	اب


التنجی مال: قرابت واحده صاحبه سی بولنان جدۀ ایله  
قرابتین صاحبه سی بولنان جدۀ اجتماع ایتد کده سهملری اولان  
سدس مشترک بینهماده باعتبار الجهات یعنی اثلاثاً تقسیم اولنور.

تنیه — شو وجهله تقسیم اولنمق امام محمد حضر تلرینك  
قولیدر. فقط بومسئله ده راجح ومفتی به اولان جهت قرابتك  
تعددینه اعتبار ایدلمیوب بحسب الابدان مساوات اوزره تقسیم  
اولنمقدر که امام ابویوسف حضر تلری بوکا ذاهب اولمشدر:

امام ابو یوسف حضرت تارینه کوره تقسیم :



امام محمد حضرت تارینه کوره تقسیم :



## فصل رابع

عصبه نك وراثت بابتده کی ترتیلری بیاننده در

مسئله ۲۵ عصبه ایکی قسمدر . برنجیسی عصبه سبیه ،  
ایکنجیسی عصبه سبیه در . عصبه سبیه بالاده بیان اولندیغی  
اوزره ولای عتاقه صاحبیدر .



عصبه نسبيه اوچ نوعدر. برنجیسی عصبه بنفسه، ایکنجیسی عصبه بغیرها، اوچنجیسی عصبه مع غیرها در.

مسئله ۲۶ : عصبه بنفسه متوفایه نسبت و اتصالی یالکز قالدین واسطه سیله اولیان ذکوردر. کرک نسبت مذکورده اصلاً واسطه بولمسون اب، ابن کی؛ کرک واسطه بولنوبده یالکز ارککدن یاخود هم قالدین وهم ارککدن عبارت اولسون لائب یاخود لائبون اخ کی.

اما یالکز قالدین واسطه سیله اتصالی بولنسان کیمسه لر کرک ذکور و کرک انات صنفندن اولسون عصبه بنفسه اوله مازلر. بلکه یا اصحاب فرائضدن اولورلر اولاد ام کی یاخود ذوی الارحامدن اولورلر ابوالام، ابن البنت کی.

کذلک انات صنفندن اولان کیمسه نك اتصالنده شخص دیگر توسطی بولمسه دخی عصبه بنفسه اوله ماز. ام، بنت کی.

مسئله ۲۷ : عصبه بنفسه درت صنفدرکه متوفانك جزئی، اصلی، پدرینك جزئی، جدینك جزئی عد اولنان اشخاصدر. یعنی عصبوبت مذکورهنك اسبابی بنوت، ابوت، اخوت، عمومتمدن عبارت اولوب میراثده جهت قرابتك قوتنه نظر اولندیغندن صنوف اربعه مذکورده شو منوال اوزره ترتیب ایدلش وجهت واحدهنك بر قاق فردی بولندقدده اولا قرب درجه، ثانیاً قوت قرابت مدار رجحان قیلنمشدر.

بناءً علیه ابن ایله ابن الابن اجتماع ایدنجه اب ترجیح اولنور. کذلک اخ لائبون ایله اخ لاب اجتماع ایتدکده اخ لائبون تقدیم قیلنور.

والحاصل صنف اول که ابن صلی، ابن الابن (وان سفل) دن عبارتدر سائر صنفلرک جمیع افرادینه تقدم ایدر واصحاب فرائضدن کیمسه بولندقدده مال متروکک جمله سنی آلور .

صنف ثانی که متوفانک اصولی اولان اب وجدلردن عبارتدر ایمدی اکر ابن و ابن الابن صنفندن وارث بولنمازسه اصحاب فرائضدن قالان مالی الاقرب فالاقرب قاعده سنجه بونلر آلور . اما صنف اولدن بر وارث بولنورسه صنف ثانی یالکز سهم معینی اولان سدسی آلور .

صنف ثالث که جزء ابدر اخ لابوین ، اخ لاب ، ابن الاخ لابوین ، ابن الاخ لاب وان سفل دن عبارتدر . متوفانک اب وجدی بولنمیه جق اولورسه عصبوبتلری حسیله بونلر وارث اولور .

۳ نصف	۱ سدس	۲ فی	مخرج
بنت	ام	ابن الاخ لهما	۶

۲ نصف	۱ سدس	۲ فی	مخرج
بنت الابن	جده	ابن الاخ لاب	۶

صنف رابع که جزء جدر بونلردن عبارتدر :

عم لابوین ، عم لاب ، ابن العم لابوین ، ابن العم لاب  
عم الاب لابوین ، عم الاب لاب ، ابن عم الاب لابوین ، ابن عم الاب لاب  
عم الجدل لابوین ، عم الجدل لاب ، ابن عم الجدل لابوین ، ابن عم الجدل لابدر




مخرج ۱۲	۷ فی عم لهما	۲ سدس اخت لام	۳ ربع زوجه
مخرج ۲	۸ قی ابن العم لاب	ط عم الاب لهما	۱ نصف بنت

مسئله ۲۸ — عصبه بغیرها نسادن درت طاقم کیمسه لر در که  
بولر برکشی اولدقده نصف و بردن زیاده اولدقده ثلثان آلمغه  
استحقاقی بولنان قادینلر در ،


بنات و بنات الابن، اخوات لهما ایله اخوات لابدن عبارتدر.  
ایمدی مذکور اتدن هر هانکی صنف کندی ارقرنداشیله  
اجتماع ایدرسه آنکله برابر عصبه اولور یعنی بو صورتده  
عصوبت مشترکه احراز ایدوب باقی قالان هر نه ایسه بینلرنده  
ثلث و ثلثان صورتیله تقسیم ایدیلور.

کذلك بنت الابن ابن عم و ابن اخ و ابن ابن عم ایله  
اجتماع صورتنده دخی بالاشتراك عصوبت احراز ایدر .


اخ و اخت مسئله سی :



# ابن عم و بنت عم مسئله سی :




# ابن الاخ و عمه مسئله سی :






# ابن ابن العم و بنت عم الاب مسئله سی :



نیم — اشبو صورتلرک هر برنده اصحاب فرائضدن برشی  
آرتمازسه معصب و معصبهک ایکسی ده ساقط اولور .



نیم دیگر — اصحاب فرائضدن اولیان برقادین عصبه بنقسه  
اولان قرداشیله اجتماع ایله کده عصبه بغیرها اوله ماز مثلامتوفانک  
عم لهماسیله عمه لهماسی اجتماع ایلسه مالک جمله سی عم لهمانک  
اولور [ بنت الابن ایله ابن الابنه قیاس ایدلر ]

ابن عم ايله بنت عم ، ابن اخ لائب ايله بنت اخ لائب اجتماع  
ايتدکده ينه بويله در يعنى بوصورتلرده دخى قادين وارنه اوله ماز

مسئله ۲۹ : عصبه مع غيرها برقادين ايله اجتماع حالنده  
عصوبت احراز ايلين قادينلردر که بونلر بنت صلييه ويا بنت الابن  
ايله اجتماع ايدن اخت لابوين واخت لابدن عبارتدر . معلوم  
اولديغى اوزره مزبورلر بوصورته عصوبت محضه احراز  
ايدرلر بناء عليه اکر کنديلرينى حجب واسقاط ايديجى کيمسه لر  
بولمازده اصحاب فرائضدن برشى آرتارسه آنى آلورلر .

تثنيه — عصبه بغيرها ايله عصبه مع غيرهانك هر بوى عصوبته  
شخص آخرك وجودينه محتاجدر آنجق نوع اولده عصوبت  
شخص معصب ايله مشترك اولوب نوع ثانیده ايسه مدار عصوبت  
اولان شخصك عصوبته اشتراكى يوقدر مثلاً بنت صلييه نك  
وچودى اخت لهما نك عصوبته شرط اولوب کنديسى ايسه  
ينه سهم معینى اولان نصفی آلور و مزبوره عصبه بنفسه قيلندن  
اولديغى جهته عصوبت مذکوره يه سبب عد اولنميوب يالکتر  
مقارنته دال اولان معیت ايله تعبير اولنور .

## فصل خامس

حجب بياننده در

مسئله ۳۰ — حجب یر کيمسه نك وجوديله ديكر کيمسه ني  
ميراندن کليا منع ايتمک ويا نصيبنى تقايل ايتمک ديمکدر بناء عليه  
حجب ايکى نوعدر .



برنجی نوع حجب نقصاندر که بر شخصك سهمی اکثردن  
اقله تنزیل ایدلمکدر مثلاً زوجك ولد ايله ربعه استحقاقی حالنده  
تصفدن وزوجهك ولد سببيله ثمنه استحقاقی صورتنده ربعدن  
حجب اولمسی کبی

كذلك امك ولد ویا اخوه ايله ثلثدن سدسه حجب ایدلمسی ده  
بو قییلندرد.

ایکنجی نوع حجب حرماندر که میراثدن بالکلیه ساقط  
اولق دیمکدر ابن الاخك اخ ايله میراثدن محروم اولمسی کبی.

مسئله ۳۱ حجب نقصان اصحاب فرائضدن بش کیسه سه یه عارض  
اولور که آنلر ام ، بنت الابن ، اخت لأب ، زوج وزوجه دن  
عبارتدر

حجب حرمان اب ، ام ، ابن ، بنت ، زوج وزوجهك  
ماعداسی بولنان وارثلرك كافه سنه عارض اوله بیاور  
اما بو آلتی صنف کیسه لر هر حالده وارث اولورلر

مسئله ۳۲ جد صحیح اوج حالنده دخی اب ايله حجب اولنور  
یعنی كرك يالكر بولنوب تعصیب محضه وكرك ابن ايله اجتماع  
ایدرك سدسه وكرك بنت ايله برابر بولنوب سدس مع الباقی یه  
استحقاقی حالنده اب ايله ساقط اولور

على الاطلاق جدهلر ام ايله ساقط اولورلر. ابن الابن ابن ايله  
كذلك اسفل اولان اعلى ايله حجب اولنور

على الاطلاق اخوه واخوات اب وجد وبنین وابنائ بنین  
ایله ساقط اولورلر

اخ لائب اخ شقيق يعنى اخ لابوين ايله ، كذلك بنت ايله  
اجتماع ايدوبده عصبه اولان شقيقه ايله دخى ساقط اولور.

ابن الاخ لابوين ذكر اولنانلردن بشقه اخ لاب ايله ، كذلك  
بنت ايله عصبوت قازانان اخت لائب ايله ساقط اولور

ابن الاخ لاب ابن الاخ لابوين ايلهده ساقط اولور

اخوه لام ولد و ولد الابن ايله يعنى كرك ابن ، ابن الابن

و كرك بنت ، بنت الابن ايله دخى ساقط اولور

بنات ايله بنات الابن اجتماع ايتدكده بنات صلبيه ثلثان

آلمسسه بناء بنات الابن ساقط اولورلر مكر آنلرك درجه سنده

ويا مادوننده ابن الابن بولنورسه مزبورده لره عصبوت مشتركة

قازانديره رق سقوطلرينه مانع اولور

اخوات لاب دخى بويله جه اخوات لابوين ايله ساقط

اولورلر مكر اخ لائب بولنوبده آنلري تعصيب ايلرسه وارثه

اولورلر

اما اخت لابوين واحده اولوب نصف آلدقده اخت لائي

كليا اسقاط ايده مز بلكه مزبوره بو حالده صلبيه واحده ايله

اجتماع ايدن بنت الابن كبي تكملة الثلثين اولمق اوزره سدس آلور.

تنبیه — قتل ورق كبي موانع ارثك بريله محروم اولان

كيمسه ديكر كيمسه يي حجب ايده مز يعنى آنك وجود وعدم

وجودى سياندر

اما حجب حرمان ايله محجوب اولان كيمسه غير يسنى حاجب

اوله بيلور مثلا على الاطلاق اخوه اب ايله حجب اولنسدقلىرى

حالده والده يي ثلثدن سدسه حاجب دخى اوليورلر



تنبیه دیگر — ذکر کردن اولان اصحاب فرائض ایله عصبیاتک  
کافه سی اجتماع ایله کده ایچلرندن یالکیزاوج کشی وارث اولورکه  
آنلر اب ، ابن ، زوجدن عبارتدر

صنف اناتدن اولانلرک هربری بولنورسه یالکیز بشی وارث  
اواه بیلور آنلر بنت ، بنت الابن ، زوجہ ، ام ، شقیقه در

ذکور واناتک جمله سی بولنه جق اولورسه یالکیز بش کشی  
وارث اولورکه اب ، ام ، ابن ، بنت ، احد زوجیندن عبارتدر

۲	۳	۷
سدس	ربع	قی
اب	زوج	ابن
		۱۲

۳	۱۲	۴	۴	۱
ثمن	نصف	سدس	سدس	قی
زوجہ	بنت	بنت الابن	ام	اخت لهما
				۲۴

۳	۲	۲	۵
ربع	سدس	سدس	قی
زوج	اب	ام	بنت ابن
			۱۲
۹	۶	۶	۱۰
			۳
			۳۶

۳	۴	۴	۱۳
ثمن	سدس	سدس	قی
زوجہ	اب	ام	ابن بنت
			۲۴
۹	۱۲	۱۲	۳۹
			۳
			۷۲

## فصل سادس

عولی ورد بیاننده در

معلوم اوله که مسائل فرائض اوج قسمه منقسمدر. عادله، عائله، عازله در. چونکه وارثلرک آله جنی سهاملر مخرج مسئلهیه مساوی اولورسه یعنی کسر قالمیه رق قابل تقسیم اولورسه عادله تسمیه اولنور. واکر سهام مقدره مخرج مسئلهیه زائد اولورسه عائله و عولیه تسمیه اولنور. واکر سهام موجوده مخرجدن اقل اولوبده وارثلر ایچنده عصبه طاقندن کیسه بولنمازسه مسئله عازله وردیه اولور.

مسئله ۳۳ مخرج مسئله (۶) اولورسه و ترا و شفعا (۱۰) عددینه قدر عول ایدر.

واکر مخرج (۱۲) اولورسه یالکز و ترا (۱۷) عددینه قدر عول ایدر.

واکر مخرج (۲۴) اولورسه یالکز (۲۷) یه عول ایدر.

مسائل عادله :

مخرج ۲	نصف	نصف
	اخذت لهما	زوج
۷	۳	۲
قی	ربع	سدس
مخرج ۱۲	ابن	زوج اب



مخرج ۸	۳ قی	۴ نصف	۱ ثمن
	اخ لاب	بنت	زوجه
مخرج ۱۲	۵ قی	۲ سدس	۳ ربع
	بنت ابن	ام	اب زوج
مخرج ۲۴	۱ قی	۴ سدس	۱۲ نصف
	اخذت لهما	بنت الابن	بنت زوج

مسائل عولیه :

( ۶ ) نک عولی

مخرج ۶	۴ ثلثان	۳ نصف
۷ عولیه	اخذتین لهما	زوج

مخرج ۶	۱ سدس	۴ ثلثان	۳ نصف
۸ عولیه	جده	اخذتین لهما	زوج

مخرج ۶	۴ ثلثان	۲ ثلث	۳ نصف
۹ عولیه	اخذتین لاب	اخذتین لام	زوج

مخرج ۶	۱ سدس	۴ ثلثان	۳ نصف
۱۰ عولیه	ام	اخذتین لام	اخذتین لهما زوج

( ۱۲ ) نك عولى

مخرج	۲ سدس	۸ ثلثان	۳ ربع
۱۲	ام	اختين لهما	زوجه
۱۳ عوليه			

مخرج	۲ سدس	۸ ثلثان	۳ ربع
۱۲	ام	بنتين	زوج
۱۳ عوليه			

مخرج	۴ ثلث	۸ ثلثان	۳ ربع
۱۲	اخوين لام	اختين لاب	زوجه
۱۵ عوليه			

مخرج	۴ ثلث	۸ ثلثان	۲ سدس	۳ ربع
۱۲	اختين لاب اخوين لام		ام	زوجه
۱۷ عوليه				

( ۲۴ ) ك عولى

مخرج	مع الباقي لعدم الباقي	۴ سدس	۴ سدس	۱۶ ثلثان	۳ تمن
۲۴		اب	ام	بنتين	زوجه
۲۷ عوليه					

مسئله ۳۴ : رديه اولان مسائلده فضله قالان مقدار زوج ايله زوجه نك غيرى ذوى الفروض اولان كيمسهلره سهملرى نسبتنده رد واعطا اولنور .



بوراده درت صورت واردر . زیرا مردود علیه یا صنف  
واحد و یا خود اکثر اولور . ایکی صورتدهده من لایرد علیه  
[زوج و زوجه] یا بولنور ، یا خود بولنماز .

ایمدی من لایرد علیه بولنمدینی صورتدهده اکر مردود علیه  
صنف واحد اولورسه مخرج مسئله عدد رؤسه تابع اولور .

$$\frac{\text{مخرج}}{\text{بنتین}} = ۲$$

$$\frac{\text{مخرج}}{\text{ثلاث بنات}} = ۳$$

واکر اکثر اولورسه مقدار سهامه تابع اولور . بناءً علیه  
ایکی سدس اجتماع ایدرسه مخرج (۲) ، ثلث و سدس اجتماع  
ایدرسه (۳) ، نصف و سدس اجتماع ایدرسه (۴) ، ثلثان ایله  
سدس اجتماع ایدرسه (۵) اولور .

$$\begin{array}{r} \text{سدس} \\ \hline \text{سدس} \\ \text{مخرج} \end{array} = \frac{\text{سدس}}{\text{اخت لام}} = ۶$$

۲ ردیه

$$\begin{array}{r} \text{سدس} \\ \hline \text{ثلث} \\ \text{مخرج} \end{array} = \frac{\text{اخت لام}}{\text{اخت لام}} = ۳$$

۳ ردیه





استقامت		
موقوف	من لا یرد علیه	خرج فی
۷	۸	
مردود	عالمها	۷
۷		
زوجہ	سبع بنات	مخرج مسئلتین
۱	۷	۸

واکثر باقی مردود علیہک عدد رؤسنہ مستقیم اولماز سہ عدد رؤس ایله باقی بینندہ یا موافقت بولنور . یا خود بولماز . موافقت بولندیغی حالده عدد رؤسک وفقی من لا یرد علیہک مخرج سهمنه ضرب اولنوب حاصل ضرب مخرج مسئلتین قیلنور .

موافقت بالثلث		
موقوف	من لا یرد علیه	خرج فی
۳	۴	
مردود	عالمها	۶
۶		
زوج	ست بنات	مخرج مسئلتین
۳	۶	۴
		۲
		۸

عدد رؤس ايله باقى بيشده موافقت بولمدينى تقديرده عدد  
رؤسك كايىسى مخرج مذكوره ضرب اولنه رق حاصل ضرب  
مخرج مسئلتين قيلنور .

مباينت		
مخرج مسئلتين	خمس بنات	زوج
۴	۱۵	۵
۵		
۲۰		

الحاصل بوضورتلرده مسئله مسئلتين اعتبار اولنور و باقى ايله  
مردود عليك عدد رؤسى بيشده كى احوال ثلاثيه (استقامت،  
موافقت، مباينت) نظر اولنور. استقامت بولمدينى حالده عدد  
رؤسك وفقى ويا كايىسى مخرج اوله ضرب اولنه رق حاصل ضرب  
مخرج مسئلتين قيلنور .

مسئله ۳۶ من لايرد عليه بولمدينى تقديرده اكر مردود عليه  
صنف واحد دن اكر اولور ايسه ينه منوال سابق اوزره من لايرد  
عليك سهمى اقل مخارجدن ويريلوب باقى موقوف قيلنور .  
فقط بوضورتده باقى ايله مردود عليك عدد رؤسى بيشده نسبت  
آرنامه از . يلكه باقى ايله مردود عليه اولان صنفلك سهامنه  
مخرج قيلنان عدد بيشده بولنه جق استقامت ويا مباينت ايجابنه



کوره معامله اولور. بعده اکر استقامت بولنورسه عمل آخره حاجت قالماز ؛ مبیانت تقدیرنده ایسه من لایرد علیک مخرج سهمی مردود علیک مخرج سهامنه ضرب اولنه جنی کی مردود علیه اولان هر صنفک حصه سی بیلنمک ایچون اوصنفک سهمی ده باقی به ضرب ایدیلهرک حاصل ضرب زیرینه یازیلور .

استقامت

استقامت		
۱	۲	۳
من لایرد علیک مخرج سهمی	مخرج	مخرج
زوج	جده	اختین لام
ربع	سدس	ثلث
۴	۶	۳

مبیانت

مبیانت		
۱	۲	۳
من لایرد علیک مخرج سهمی	مخرج	مخرج
زوج	بنت	بنت الان
ربع	انصف	سدس
۴	۲	۶
۱۶	۳	۴

مبادینت

من لایرد عالیہ	من لایرد عالیہ	من لایرد عالیہ	من لایرد عالیہ
۷	۷	۷	۷
۸	۸	۸	۸
۱	۱	۱	۱
نصف	نصف	نصف	نصف
بنت	بنت	بنت	بنت
۴۱	۴۱	۴۱	۴۱
۵	۵	۵	۵
زوجہ	زوجہ	زوجہ	زوجہ
۸	۸	۸	۸
۵	۵	۵	۵
۴۰	۴۰	۴۰	۴۰

مسئله ۳۷ هر هانکی ایکی عدد بر برینه مساوی اولورسه  
 بینلرنده تمائل بولنور و مذکور عددلره متماثلین دینور . و بو  
 صورتده باقینک رؤس ورثیه بلا کسر انقسامی صحیح اولغله  
 بینهماده استقامت بولنور . و اگر ایکی عددک بریسی دیگرندن  
 بر قاج دفعه طرح ایله آنی افنا ایدرسه اول عددلر بیننده تداخل  
 بولنور و ایکیسنه بردن متداخلین تسمیه اولنور .

تعمیه — تداخل انجق بر طاقم رؤس ورثه ایله دیگر طاقم  
 رؤس ورثه بیننده اعتبار اولنوب یالکزمسائل مرکبهده جاریدر .  
 اما سهام ایله رؤس بیننده کی تداخل صورتلری توافقه اداخل  
 قیلنور .

و اگر ایکی عدد یکدیگرندن طرح ایله فضله برشی قالمازسه ،  
 تعمیر آخرله هر هانکی عددلری واحدک غیری بر عدد افنا  
 ایدرسه مذکور عددلر بیننده توافق بولنور و کندیلرینه متوافقین



تسمیه ایدیلور بوضوح و افنا ایدن عدد اگر (۲) عددی  
ایسه متوافقین بیننده موافقت بالنصف وارد دینور .

۴ ایله ۱۰ ، ۸ ایله ۱۸ کی

واگر افنا ایدن عدد (۳) عددن عبارت ایسه بینلرنده  
موافقت بالثلث ، (۴) عددن عبارت ایسه موافقت بالربع  
بولنور . الحاصل اوعدد هانکی کسرك مخرجی ایسه او کسرده  
موافقت اعتبار ایدیلور .

## فصل سادس

تصحیح مسائل اصولیه دائر در

تصحیح مسئله وارثلرک سهملرینی هیچ بریسی حقننده کسر  
واقع اولیه جق و ممکن مرتبه اقل بر مقدارن اخذ ایدیلر جائز  
بر حاله ارجاع ایتک (تعبیر دیکرله)  
مخرج مسئله ممکن اولدینی قدر اصغر اعتبار ایدیلر کله  
برابر هر فردک حصه ارثیه سنی عدد صحیح اوله رق تعیین ایلک  
دیمکدر .

مسائل قرائضیه نك تصحیح چنده یدی حال متصور در که  
بولرک اوچی بین السهام والرؤس ، دردی بین الرؤس والرؤس  
اعتبار اولنور .

مسئله ۳۸ — سهام ایله رؤس بیننده متصور اولان احوال  
ثلاثه نك برنجیسی استقامت بولمقدر یعنی ورثه دن هر فرقه نك  
سهمی کندیلرینه مستقیم یعنی تماماً قابل تقسیم اولمقدر .

ايكنجىسى يالگىز بىر طائفەنىڭ سەھمى منكسەر اولدىغى  
 حالده اوطا ئفەنىڭ سەھمىلە عدد رؤسى ارەسندە موافقت بولمىقدىر.  
 اوچىنچىسى يەنە بىر حالده او طائفەنىڭ سەھمىلە عدد رؤسى  
 ارەسندە مباينت بولمىقدىر اما بين الرؤس والرؤس متصور اولان  
 احوال اربعەنىڭ ھەر بىرىندە طائفەلەر بىر قانچىدە كسەر بولغۇر .  
 ايمدى سەھم مشتراكلىرى كىندىلرىنە منكسەر بولغان طائفەلەر  
 عدد رؤسلرى يىكديكرە مقايىسە اولندىقدە تحقق ايدەجك نىسبەتە  
 كورە حال تىبدل ايدر نىسبت مذكورە ايسە تماثل ، توافق ،  
 تداخل ، تباين دن عبارت درت نوعك بىرى اولەجىغىدن احوال  
 دردە بالغ اولور .

مسئله ۳۹ — بين السهام والرؤس تصور اولغان احوال  
 ثلاثەنىڭ بىرىنچىسى اولان استقامت صورتىدە ھەر كسك حصەسى  
 مقرر بولنەجىغىدن عمل آخرە حاجت اولماز .

۱	۴	۱
سەھم	ئىلشان	سەھم
۶	بىتىن	ام

احوال ثلاثەنىڭ ايكىنچىسى اولان موافقت صورتىدە ايسە  
 اولاً تصحيح مسئلەنى بولمىق اچون حصەلەردە كسەر بولغان  
 طائفەنىڭ عدد رؤسنىڭ وفقى مخرج اصلى يە ضرب ايتىك وثانياً  
 مخرج اولەجىق حاصل ضربىدن ھەر فريقت حصەسىنى تەيىن اچون  
 اصل مسئلەدەكى سەھمىنى عدد رؤسنىڭ وفقى يە ضرب ايتىك اقتضا  
 ايدر .



مخرج	سـدس مع الباقي	ثلثان	سـدس
۶	اب	عشر بنات	ام
۵	۵	۲۰	۵
۲۰		۲	

اگر بوضورتده مسئله عوليه ويا رديه ايسه عدد رؤسك وفق مسئلهك عولنه ويا ردينه ضرب اولنوب حاصل ضرب تصحيح مسئلهدن عبارت اولور .

مخرج	سـدس مع الباقي	سـدس	ثلثان	ثمن
۲۴	اب	ام	ست بنات	زوجه
۲۷	۱۲	۱۲	۴۸	۹
۳			۸	
۸۱				

احوال ثلاثهك اوچنجيسى اولان مباينت صورتنه كلنجه ينه بومعامله اجرا اولنور فقط بوضورتده سهمى منكسر اولان طائفهك عدد رؤسى اصل مسئلهيه ياخود عولنه ويا ردينه ضرب اولنور .

مخرج	ثلث	سـدس	نصف
۶	ثلاث اخوات الام	جدد	زوج
۳	۶	۳	۹
۱۸	۳		

مخرج	ثلثان	نصف
۶	خمس اخوات لاب	زوج
۷	۲۰	۱۵
۵	۴	
۳۵		

نخیم — بر طائفه حقنده کسر واقع اولوب سهملری ایله عدد رؤسلری بیننده مابیت بولنه جق اولورسه طائفه ضربوره به اصل مسئله دن هر نه اصابت ایتش ایسه افراددن هر برینه تصحیح مسئله دن او مقدار اصابت ایدر چونکه اولاً او طائفه نك تصحیح مسئله دن حصه سنی بولمق ایچون اصل مسئله نك سهمنی عدد رؤسنه ضرب ایدیورز بعده هر فردك حصه سنی تعیین ایچون او حاصل ضربی عدد رؤسه تقسیم ایدیورز حالبوکه بر عدد دیگر عدده بر کره ضرب، بر کرده تقسیم اولند قدیمه قیمتته خلل گلز بناءً علیه اشبو طائفه افرادینك تصحیح مسئله دن حصه لرینی بولمق ایچون اوزون اوزادی به ضرب و تقسیمه حاجت کورولمز.

مسئله ۴۰ بین الرؤس و الرؤس اولان احوال اربعه دن برنجیدی بینهماده تماثل اولمق یعنی سهملری کندیلرینه تماماً تقسیم اولنه میان طائفه لرك سهملریله کندی عدد رؤسلری متباین ایسه عدد رؤسلری واکر متداخل ویا متوافق ایسه عدد رؤسك و فقلری بیننده مماثلت بولمقدور.

بوصورتده تصحیح مسئله ایچون اعداد متماثله ایچندن بری مخرجه ضرب و تعیین نصیب ایچون هر فریقك آله جنی مقدار عدد مذکوره ضرب اولنور.

۳ و ۳

۳ و ۳

۳ و ۳

مخرج	قی $3 \times 1$	سدس $3 \times 1$	ثشان $3 \times 4$
۶	ثلاثة اعمام	ثلاث جدات	ست بنات
۳	۳	۳	۱۲
۱۸	۱	۱	۲



تنبیه — بومسئله ده اوچ طائفه حقنده کسر واقع اولمشدر  
اکر ثلاثه اعمام پرینه برعم فرض ایدلسه اوقت ایکی طائفه ده  
کسر بولنه رقینه بومعامله اجرا اولنور .

ایکنجی مال بینهماده تداخل اولمق یعنی سهملرنده کسر  
واقع اولان طائفه لک عدد رؤسلریله سهملری متباین ایسه عدد  
رؤسلری واکر متوافق ویا متداخل ایسه عدد رؤسلرک وفقلری  
بیننده تداخل بولنمقدور .

بوصورتده عدد رؤسلک ایچندن اکثر اولان عدد مخرج  
مسئله یه ضرب اولنور .

۱۲ وف

۴ وف

۲ وف

	۱۲×۷	۱۲×۲	۱۲×۳
	فی	سدس	ربع
مخرج			
۱۲	۱۲ عم	۳ جد	۴ زوج
۱۲	۸۴	۲۴	۳۶
۲۴	۷	۸	۹
۱۲			
۱۴۴			

ارینجی مال بینهماده موافقت یعنی تباین صورتنده عدد  
رؤسلرک نفسی ، توافق و تداخل صورتلرنده وفقلری اعتباریله  
موافقت بولنمقدور .

بوصورتده عدد رؤسلردن برنجیسنک وفقی عدد ثانینک  
مجموعنه ضرب اولنور بعده حاصل ضرب عدد ثالثک وفقنه و بو

ایکینجی حاصل ضرب رابعات و فتنه و اوچنجی حاصل ضرب  
دخی اصل مسئلهیه ضرب اولنور .


۱۸۰	۱۵	۱۵
۳۶	۹	۹
۱۲	۶	۶
	۴	۴

۱۸۰ × ۳	۱۸۰ × ۱۶	۱۸۰ × ۴	۱۸۰ × ۱	مخرج	۱۸۰
نمن	ثلاثان	سدس	فی		
۴ زوجه	۱۸ بنت	۱۵ جده	۶ عم	۱۴	۲۴
۵۰۰	۲۸۸۰	۷۲۰	۱۸۰		۷۴۰
۱۳۵	۱۶۰	۴۸	۳۰		۳۶
					۴۳۲۰

دردنجی حال بینهماده اعتبار مذکور ایله مبیانت بولمقدور  
بوصورتده برنجی طائفه نك مجموع رؤسی ایکینجی طائفه نك  
عدد رؤسنه ضرب اولنور حاصل ضرب دخی اوچنجی طائفه نك،  
بعده دردنجی طائفه نك عدد رؤسلرینه وبعده اصل مسئلهیه  
ضرب اولنور .

۲۱۰	۷	۷
۴۰	۵	۵
۶	۳	۳
	۲	۲

۲۱۰ × ۳	۲۱۰ × ۴	۲۱۰ × ۱۵	۲۱۰ × ۱	مخرج	۲۱۰
نمن	سدس	ثلاثان	فی		
۴ زوجه	۶ جده	۱۰ بنت	۷ عم	۲۴	۲۴
۶۳۰	۸۴۰	۳۳۶۰	۲۱۰		۲۱۰
۳۱۵	۱۴۰	۳۳۶	۳۰		۲۴۰
					۴۸
					۵۰۴۰









**D. S. U. LIBRARIES**



IES

**422-3900**

DATE DUE

8.13.80

1 30 505 JOSTEN'S

**MAIN STACKS**



BP184.9

W5M35

1908